

**Observationes quaedam medico-practicae & physiologicae; inter quas ... agitur de asthmate et hydrophobia. Quarum etiam decem ultimis subjiciuntur administrationes [sic] ... anatomicae, cum ... de cordis in embryone vasorum structura, & sanguinis juxta eam circuitu dissertatione / [Humphrey Ridley].**

**Contributors**

Ridley, Humphrey, 1653-1708.

**Publication/Creation**

Londini : J. Tonson, 1703.

**Persistent URL**

<https://wellcomecollection.org/works/dn9n9yur>


**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.


You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



63088/B



In<sup>o</sup> Lewis Petit MD.

coll Royal Med Soc S.R.S & S.S.A.

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

RIDLEY, H.

copy 1

122



# OBSERVATIONES

Quædam Medico-practicæ & Physiologicæ; inter quas aliquanto fusiùs agitur.

D E

## ASTHMA TE

S E T

## HYDROPHOBIA.

Quarum etiam Decem ultimis subjiciuntur  
ADMINISTATIONES totidem Corporum  
morbis quorum Tituli Observationibus iis præ-  
figuntur affectorum ANATOMICÆ, cum par-  
ticulari, & non ante observata.

D E

Cordis in *Embryone* Vasorum *structura*, & sanguinis  
juxta eam circuitu DISSERTATIONE.

---

Autore

HUM. RIDLEY, M. D.

Coll. Reg. Med. Lond. Soc.

---

L O N D I N I,

Impensis Jacobi Tonson, subter Portam  
Orientalem Hospitii Grayani. 1703.

OBSEERVATIONE

Quædatur Medicico-præcicco Phyllopo-  
picco interdassiphilum quinque dñi

D B

ASTHMA

T T

HYDROPHOBIA

Quædatur etiam Decem statim applicatur  
Antistatones totidem Cæteras  
modice ducentum Truncum Opisavatioribus in his-  
togrammæ suggestione Atomæ cum per-  
ticipijs & non sive officiariis.

D E

Cordis in expirare Astomum hydropicum & gurgitum  
hinc eam cunctam Diæteratavit.

Ancora

HUM RIDLEY M.D.

Coll Reg Med Lond Soc

LONDINI

Tabernæ Medicæ Tabernæ Superer portum  
Quædatur Hæfelin Grecianæ 1203

---

---

A D

# LECTOREM.

**Q**uanti olim fuit Medicina pretii apud Veteres, cum scilicet Institutores ejus primum floruerunt, & quamdiu à profano vulgo, & imperitorum grege tuta, cum omni bonarum artium disciplina enutritis habitabat, ab iisque indies exculta exerceretur, sermone longo, te monere Lector, modo in memoriam tuam ulla prisorum temporum venerit notitia, haud opera prætium esse duxi. Hujus veritatis fidem tibi facient, luculentiusque testabuntur tot marmora, æra, templa, & (ne ulla honoris insignia deessent) tot etiam delubra eorum nominibus, erecta & consecrata.

Quibus autem mediis, quibusque gradibus, ad tam præclaram artis hujus reconditissimæ pervenerunt cognitionem, vix ulli eorum scriptis satis diu versato dubium esse potest. Instar omnium

fint nobis ea vetutissima in exemplum à  
divino sene fulgentissimo illo medicinæ  
sydere Hippocrate transmissa, ubi fere  
vel ex qualitatibus rerum sensibus no-  
stris obviis, vel ex assidua morborum  
observatione, vel ex accurato corporum  
structuræ scrutinio, & ad leges me-  
chanices applicato, deprompta reperies  
omnia.

Nec sane ullis aliis mihi unquam vi-  
sum est rationibus scientiam hanc indies  
magis promoveri, quam quibus feliciter  
adeo primum incepta est. Arduum fa-  
teor, si non audax aliquibus videri po-  
test stupendum præstantissimi hujus Viri  
ingemium emulari; cum autem eadem no-  
bis subjaceat natura contemplanda; iidem  
in omnes fertili ejus sinu latentes divitias  
nobis pateant aditus; libem tractandi no-  
bis veniant morbi; Quibus etiam eos  
expugnemus. prosternit eadem (ne di-  
cam plura) nobis remedia. Quid vetat  
quo minus ex his quæ cum illo nobis com-  
munia sunt, ad ista quæ nobis laudi, &  
facultati nostræ decus sit prosequenda

ori-

origamur; & ex iis quæ illi æquiori  
longe jure competant, insignioribus nem-  
pe animi ejus dotibus, ad ea tandem  
consequenda quasi stimulis incitemur.

Absterritus quidem fueram ab omni  
qualicunque hujusmodi incepto, quoti-  
escunque illius, & aliorum Principum  
quorundam virorum opera ob oculos meos  
ponerem, si mihi considerationes prefatae  
de novo non dedissent animum. Cæterum  
cum mibi conscius essem, me nihil unquam  
(absit omnis jactantia seu inanis gloriae  
aucupium) quod non Observationum ve-  
ritati, experimentorum certitudini, in-  
tensæ animi applicationi, probæque quæ  
ex iis omnibus elicicissim narrationi in-  
niteretur, publico destinasse, majori lon-  
ge tenue hoc opusculum alacritate, &  
fiducia aggressus sum.

Magni quidem eorum solertiam, me  
semper æstimasse fateor, qui in intimam  
corporum, tum solidorum, tum fluido-  
rum structuram conspicillorum ope inqui-  
rendo, plurimas prius quasi in alto demer-  
fas veritates in apricum protulerunt. Qui-  
cunque

cunque autem secum quantum inter eorum  
corporis nostri humorum nativis suis ad-  
huc canaliculis coercitorum, vitalique spi-  
ritu calescentium, & eorundem iis ex-  
emptorum, vitaque spoliatorum constitu-  
tionem sit discriminē perpendere, facile  
illi constare puto, quam sit illis difficile  
si non penitus impossibile, in utcunque  
corporum eorum minutiarum cognitionem  
devenērint, appropriatas utilesque ullas  
medendi intentiones elicere. Unicum  
igitur hic solum adjiciam, me plus Me-  
dicorum solertiæ in phœnomenis a natu-  
ra cum morbo prælianti emergentibus serio  
sagaciterque expendendis; quibus etiam  
notis quasi characteristicis morbi mira  
aliquando similitudine symptomatum quo-  
rundam inter se conjuncti, etiamsi spe-  
cie discrepantes, à se invicem distin-  
guantur, sedulo ediscendis; iisque pariter  
intentiones medicas debite adaptandis oc-  
cupatæ, in morborum sanatione semper  
tribuisse, quam ullorum circa eos in hy-  
pothesibus utcunque concinne extruendis,

(quoti-

(quotiescunque scilicet iis desit sensuum  
nudorum certitudo,) dexteritati.

Quo jure, qua veritate, quo domum  
eventu hæc a me dicta sunt, sequentes  
uti spero fidem facient Observationes;  
de quibus hic monere habeo, me in iis  
aliquando prolixius egisse, ubi scilicet, pars  
ista Pathologiæ quæ circa evidentes morbi  
causas vel ejus symptomatum varietatem  
versetur, id exigeret, sine quorum ampla  
& fideli enarratione non nisi obscure  
assurgant morbi Ideæ, & consequen-  
ter minus congruæ medendi intentiones;  
aliquando brevius, quoties in illis un-  
quam considerationes physiologicæ sese of-  
ferrent, cum nempe de iis quæ pro maxima  
saltem parte sensuum nostrorum externo-  
rum notitiam effugiant, & proinde non  
nisi mere conjecturaliter agendum esset;  
ultimo tandem, brevissime aliquando &  
maximo quo fieri potuerit compendio,  
quoties nempe natura morborum vel me-  
thodi alicujus particularis, vel medica-  
mentorum quorumvis appropriatorum u-  
sum postularet, quorum vel unius, vel  
alte-

alterius, efficaciam habueram in eorum curatione experientia longa satis exploratam.

Quoad Dissectiones hoc velim adver-  
tat Lector, quod cum semper mihi ra-  
tum esset, non solum veritates plures al-  
to aliis silentio dormituras ex iis posse  
erui, & errores imposterum præcaveri, quin  
etiam aliis, qui me longe satius e naturæ  
Historia notiones in utilitatem publicam  
ex iis elicere norunt, aliquo forsan post  
tempore usui fore, me diligentiam sum-  
mam (quantum res paterentur) in iis  
exornandis adhibuisse.

Quo tandem dicendorum finem faci-  
am, satis tibi constare spero, me omni se-  
posito, vel quod ex assidua ægrotantium  
cura, vel ex cadaverum putrescentium  
fectione occurreret molestiæ, vel laboris  
fastidio, utilitatem tuam otio meo pre-  
tulisse.

OBSER-

---

# Explicatio Figurarum.

## Figura Prima.

*a b Foramen Ovale seu Rotundum naturali aliquanto majus.*

*c c c Valvula ejus.*

*e Ejus apertura.*

*d d Sanguis per eam transfluens.*

In reliquis tribus Fig: eadem literæ  
cadem denotant.

## Figura Quinta.

*Desumebatur hæc figura à Corde fætus in spiritu vini integri per aliquot annos conservati, & postea aperti, ubi vasa statu suo naturali, coagulato in iis sanguine, adhuc apparent; & proinde cum nullam ad istiusmodi exemplar naturale excusam hactenus videram, eam hic cum aliquot pluribus quam exigebant Schedæ præcedaneæ explicationibus exhibui.*

*A Cor.*

*b Auricula dextra.*

*c Auricula sinistra.*

*d d Pulmones.*

*e e Arteria aorta.*

*f Arteria dextra subclavia.*

*g Arteria subclavia sinistra.*

\*

*b Arte-*

*h* Arteria Carotis dextra. *i* Arteria Carotis sinistra. *h* & *i* utræq; cranium versus ampliores.

*k k* Arteriæ cervicales seu vertebrates dextra & sinistra per vertebrarum collis processus usque ad cerebrum transmissæ.

*l l* Rami ejus utrinque inde exeuntes.

*m* Arteira Pulmonalis, seu Vena arteriosa.

*n* Canalis seu Tubulus arteriosus.

*o* Nervus 8 paris seu Par vagum.

*p* Plexus ejus inferior altior hic quam in Tabulis Willif: vel Viessen:

*q* Ramulus hic distinctus ab hoc plexu descendens & Nervum recurrentem constituens absque reflexione ulla super Arteriam subclaviam, num ita à natura, an per aliquod accidens in sectione nescio.

*r r* Nervus recurrens dexter.

*s s* Rami aliquot num nervei vel sanguinei nescio ab hoc plexu in Nervum recurrit & ulterius propagati, eorum instar qui in Willis Fig: à Nervi intercostalis plexu medio distribuuntur.

*t t* Nervus intercostalis cuius plexus gangliformis mediis hic deest.

*v* Plexus ejus Thoracicus.

*w w* Plexus ejus superior.

*x* Trachea.

*¶* Vena cava descendens abscissa.

5. a







Fig. 1 a



2 d a





---

# OBSERVATIO I.

*De Cholera.*

**G**enerosa quædam quadragenaria, athletico Corporis habitu donata, cum tribus ab hac Urbe plus minus miliaribus pedibus festinantiūs æstivo tempore contendisset, anhela tandem & sitibunda, post haustum cervisiæ minus defecatæ liberaliorem, in atrocem primùm Ventriculi anxietatem, postea in enormes sursum & deorsum ejectiones incidit.

Domum in rheda reversa, statim Pharmacopolam accersivit, qui subitanei hujus affectus causam in crapulam rejiciens illi tincturam *Cardui Ben:* copiosè propinavit, & postea Cordalia varia pro more ventriculum roborandi gratiâ administravit. Die sequenti, cum nullum ex hisce Medicamentis fructum percepisset, me accersivit. Ægram crebris profusisque vomitionibus iisq; variegati coloris acerbissimis Ventriculi cruciatibus comitatis, & Convulsionibus flatulentis persingulos artus sœvientibus, eas quotiescunque remitterent, alternatim ex-

cipientibus, adeò dilaniatam cùm vidissem,  
 eam Cholera laborare indiciis satis apertis  
 judicavi; Morbo colicæ biliosæ etiamsi ad-  
 modum affini, in hoc tamen ab eo diver-  
 genti, quòd ea laborantes à principio in-  
 testinorum doloribus, & iisdem postea in  
 Morbi progressu quasi per intervalla quæ-  
 dam atrocissævientibus, manente etiam per  
 totum Morbi decursu malvo astrictiori solent  
 affici, secus ac in hac ægra accidisse cerni-  
 mus. A Colica etiam hysterica per signa præ-  
 gressa, symptomatum etiam vehementiam &  
 durationem satis distinguendo; quippe,  
 præterquam quod raro accidit quin æ-  
 gra utpote nativa sua indole eò proclivis,  
 prius aliquibus istius morbi symptomatis  
 conflictata fuisset, communiter, nisi in con-  
 stitutionibus præfervidis & magnopere ple-  
 thoricis (ubi quidem symptomata utriusque  
 minus à se abludunt & curationes proprius  
 accedunt,) Morbus ille, colica scilicet instar  
 navis se habet quæ pelago solito solum effe-  
 ratius spirante vento supra modum agitatur,  
 hic autē instar illius, quæ ónibus portis Cœ-  
 li reclusis, ab exorta inopinatò procella ruina  
 haud ineluctabili & repentina periclitatur.

Quam primùm igitur, cum ab exhibitio-  
 ne Tincturæ Cardui, unde ejusdem coloris  
 cum humoribus sursum vomitione rejectis,  
 sedes plurimas habuisset, alvus jam per ali-  
 quot horas substitisset, enematis injectio-  
 nem

nem consului, quo aliò avocatis sordibus minori earum onere premeretur Ventriculus. Quo peracto, proximo loco cum affectum hunc à violenta humorum in corpore succis vitiosis scatenti commotione per ambulatiorum solito concitatiorem facta, superveniente etiam liberaliori cerevisiæ frigidæ & fortè nondum satis fermentatæ ingurgitatione, (unde eorundem humorum in viscera Ventriculum præcipuè affluxum & ibidem eorum orgasmum contigisse verisimile est) ortum suum duxisse animadvertissem; eò dirigi primariò mendendi methodus videbatur, scilicet, ut humores quantum liceret in hoc statu ægrotæ adeo debili, uti ex Pulsu exili & depresso plane deprehendebam, aliter enim Sanguinis missionem suasissimem (cujus proculdubio in initio omissionis graves postea per totum morbi decursum luebat ægra pœnas,) è suis conceptaculis educerem partim, partim & eorundem aciem & Cuspides obtunderem, quo citius tutiusque motus spirituum enormes inde exorti compescerentur.

Priùs autem quām methodum hanc inire potuissimus, dum scilicet ei exequendæ necessaria præparerentur, mens erat Mixturæ Riverianæ, cuius exhibitionem in aliis vomitionibus magnoperè probatam habuimus, & qua ipse met in vomitionibus febribus malignis supervenientibus præcipuè uti

solebat, vim, dato hoc intervallo experiri.  
*& Sal Absynth. 3 i. Suc. Limon Cochl. 1.  
 ff. mixtura in Cochl. ipso exhibenda.*

Non diu in stomachum mixturam hanc admisisset, quin eam rejecit cum magna Phlegmatis viscidi, acidiique portione, quod in hoc affectu minus suspicaretur quispiam, cum haec tenus fere semper humorib[us] bilioso ortum suum debuisse hunc morbum passim crediderunt Medici, & cum secunda & tertia vice ejusdem exhibitio repetita esset, adeo insigne enormis istius vomitionis insequutum est levamen, ut inde sperasse me compendiosum huic Morbo exitum dedisse; cum autem interjecto aliquo temporis spatio, non adeo feliciter rem successisse videram, omni seposita mora *Aq. Pulli* (*i.e.*) ejus in sufficienti aquæ q[uod] *Decoctionis* factæ haustus aliquot debitum intervallis tepide propinari injunxi, quos & repeti curavi, usque dum ejusdem sumpsisset rejecissetq[ue], majorem congiu[n]i portionem; Postea injecto etiam rejectoque ex eodem Decoctione Enemate, Bolum sequentem præscripsi statim devorandum.

*& Ther. Androm. 3 i. Pul. ech. c. c. gr. xv.  
 Cast. gr. iii. Ms. f. Bolus statim sumendum, & si exiguo solum tempore illum in Ventriculo detineri contingat de novo quamprimum, etiam & tertia vice si, opus fuerit, aliter non nisi post bihorium repetendus.*

Omnies

Omnes intra unius horæ spatium, absq;  
ullo emolumento evomuit, adhuc adeo ur-  
gente vomitione, ac si cum ea animam affla-  
ret. Jam igitur quo nodo duriori, durio-  
rem cuneum affigerem, Pilulam sequentem  
vellem administrari. & *Opii crudii* fordium  
quantum fieri potest expertis gr. i. ff: Pi-  
lula eodem modo ac Boli ante præscripti  
pro re nata sumenda repetendaque; Ter pari  
prorsus successu hanc ac illos sumfit; Quic-  
quid præterea vires reficiendi gratia assump-  
serit, statim à stomacho aciscens vomitu ex-  
pellebat. Num igitur in stomacho cum  
Pulli Decocto abluendo, vel in Paregori-  
corum exhibitione progrederer multum du-  
bitavi.

Pro priori methodo militabat argumen-  
tum quòd ab ægra producebatur (*viz.*)  
quod semper post Bolos vel Pilulas sumptas  
ingravescebat ægritudo Ventriculi, donec  
vel has vel illos foras ejecisset. Pro poste-  
riori stabant profusæ illæ quæ jam per bi-  
duum præcessissent evacuationes, ita ut  
habita ratione ad assumpta vix mihi  
concipi posse videbatur, ut vel aliquid intus  
adhuc inimicum lateret, vel non satis fuisset  
ablutum. Tandem mihi conscius factus,  
quod potius medicamenti quantitate quam  
ejus Electione errasse, ferme mecum sta-  
tui ad *Opium*, quasi sacram anchoram, præ-  
fertim cum adeo dubio & periculo statu-

res ægrè versari videbantur, semel iterum configere, idque hac vice in formula sequenti, Stomacho aciditate peccanti forsan non incommoda (*viz.*) & *Pil. Mathei* ea q. quam ingrediuntur *Opii* gr. ii. f. Pilula statim sumenda, & pro re nata repetenda.

Notabile satis attulit levamen hæc prima dosis, aliquantulum saltem pacatius se habente ventriculo, qua propter quo penitus facultatem expultricem uti veteres eam nominare consueverunt, devincirem, repetitionem ejus clapsis aliquot horis consului & tertia vice etiam si opus esset, et si longiori temporis intervallo; Hinc ex secunda ejus exhibitione advesperascente tertio die irrepsit somnus ad aliquot horas protractus; ex quo autem experrecta de aliquali adhuc ægritudine querebatur, cum levi ad vomitionem proclivitate; monitus igitur de hoc rerum statu, turbidaque adhuc etiam uti a principio manente urina, hortabar ut ad usum Decocti Pulli configeret, quoties exergiseretur ægra & se ulla-tenus ad Vomitionem proclivem sentiret; inde sperans fore, ut aliqua pars Decoctionis per vomitionem, cum humoribus noxiis & male coleratis rejiceretur, residua forsan intus manente & in nutrimentum facesse.

Hoc modo transiit noctem partim somno, partim abluendo Ventriculum cum A-qua

qua Pulli in sequente levi aliqua vomitione.

Quo antem omnem recidivationis metum præscinderem, adstantes sub vesperam priusquam discedisse monueram, ut postquam semel post somnum copiosè se proluisset cum Decocto supra memorato, Pilulam unam de novo sumeret; unde quidem in somnum per horas 5 vel 6, iterum prolapsa omnium postea symptomatum immunis, cùm vomitionum tum convulsionum evasit.

Die quarto ordinario suo tempore è more eruperunt menses, sub quorum primo ingressu invadabant eam dolores vagi & atroces per artus singulos alternatim discurrentes, ab humorum acrimonia veresimiliter, novo intus à natura concepto orgasmo, hoc tempore Sanguini familiari exorti, quoniam una cum iis recedebant.

Desinente Morbo postulat ratio scribendi observationes, ut desinet etiam observatio. Hic autem operæ pretium esse duxi, ut monitum unum Lectori forsan non inutile subneceterem, idque est de ingenti impendenti periculo in nimis exigua à quacunque domum causa exoriatur hæc affectio, & utcunque exili, vel occlusione scilicet fonticuli, *Reidlino* notante Obs: 38, Paregoriorum administratione, cum bis in cadaverum sectione ab errore illo natam vidi Ventriculi syderationem; prima fuit instantia in quodam hydropico à medicamento

nimis violenter & diu operanti, à Muliere medicastra exhibito, cuius jecoris ut id obiter hic notem, acinosisæ illæ glandulæ à Malpighio primùm detecte integrum superficiem forma & magnitudine Uvarum obtegere. Alteram habebis in observ. infra in casu cujusdam filiolæ de Vomitione mortuæ & postea dissectæ.

Hinc etiam quo plus ponderis habeat monitio adjiciam, me semel cum ruri praxin exercerem, vocatum fuisse ad Viatorem quendam morbo hoc absque ullis signis præcursoriis inopinatò correptum, qui dum illi succurrere humores clysteribus deorsum follicitando, & eosdem quibusvis mediis temperando & abluendo insisterem, intra spatiū 20 horarum violentia Morbi coactus vitam cum morte commutavit; equidem si quid sentirem liceat proferre, dico me facile adduci credere, quod quantumcunque bilis vel potius humores alii sub ejus colore flavo & viridi larvati tragica hac scena ludere videantur, plus tamen subesse revera in ea Convulsionis si penitus rem inspiciamus, præsertim, si in Obs. *Jo. Rhodii* juxta ipsius Opinionem ad hanc & non ad Hysterical passionem referatur, morbus ille ex sola spirituum excandescientia ortus, quam vulgo adhuc esse creditur.

*Pet. Borrel. Obs. Cent. 2. Obs. 27.*

*Vid. Phil. Tr. an. 1666. p. 550.*

OBSER-

## OBSERVATIO II.

*De Catameniis incerto ordine fluentibus.*

**G**enerosa quædam illustriis Familiæ 32 annos nata, admodum venusta morum suavitate donata, & quoad apparentiam externam spirituum & corporis eucrasia donata, cum jam Annos 6 vel 7 nupta esset, nondum autem prole ditata in uteri Hemorrhagias incertis temporibus, idque cum atrocibus istius partis cruciatis incidit, catameniis quæ benigne olim & statis temporibus una vice confluere solebant, jam eodem temporis spatio frequentius nulloque observato ordine impetu quodam, paroxymorum more, dolorifico erumpentibus. Diu hoc affectu molestissimo laborasset & multiplicia in ejus Medelam sumpserat Medicamenta, quin infructuosò omnia. Consultus super hoc casu, me hanc ægritudinem earum numero habere dixi, quæ inter hystericas recensentur; De hoc dubitavit, institi etiam Chalybeata Medicamenta hic locum habere; Plane stupuit, ac si sententiam prorsus novam & omni Experienciam relutantem tradideram. Istius enim farinæ medicamenta se semper audivisse in Casibus

bus illis contrariis præ cæteris propria fu-  
isse, & magnopere prodesse, at ex consequen-  
tia in suo maxime esse suspecta, & haud  
absque periculo admittenda.

Respondi pro causæ varietate, varios, imo  
contrarios unius & ejusdem medicamenti  
effectus, quod prima facie paradoxum vi-  
debatur, produci posse. Puta, in tempera-  
mento bilioso, ubi levi quavis occasione  
in Ebullitionem inirent humores, vel  
in statu Corporis maximo plethorio, ubi  
vasorum capacitas haud satis copiæ fluido-  
rum responderet, accedente etiam victu  
e Cibo & Potu natura sua calidis & excessu  
etiam peccantibus, chalybis usum haud im-  
merito suspectum esse, utpote indole sua ad  
ebullitionem in Sanguine ciendam maximè  
proclivis. Cum autem hic in ejus Casu  
nihil eorum repertum esset, & causam lon-  
ge aliam & diversam eruptionum anomaliarum  
quibus tam atrociter afficiebatur,  
subesse augurarentur, violentos (*viz.*) spi-  
rituum animalium in partem istam ex-  
cursus, unde adeo contraherentur partium  
illarum per quas transcurrunt vasa Sanguini-  
nis reductioni inservientia, fibræ motrices,  
ut pro tempore per vasa ista quasi ligata  
Sanguinis introitus solenni more omnis de-  
negaretur, hic de ejus usus salubritate me  
neutiquam dubitare; Præterea adjeci me  
tunc temporis circa ægram quandam ver-  
fari,

sari, quæ ex levi quavis occasione hysterica fieri, & quoties Paroxysmo afficeretur, copiam Sanguinis è Stomacho rejicere, & semper quoties nimis diu Chalybis usum intermitteret, in Sanguinis effusionem frequentiorem gravioremque solebat incidere.

Hisce argumentis tandem victa methodum sequentem sibi propositam libenter per aliquot dies cum maximo emolumento suo sequuta est.

*R. Decoct. Amar. cum sennæ 3 i. fl. pr. ep. 3 iv. ff. Haustus mane sumendus cum regimine.*

Postea persistat in usu Elect. & Tincturæ sequentium ad septimanas 3.

*R. Cons. Absinth. vulg. 3 i. Limat ferr. 3 iv. Tart. Vitr. 3 i. Syr. de Chalyb q. f. Ms. f. Elect: de quo sumat q. n. m. mane, & h. 5. p. quotidie, superbibendo c. iv. sequentis Tincturæ. R. Limat. Chalyb. 3 ii. Aq. Lact. alez. ℥ i fl. Gent. c. ℥ fl. Absinth. min. c. 3 iv. Rad. Gent. incis: 3 i. summitat Centaur. min. p. i. Absinth. vulg. p. fl. Stent frigidè infus. dies decem assiduo Vitrum agitando, Postea filtratur ad usum.*

Alvo astrictiori existente repetatur Potio Purg. semel in septimana.

infolyl enofleca zirrup ivel zo sup. hui  
-soi OBSERVATIO III.

*De Convulsionibus & Cephalalgia à con-  
tagio Venereo oriundis.*

**V**IR quidam gracilis, at lacertosus vi-  
gente adhuc ætatis flore, cum jam ad  
prandium confessurus erat, nulla omnino  
præcursante ægritudine derepente ~~avauðnōia~~  
& Convulsionibus partium externarum cor-  
reptus est. Incunctanter advocateo Medi-  
co ædibus suis vicino, mittebatur Sanguis,  
Medicamenta varia paroxysmi violentiæ  
coercendæ idonea præscribebantur, & causæ  
ejus præscindendæ vel saltem minuendæ  
gratia Emplastra varia Epispistica locis  
corporis appropriatis superimponebantur.  
Excussum statim paroxysmum excepit  
dolor sinistram sincipitis ejus partem us-  
que ad oculum ejusdem lateris circum-  
scribens adeo excrucians, ut Vigiliis &  
inappetentia per unam septimanam & al-  
teram nihil adhuc proficiente Medicina  
tantum non fractus, tandem me consuluit.  
Ægrotum de oculo sinistro quasi intus re-  
tracto & aliquantulum inflammato, col-  
lapsis fere palpebris, primo meo adven-  
tu cum illum aspicerem, admonui. Id  
se advertisse respondit, & affectum i-

stum

stūm ordinario sibi contigisse, quoties  
 scilicet aliqua causa frigore (*viz.*) seu  
 intemperantia, humores præternaturaliter  
 fuissent agitati. Hisce mihi indicatis, af-  
 fectum hunc Epileptico proximum, è nu-  
 mero eorum esse qui à spirituum animali-  
 um læsionibus oriuntur, nullus dubitavi;  
 cum autem è pulsu ejus exiguo & debili fa-  
 cultatis etiam vitalis collapsum percépif-  
 sem, de Methodo sequenti quæ utriusque  
 indicationi, animali (*viz.*) tum vitali fatis-  
 faceret instituenda cogitavi; Omissa omni  
 genere evacuationis tum quod plures antea  
 Purgationes subierat, tum quod æger ob  
 omni cujuscunque generis plethora quoad  
 Corporis constitutionem quam longe abe-  
 rat. Rx *Tinct. Chalyb. Amar.* (*cujus for-*  
*mula in Obs. præcedanea extat*) ʒ ii. f. Hau-  
 stus mane & h. 6 p. m. sumendus quoti-  
 diè ad dies aliquot, interponendo laxati-  
 vum aliquod medicamentum è lenioribus,  
 uti *Cass. recens extr.* ʒ vi. *cum Tart. Vitr.*  
 ʒ i. vel in Bolo per se, vel *Decoct. Hord.*  
 ʒ iv. semel in septimana pro re nata, si ex  
 ejus usu Ventris astrictio accideret, Rx *Sp.*  
*Sal Arm. succinat.* *Sp. Laven. c. an.* ʒ ii.  
*Tinct. Castor.* ʒ i. *Ms. Sumat gr. xxx.* in  
 Mixt. seq. ʒ iv. Cubitum iturus singulis no-  
 etibus, & quovis alio tempore in languoribus  
 ad libitum. Rx *Aq. Ceras. ni. Meliss. Rutæ an.*  
 ʒ ix. *Peon. c. Bryon. c. an.* ʒ ii. *Sach. q. f.*  
Cast.

*Cast. Ruß. opt. 3 ii. nodulo suspens. Ms.*  
 Continuata per septimanas aliquot hac Me-  
 thodo non adeo languebat appetitus, nec ut  
 ante erat insomnis. Cum autem non pro-  
 votis satis in affectu hoc molestissimo de-  
 bellando responderet hæc Methodus, con-  
 sului ut Emplast. Vesicatorium super to-  
 tum caput rasum per dies aliquot gestaret,  
 sordibus pro more semel in 24 horis leviter  
 pannis lineis detersis. Paruit & Nycthe-  
 meri unius spatio plurimum remittebat do-  
 lor ille effrenis, post biduum plane evanidus;  
 Præcautionis autem gratia ad 3 insuper  
 dies applicationem hanc importunam per-  
 tulit.

Disparente jam penitus dolore rediit ap-  
 petitus, & quo citius ad pristinum Corporis  
 habitum restauraretur (nam tum ex morbo  
 tum methodo non leviter passus fuerat) rus  
 adiit liberoris auræ captandæ gratia, ubi non  
 diutius quam dies quatuordecim plus minùs  
 commemoratus fuerat, priusquam de novo  
 dolor hic haetenus consopitus recrudesceret.  
 Magno fane hoc infortunio perculsus ite-  
 rum ad me venit, & jam cum omnia hæc  
 incassum administrata vidissim, altius a-  
 liquod in causa subesse suspicatus, quod  
 tam contumacem affectum aleret, Interro-  
 gavi, num non sibi conscientius esset, se aliquod  
 cum fæminis conditionis suspectæ consuetu-  
 dinem habuisse, ex quo labem venereum in  
 contraxisse

contraxisse potuisset. Imo respondit, & revera illam olim contraxisse, ceterum de eo morbo propriis usurpatis medicamentis jam diu convaluisse; cum autem, quò certius mihi constaret res, denudati Corporis inspectiōnem exegisse & maculas plures latas & squammaceas per brachia pectus & dorsum dispersas observasse, nullum mihi jam diutius dubitandi locum manere, sed ægritudinis suæ causam satis mihi compertam esse dixi, & curationem ejus spospondi. Afsensit lubenter & quo fidem meam libera-rem sequentes Pilulas præscripsi. *& Extr.*  
*Rud. mollioris consistentiæ* 3 i. *Merc. d. pul.*  
 3 iv. Ms. f. Pil. ix. sumat 3 mane, aliquantisper super dormiendo, modo id concedatur, cum regimine, (præ cæteris cavendo frigus) quotidie ad triduum, & spatio duorum vel trium dierum, prout vires ferant, interposito, bis vel ter earum usus pro re na-  
 ta repetatur. In hac Methodo per septima-  
 nas aliquot insistendo recedere videbatur  
 morbus & tandem plane Caput suum recon-  
 dere; quo autem per mensis unius & alterius  
 intervallum, relicto denuo rediit Cephalal-  
 gia, & de novo Maculæ in conspectu se da-  
 bant venereæ; cum igitur adhuc intus latere  
 virus indole sua satis contumax plane consti-  
 tisset, mecum æger in sententiam ibat, aliò  
 prorsus nobis incedendum esse, quò citius  
 certiusque in Valetudine sua restituenda  
 profi-

proficeremus. Protinus igitur absque mora præmittendis præmissis, illum ex ung: litu Mercurialis procuratum in levem Ptyalis-  
mum conjeci (tunc temporis enim non-  
dum aliqua alia mihi methodus in hisce casi-  
bus innotuisset) quem ad spatiū duarum  
hebdomadarum protrahi permisi, quo tem-  
pore peracto, omnis disparuit cutis defœ-  
datio, & hactenus omnino doloris expers  
optima fruitur sanitate.

---

## O B S E R-

## O B S E R V A T I O   IV.

*De Diarrhæa.*

**V**IRGO quædam annosa temperamenti biliosi, & habitus gracilioris, citra causam quamvis manifestam in alvi fluxum ferosum incidit, vulgo dictum Diarrhæam. Pharmacopolæ suasu plurima, ut mos est, sumpsit Medicamenta; Quibus nihil proficentibus post trium vel quatuor septimanarum spatium ingravescente morbo me accersivit, ad summas uti aiebat, idque verè, angustias redacta. Infestabat adhuc Diarrhæa, constringebatur pectus, urgebat tussis cum summa per vices Ventriculi ægritudine; Pulsus debilis, vires prostratae, nec aberat febris lenta & continua cum vigiliis & inextinguibili fere siti conjuncta. Huic horum omnium symptomatum oneriantum non succumbenti & oppressæ præsentaneo supra omnia levamine opus esse ratus, (quod etiam à me quam enixe expectebat illa,) sequentia incunctanter administranda consului.

*B. fusculi Ovini 3 xii. Vitellos duorum ovorum sach. canti 3 i. f. Enema statim injiciendum, quo rejecto (modo brevi continet) aliter absque mora sequentia exhibantur.*

tur. *& Cons. fl. Calend.* 3 i. *Opii colati*  
*gr. i. Pul. è ch. c. c. Lapid. Goan. an.* 3 fl.  
*Syr. Caryoph. q. f. Ms. f. Bolus quampri-*  
*mum sumendus cum haustu sequenti. & Aq.*  
*Lact. alex. 3 ii. Theriacal 3 fl. Sp. Nitri*  
*dul. gr. x. Sach. albiss. q. f. Ms. f. Haustus.*  
*& Decoct. albi fl. ii. de quo bibat ad libi-*  
*tum copiosè pro potu communi, & cum*  
*eum avidissime peteret haustum cervisiæ te-*  
*nuis bene defecatæ & incorruptæ aliquo-*  
*ties intercalandum liberalem indulsi. No-*  
*cetem hanc transiit admodum irrequieta &*  
*insomnis, urgentibus magis tussi & anheliti-*  
*tus difficultate, & cum manè illam invi-*  
*ferem, & omnia statu deteriori deprehen-*  
*derem, illam protinus Cordialibus perlatis &*  
*& generosis refici curavi & bono esse ani-*  
*mo jussi, ac si noctem insequuturam lon-*  
*ge quietiorem præviderem: Præmisso igi-*  
*tur quo prius Enemate loco Sach. Cant.*  
*ad mistis culinaris 3 ii. ad fæces alvinas quæ*  
*ex narcotici usu diutius in intestinis re-*  
*stiterant, & acrimoniam majorem contra-*  
*xerant, leviter submovendas, bolum cum*  
*duplici quantitate opii præscripsi statim*  
*exhibitendum. Res pro votis successit, be-*  
*ne dormivit, respiratio liberalior, tussis*  
*exigua vel nulla erat, viribus & animo ma-*  
*gis constabat, & res in vado esse apparebat.*  
*Hinc forsitan non inutiliter nobis suggeri*  
*videtur dissimilis, prout majori vel minori*  
*quantit-*

quantitate exhiberi contingent, narcoticorum effectus, quantum scilicet obstant eorum viribus & potestati humores copia & qualitate peccantes intus inexistentes quoties exagitati Orgasmum conceperint, & quòd eorum vis soporifera, cùm spirituum animalium crassi genuinæ adversetur, (quicquid aliter alii senserint) quoties eorum impetui & Excursionibus coercendis ob parcam nimis eorum administrationem impar sit, eos potius in excandescentias & tumultus sibimet ipsis noxios & exitiales exagitet ; Ita ut vix aliam unquam subesse rationem concipiamus, quod usitatum, & pro votis, istius generis medicamenta effectum suum non fortiantur, quàm quòd vel humores copia & effervescentia nimis peccent, vel quod ea minori quam deberent quantitate exhibeantur. Non autem diu, ut redeam unde digressus sum, tranquillo hoc statu stetit ægra, vi enim medicamenti evanescente determinabantur pariter induciæ à morbo datæ, & de novo recrudescebant symptomata. Hisce monitus mecum agere cœpi, num non metu deposito qui me primus occupaverat, ne scilicet vires pro medicamenti purgativi exhibitione ad humores in Sanguine peccantes, & morbo huic originem præbentes eliminandas sufficerent, protinus quò id obinerem formula sequenti aggressus sum.

Rx Rhabarb: torrefacti 3 i. Conf: Fracast: q. f. Ms. f. Bolus. Ter vel quater operebatur cum ἐυφορίᾳ & levamine. Note sequenti longè melius dormivit, tussi & cæteris quotquot molestissima illam antea affecerant symptomata longe mitius se habentibus. Diei unius intervallo repetebatur Bolus cum Rhabarb: 3 fl. cum pari fructu, indies declinantibus symptomatibus, & post unam & alteram ejusdem Medicamenti Exhibitionem penitus evanesceribus. Debilem autem & languidam cum à tedio morbi diurni illam relixtam conspicerem, autor illi fui ut in aerem rusticum & apricum, quo vires refarcinarentur quamprimum migraret, ibique dum commoraretur Decoctum sequens in usu quotidiano haberet. Rx Decocti Amari ℥ ii. Limat: Chalyb: 3 ii. stent frigide infusa per biduum; postea Liquoris per inclinationem clare effusi 3 iii. cum Aq: Gent: c. 3 i. commistas manè & h. 5 p. hauriat quotidie. Hujus, & Decoct: Amar: cum Sennæ 3 i fl. præp. semel in Septimana usu non ultra tres Septimanas persistisset, quin sana & vegeta domum reverfa est.

OBSER.

## OBSERVATIO V.

*De Cutaneo Dolore.*

**F**Æmina quædam de doloribus exquisitissimis Brachia præsertim, aliquatenus etiam tibias & pedes torquentibus, quos (quod præ cæteris notabile est) in cute solum, absque ullo tumore vel discoloratione ejus, & non profundius se sentire dicebat, quærebatur. Et ne illam in sensatione deceptam fuisse credamus, argumentum sat validum esse potest, quod quoties manu calida leniter fricaretur cutis superficies, se omni protinus doloris sensu liberatam fuisse, nec sane diutius, retulit. Cutim in genere hujus affectus esse subiectum, & diversarum quæ eam componunt partium eam particularem istius sedem, esse corpora papillaria seu pyramidalia, quæ commune tactus sensorium à Malpighio statuuntur, & quæ nihil alia sunt quam Nervorum subcutaneorum productiones subima Cute erumpentes, per Corpus mucosum seu reticulare dictum protensæ, à quo sibi adnatam quasi vaginulam assumentes, & proinde à radicibus suis ad earum extremitates gracilescentes oculo per microscopium conspectæ pyramidali sub forma appa-

rent, vix dubio esse potest. Si autem hujus molestissimi humoris fontem inquiramus, eum à ductibus Glandularum sudoriferarum à Stenone primo sic dictarum & à Corporibus pyramidalibus sensui solum inservientibus uti à *Cl. Ruy sch* notatum est, Resp: ad *God: Bidloe* vind: p. 5. sat is distinctarum, quasi à propria sua Scaturigine suffusum deprehendamus. Quod autem nulla alia externa injuria partes sibi vicinas affecerit, id peculiari suo indoli attribui debere judicamus, haud multum ab illa particularum nitrosarum aere brumali tempore scatentium, & gelu omnia constringentium abludenti, quæ foris pariter ac hæ intrò, ob suam molem vel figuram minus nervulorum texturæ proportionatam rudiori suo appulsi illis dolorem inferre solent.

Quoad molestissimi affectus hujus curationem, cum hostilem aliquem humorum aculeis armatum, acidis verosimiliter aliquantulum congenerem, in sanguine midulari suspicarer, peracta bis copiosa ante meum adventum venefectione, id mihi solum restare videbatur agendum, ut humorem illum vel optimis remediis quibus potuisse evacuarem, vel in meliorem statum redigerem, quod formula sequenti conatus sum. & *Conf: Viol: 3 i. Muc: d: gr. xv. Opii colat: gr. i. Syr: Caryoph:*

*ryoph:* q. f. Ms. f. Bolus hac nocte sumendus. Parum dormivit, & aliquantulum diminutus fuit dolor. Die sequenti ter dejicit, assequuto etiam aliquali doloris levamine. Hac nocte denuo Bolum seq. præscripsi, & *Conf: viol:* 3 i. *Muc: d:* gr. xvii. *Diagr:* gr. iii. cum *Syr: Caryoph:* f. Bolus statim iumend. superhib. haustum seq. & *Aq: Laet: alex:* 3 iii. *Diacod:* 3 vi. *Laud: liq:* gr. x. Ms. Die seq. quater vel quinquies dejicit cum egregio emolumen-  
to. Hoc die *Ol: Samb:* cum *Camph:* tan-  
tillo mixt: partibus affricari jussi, unde mi-  
tiùs per aliquot temporis momenta se ha-  
buit dolor. Tandem vero cum præfractè  
se habuisse Morbum conspexeram, Pil. seq.  
præscripsi, & *Pil: ex duob: vel Coch: min:*  
3 i. *Diagr:* 3 fl. *Muc: d:* gr. xxvi. *Syr:*  
*de Rham:* q. f. Ms. f. Pil. vi. cap. post pri-  
mum somnum super dormiendo ad horam  
qua è Lecto exire confueverat, & postea ob-  
servando regimen. Strenuè operatæ sunt,  
& pœnitus evanuerunt dolores absque re-  
cidiva.

## C 4 OBSER-

## O B S E R V A T I O VI.

*De Rhumatismo.*

**V**IR quidam temperamenti Sanguinei & habitus admodum plethorici & obesi 40 Annos natus, de Articulorum fere omnium rigore & immobiliate, & quoties eos vel levissime movere conaretur, dolore atrocissimo corripiebatur. Incipiente Morbo Sanguinis proprio ægri consilio educebantur plus minus unciae vigenti floridi & consistentiæ naturalis. Die sequenti etiam exhibebatur vomitus, ut sordes à Ventriculo & Visceribus infimi Ventris (& recte quidem) eliminarentur; Hinc ad votum copiosa non sine magno proculdubio ægroti emolumento sequuta est vomitio.

Post triduum autem ingravescente adhuc Morbo accersitus, cum pulsum naturalem & ægrum neutiquam febricitantem, sed de dolore vix ferendo invenerim quærentem, statim sanguinis missionem, & cum admodum robustus & plethoricus esset, ad uncias viginti consului.

Post hanc secundam copiosam venæ septionem, & non prius, sanguinem pleuriticorum æmulum fieri, febrim paulatim suboriri, & articulos intumescere observavi.

Adeo

Adeò ad incendium proni erant humores licet in flammam planè & apertò erumperem ob loci angustiam priusquam per venæ sectionem vasorum depletio facta fuisset, non valuissent.

Postridie pari quantitate detrahabatur sanguis, qui majora adhuc ex crassamento seu pellicula superficiē ejus integenti inflammationis dedit indicia; Jam etiam indies augebantur Symptomata, sitis ingens, calor totius corporis intensus, junciturarum dolor immanis, & inflammatio.

Quo igitur inducias saltem cum morbo absque sanguinis adeo profuso dispendio obtinerem, (quod & eò obnixiùs vellem, cum humorum in Sanguine turgentium secessionem ex artuum quaquaversum intumefactione inceptam jam notasse) Calorem jam incendum minitantem seri Lactis ad diem unum & alterum in q: h: iv. exhibitione (quo etiam magnopere delectabatur æger) temperare & aliquantulum sufflaminare molitus sum. Hinc sequebantur quotidie 3 vel 4 dejectiones, & in tantum delinebantur humores acres, exæstuantes, & in artus ruentes, ut maxima jam eorum impetum ex parte coerceri, & statum longè pacatiorem fieri ex insigni symptomatum omnium remissione reperi.

Biduo hoc transfacto, cum præter expectationem, ex arteriæ vibratione, dolore partium

tium vigenti & *αγρυπνίᾳ* admodum pervicaci effervescentiam humorum de novo exorituram adnotassem, ad Venæ sectionem invitò licet, & imminuta quantitate denuo me recepi; qua non obstante, adeo recrudescebant indies symptomata, ut vix ulla nisi quod à paragoricis extorqueretur, symptomatum levamen, absque repetita venæ sectione spes restaret procurandi.

Post triduum igitur emulsionum & anodynorum haustum exhibitione insumptum, denuo Sanguinem ad quatuordecim unc: fluere permisi; quo facto, adeò mitefcebant dolores, ut nocte in sequenti sponte irrepsit somnus ad horas aliquot cum magna virium refectione protractus, & manè cùm eum inviserem, motum fluidorum, ut poterat ad statum naturalem jam propius accedentium, longè diminutum & fere regularem ex pulsu deprehendi.

Injecto igitur Clystere è lacte sacharato, quo leniter è sordibus intestina expurgamus, diætam ex hordeatis & Emulsionibus copiosè seu ad libitum ingestis instituimus, etiam Decoctum Pulli parcè indulsimus.

Elapsis autem horis plus minus 24, de novo bellum movere cepit hostis, dolore jam unum vel alterum præ ceteris alternatim articulum atrociter infestinante, imo introrsum etiam vergere incipiente. Jam enim de ligatura quadam arctè molestissimeque

meque Ventrem inferiorem stringenti cum contractionibus dolorificis per intervalla affidentibus comitata quærebatur.

Huic, ab illuvie serosa, aliqua saltem veritatis specie, ibi deposita ortum suum ducenti, sequenti methodo conabar opitulari.

*& Cons: Viol: 3 ss. Colomel: 3 i. cum tantillo Syr. cujusvis, f. bolus hora somni sumendus; Mane sequent: propinando Aq: Epsam: ℥ iii. ad medias coctas. Sexies deorsum operebantur, & proficuè, appetitu, Somno, & viribus magna ex parte restitutis.*

Post biduum quo satius ægrotum contra molestissimi hujus affectus recidivam munirem, Boli & Aquarium repetitionem, nec minori successu consului, ita ut jam me ægrum in tuto collocasse existimabam. Elapso autem triduo cum ad ædes ejus venifsem, illum cum continuis sedibus & vomitionibus luctantem reperi; humoribus quod sursum vel deorsum rejiciebat, neutiquam ab iis quoad colorem & consistentiam discordibus quos in Morbo Cholera rejici cernimus.

Plurima mecum circa hanc enormem & insolitam evacuationem animo volvens anxius tandem steti, num istius causam in materiæ peccantis intus translationem, an in spirituum motus inordinatos & effrenes ab innanitione per precedaneas & profusas sanguinis missiones excitatos rejicerem, ad ultimam

timam autem tandem propendens, ut haustus aliquot Vini Gallici satis amplos prius calefactos exhauriat hortatus sum, unde statim omnia pacabantur, ita ut proximo mane ægrum truculententissimi hujus Symptomatis prorsus immunem (inde conjectura confirmatus) reperi. Cæterum vix prospéro hoc statu ultra 6 horas mansisset priusquam ad illum eorundem ejectionum revirescentia correptum denuo vocarer. Illum admodum debilem, & delassatum secundo hoc insultu factum animadvertisens, & aliam recidivam periculosam admodum esse conjiciens, ea, quā illum quam maximè extra omne periculum ponerem (quantum scilicet in me esset) methodo insistere tutissimum esse judicavi; & proinde quæ sequitur usus sum. *Ex Laud: Lond: gr. ii.* forma Pilulae exiguæ, quo scilicet melius in Ventriculo detineretur exhibenda quam primum, & post horas 3 repetenda si opus fuerit; Interea etiam de Vino Galliaco bibat ad libitum. Sumpta prima Pilula cessabat Vomitio, parcius & absque cruciatibus dejiciebat; sumpta secunda obrepit somnus, & mane sequenti illum mire relevatum alacremque offendit; & quod notari debet, congium decem horarum spatio Vini Gallici integrum absque vel minima ebrietatis nota exhausisse, cuius vel partem dimidiā sanus (uti aiebant familiares ejus)

ejus) vix sustinuisse, licet etiam per unam tot illius temporis spatio non semibram reddidisset. Cibum pro delectu, & Vini ejusdem usum ad libitum concessi vires reficiendi causa, unde paucò post tempore appetitu restituto, & augescentibus indies viribus egro valedixi. Postea autem cum me suadente rus proficiseretur, quo aere aprico & liberiori versaretur in diarrhaem violentam cum Vomitionibus aliquibus de novo incidit, adeo ut trigesies una nocte dejecerit, qua rursus liberaliori Vini Gallici rubri usu & beneficio solo, absque ullius paregorici ope, liberatus est.

## O B S E R-

## OBSERVATIO VII.

*De Diarrhæa coloris albidi torminosa.*

**V**Etula quædam exsucca, & strigosa in pleno scilicet (stupendo animi vitio) divitiarum cumulo egena, à frigore suscepto in reditu suo ad Londinum à rure, super fluviū Tamesin aperta Cymba, die etiam ad vesperascente, in Diarrhæam coloris subalbi incidit, cum spasmo flatulento vulgo cramp dicto per totos artus sævienti complicatam, ita ut vix locum movere, vel pedibus insistere absque cruciatu intolerabili valeret. Decies plus minus in 24 horis dejecit cum aliquali ventris tormine. Post biduum, dolorifica vincente ægritudine, de pertinaci erga seipsum crudelitate triumphans Pharmacopoliā accersivit, qui plurima medicamenta, & inter cetera Bolos aliquot *Theriacæ Androm*: cum aliquot adstringentibus præparatos illi ministravit. Hinc insequutæ sunt enormes vomitiones dolorificæ, fluxu etiam alvino adhuc persistente; Ad has igitur angustias redacta, suadente etiam id Pharmacopola officii sui memore, me vocavit. Ægrotam febris immunem, pulsus ejus satis robustum & regularem, urinam instar naturalis inveni; quæcunque autem

autem sumisit statim post eorum ingestionem rejicit, & postea cùm vacuus esset ventriculus, in nixus inanes varios vomitivos erumpente solum flatu init. Sedes erant coloris albi dilutioris *instar chyli*. Misere sanè torquebatur mulier grandæva, ita ut vix sibi virium satis morbi fævitiae perferendæ ultra sex horas superesse affereret.

Quamprimum igitur injectionem E nematis sequentis eo fine jussi, quo scilicet ventriculo adeo convulsionibus tentato, (modo id assequi potuerim) intestina fæcibus seu humoribus suis acribus & noxiis liberando, & eodem tempore frœnum aliquod spasmodicis suis contractionibus injiciendo, aliquo modo succurrerem. Rx *Liquoris posset: ex Vin: Hispan: præparat: ʒ xii. Ther: Androm: Conf: Frac: an. ʒ ȝ. Vitellum unius ovi Syr: Viol: ʒ ii. Ms. f.* Enema statim rejiciendum & post ejus rejectionem intervallo horæ unius denuo injiciendum, si vomitiones non misserrint.

Hifce peractis aliquantulum mitiora per totum ductū alimentalem facta sunt omnia. Cæterum cum hinc inducias solum de Morbo impetratas fuisse perciperem, & cum nihil ē ventriculo inter vomitandum nisi flatus copiosos erupisse animadvertissem, vix opus esse illam liquidis copiosè ingestis onerare, uti in cholera solemus  
ad

ad ejus humores putrefactos jugiter à sanguine suffusos exantlandos (uti hactenus faltem creditum est) judicavi, quin potius ut me ad seditiones a spiritibus tumultuantibus etiamnum inibi excitatas sedandum accingerem, cui scopo intentus sequentem methodum institui.

*& Aq: Cinam, Fort: Cinam: h: an: ʒ fl.  
Laud: liq: Cydon: gr. xx. Ol: Cinam: gr. i.  
Ms. f. haustus quamprimum propinandus,  
& si intra spatum ʒ horarum per vomitio-  
nem foras propulsetur, repetendus. Statim  
eū evomēbat utī etiam assumpta omnia jam  
per biduum solita fuisset. Alium igitur qui in  
promptu erat assumebat, qui horas duas  
ventriculo immanxit insequente somno.  
Post id spatum de novo incessit vomitio  
etiamsi lenior, cui, ne iterum novæ darentur  
turbæ, opposui haustum alium, quo factum  
est, ut se statim ad somnum per totam fere  
noctem (quæ secunda à meo adventu fuit)  
protractum cum magno naturæ levamine  
prolaberetur.*

Mane sequenti eam invisi aspectu hilarem  
& vix amplius de meo consilio solicitam.  
Adstantibus autem illam de metu recidivæ  
admonentibus tandem auscultans, iterum  
opem meam petiit.

Quo igitur tutiores & utiliores medica-  
menti paregorici vires misella experiretur.  
Clysteris seq. usum consului, & *Liq: Posset:*  
*vel*

vel *Fusculi Pullini tenuis* ʒ xii. *Vitellum*  
*nius Ovi, Dioscord: Ther: Andr: an. 3 i.*  
*Ms. f. Enema quamprimum injiciendum.*  
*Post horam unam eum reddidit sincerum,*  
*luabus autem elapsis horis sedem habuit*  
*instar earum quas per totum morbi decur-*  
*um cum torminibus deposuisset, parum de-*  
*lbedine solum remittentem.*

Hactenus etiamsi vomitiones & deje-  
tiones penitus fere exulassent, de Stoma-  
hi ægritudine, quæ flatuum eruptione sem-  
er solvebantur aliquantulum querebatur.  
Hos cum de eadem radice qua præce-  
entia symptomata pendere mecum judi-  
asse, eos eodem gladio jugulare jam agres-  
is sum, & proinde Pilulas sequentes præ-  
cripsi. Rx *Opii colat:* gr. ii. *Pul: Glycyrrri-*  
*æ* gr. vi. *Ol: Cinam:* gr. i. *Tinet: Cast:* pa-  
*im.* Ms. f. Pil. ii. quarum sumat unam  
uamprimum, reliquas post sex horas su-  
erbibendo c. ʒ Cord: Perlat: seq. Rx *Aq:*  
*inam: h:* ʒ vi. *Cinam: fort:* ʒ i fls. *Menth:*  
fls. *Marg: græp:* ʒ i. *Sach: alb:* q. f. Ms.  
*Cordiale de quo etiam sumat c. ʒ vel 4*  
*d libitum.*

Harum Pil. usu melius se habuit, & hoc  
ie sedem habuit coloris limosi.

Perstitit in usu Pil. ad diem sequentem,  
uo sedem etiam habuit coloris nigri. Po-  
ea indies robustior facta, & excrementis tū

D quan-

quantitate tum qualitate naturaliter se habentibus, tandem convaluit.

Causam quod attinet fluxus hujus humoralis & terminalis, eum à sero falso & corrosivo propter ~~αισθησίαν~~ impeditam uti in limine hujus Observationis observavi in massa sanguinea congesto, ad intestinā per plexuum glandularum intestinalium ductus excretorios depluenti, & intestinalum fibras acrimonia sua in convulsivos motus adigenti provenisse vix est ut dubitemus. Quoad autem coloris ejus albedinem fluxibus alvi serosis rarissimè (quod sciam) adjunctam, eam maxima saltē veritatis specie glandularum intestinalium prædictarum à Cl: Peyero descriptarum obstructioni deberi existimo. Hinc enim ob earundem succi tantopere alimentorum coctioni & perfectioni inservientis defectum, crudiorē & vitiosum solum sanguini subministrari chylum admodum probabile est, qui cum in finum Sanguinis receptus assimilari nequeat, ut tandem per glandularum harum ductus jam jugi ejus appulsi copiosiori referatos prescribatur necesse est.

Vix aliam hujus Symptomatis rareris majorem veritatis speciem præ se ferentem mihi occurrisse rationem agnosco, præsertim cum hic de affectu celiaco, seu de aurigine suspicio nulla esse potest. Sunt qui mucum istum

stum quo statu naturali oblinuntur intestina nimis abundantem, & debito viscidio-  
em humoribus ibi depositis se commiscen-  
em, hujus affectus causam verosimiliorem  
esse judicant; quibus tamen cum ejus vix suf-  
ficientem quantitatem intestinis pro tot se-  
libus conficiendis inesse credam, præter-  
quā cùm eum istius coloris chylosi nunquam  
in defunctorū sectione conspexerim, neque o-  
fflentiri. Aliis interea aliter sentire, prout  
lis viſum fuerit, per me integrum esse li-  
eat.

D 2      OBSER-

## O B S E R V A T I O . VIII.

*De Pruritu in Meatu Urinario.*

**U**XOR cujusdam Mercatoris annos aliquot supra quadraginta agens, admodum corpulenta, & quoad cætera sana septimo gravitationis mense pruritu in meatu urinario maxime ad ejus exitum adeo molesto afficiebatur, ut inexplebili eum absque vel ulla intermissione scalpendi desiderio teneretur, & proinde tum propter morbum tum asperum ejus remedium, nec diem nec noctem absq; summa inquietudine pertransiret. Plurima cum per spatium bimestre contumaci & importuno huic affectui frustra præscripta fuerant, tandem de vesicæ calculo subortâ suspitione accersebatur Lithotomus. Hic, cùm facto per Catheteris introductionem examine, etiamsi Vesicam calculi expertem reperisset, cùm tamen ab ipsa ægrota, & ei adstantibus sæpiùs in urina arenulas visas fuisse audivisset, molestissimi hujus affectûs causam iis deberi suspicatus, in ejusdem levamen diureticorum usum præ cæteris consuluit. Post horum per aliquod spatium usum frustraneum me in consilium accerserunt.

Ægram Febrē tertianā emulanti & cum frigore

frigore & horrore invadenti, tertio quoque  
 die, jam tertia vice correptam reperi, quam  
 dolorificè Catheteris immissiōni (utcunque  
 caute & cum judicio eam chirurgus tenta-  
 set) primum supervenisse retulerunt ejus  
 amici; cui plane similem frequenter in carun-  
 culis in Urethra ab immisis Candelis extir-  
 pandis, quoad unam quidem accessionem fe-  
 brilem, nunquam autem ad plures accidisse  
 observaveram. Nullum omnino dolorem in-  
 ter mingendum percepit, licet ob quan-  
 dam loci angustiam urinam minus libere  
 reddidisse consueverat, unde nullum om-  
 nino subesse inflammationem mihi planè  
 constabat; quantum ad arenas minus eas  
 suspicatam iri sensi, quoniam iis laboran-  
 tibus hoc genus symptomata adfuisse nun-  
 quam audiveram. Multoties affectum hunc  
 pudendo muliebri locis præsertim circa la-  
 bia, & intra vaginam, ubi plurimæ disse-  
 minantur glandulæ ductibus humoris in-  
 dolis peculiaris secretioni dicatis infedisle  
 novi, sed nunquam quod sciam Vesicæ  
 Urinariæ adeo infestum ut præter cæte-  
 ra incommoda secum urinæ difficulta-  
 tem induceret. Quapropter rationi mihi  
 magis congruum videbatur, ut mole-  
 stissimum insolitumque hunc affectum  
 humoris à prostatarum lacunis ad mea-  
 tus urinarii extremitatem sitis, jugiter  
 depluentis falsedini ascriberem, quæ par-

tem prurigine adeo immani afficeret, ut eam haud impuni ex acriori unguium attritu placare cogeretur; & huic pariter indicationi methodum quæ maxime satis facienda inservire videretur, elegi, *& Cons: Viol: 3 i. Muc: d: gr. vii. Syr: cuiusvis q. f. Ms. f.* Bolus hac nocte h. somni sumendus superbibendo Haustum sequentem, *& Aq: Malvæ 3 ii. Syr: de Alth: 3 ff.* Ms. Mane sequenti humorum viscidorum copiam ingentem per vomitionem rejicit, & postea ter vel quater alvum depositum, Diei unius intervallo denuo utcunque operationem ejus sursum in graviditatis statu suspectam habuimus, (cum adeo ex priori eius usu se profecisse comperisset,) idem medicamentum cum tanta utilitate repetiit, ut omni pruritu & urinæ difficultate evanidis pristinæ valetudini restitueretur.

Post mensem recidivam patiebatur, & rursus ad idem medicamentum quasi ad sacram anchoram se contulit, frustraneo neutquam eventu. Cum autem ultimum graviditatis tempus appropinquaret, quo minus tuto possunt medicamenta evacuationi inservientia exhiberi, Lotionis sequentis usum aliquoties per unam septimanam consului, *& Decoc: Cort: querci ff. i. Mel: Egyptiac: 3 ff.* Ms. Hujus beneficio ab omni affectus hujus insultu evasit immunis, & foetum tempestivè exclusit.

O B S E R-

## O B S E R V A T I O   I X.

*De Ictero Hysterico post parturitionem.*

**F**oemina quædam quadraginta annos nata, temperamenti biliosi, quinto post parturitionem mense dolore Ventriculi acutissimo, magna cum ejusdem inflatione & tensione, per intervalla quædam primùm, paucorum autem postea dierum spatio atrocius, & sine intermissione ingravescenti corripiebatur. Sexto à morbi initio aurigo indiciis fatis conspicuis, intensissima (*viz.*) cutis universæ Flavedine, urinæ rubedine intensiori, & fœcum intestinalium albedine prodiit. Interea dolores indies auctos & utcunque leviter se in lecto moveret, supra fidem exacerbatos, cum interna & dolorifica viscerum, contractione ac si funibus circumligantur, persentiebat.

Hisce ad illam miseriis uti ex pulsu depresso & spirituum languore constabat, penè confectam accersitus, primo statim adventu ad dolorem consopiendum, cui diutius tolerando se omnino imparem esse dicebat, me accingebam medicamentorum sequentium exhibitione, *& Ther: Andr:* 3 β. *Opii colat:* gr. i. *Cast:* gr. vi.

Ms. f. Bolus quamprimum sumendus, superbibendi Hauustum seq. & Aq: Puleg: Bryon: c: an: 3 fl. Diacod: 3 ii. Ms. f. Hauustus.

Repetantur Bolus & Hauustus post 3 horas, si dolores non remiserint.

Ex una horum exhibitione aliquantulum mitescabant dolores, & cum siti magnopere præmeretur, hauustus aliquot liberaliores Cervisiæ tenuis pane tosto tepefactæ concedebantur cum emolumento.

Adhuc autem satis acutè afflgentibus doloribus, Bolum & Hauustum repeti circa horam nonam vespertinam, & denuo, si ob dolorum contumaciam opus esset, horarum trium intercedine imperavi, interea non omisso libero & frequenti Cord. Perlati usu, si vires eum exigerent.

Mane sequenti eam doloribus magna ex parte liberatam, & somno licet sæpius interrupto aliquantulum refeſtum reperi. Pulsus qui pridie pœnitus fere siluerat non obſtante præcedanea prælarga medicamenti ſoporiferi exhibitione fortius emicante.

Nondum autem penitus consopitis doloribus haud tutum ab eorum usu defiſtre mecum reputans, præmisso sequenti Clyſtere, (viz.) & Decoſt: com: 3 xii. Eleſt: Lenit: Sach: rubri an: 3 i fl. Ms. f. Enema quamprimum injiciendum, Sequentes Pilulas

Pilulas præscripsi. & *Cast:* *Pul:* gr. xii.  
*Opii Colat:* gr. iii. *Conf:* *Alk.* f: m: q. f.  
 Ms. f. Pil. iv. quarum sumat ii. finita  
 prius operatione Clysteris, & reliquas  
 post 6 horas, modo adhuc instent dolo-  
 res (alioquin omittantur) superbibendo  
 Haustum sequentem, & *Aq:* *Rutæ Puleg:*  
*Bryon:* c: an. 3 fl. *Diacod:* 3 ii. Ms. f.  
 Haustus.

Jam sedimentum deponebat Urina, quæ  
 antea clara erat, copiosum, at intense ad-  
 huc albescebant fæces alvinæ.

Clyster copiose semel operebatur, & post  
 ejus operationem exhibebantur pilulæ &  
 haustus juxta præscriptionem; cum autem  
 duabus circiter horis post Pilularum ex-  
 hibitionem venirem, & ægram doloribus  
 graviter reperirem afflictam, tempus su-  
 pra assignatum anticipando, quantociùs  
 pilularum reliquarum exhibitionem acce-  
 leravi.

Sumptis illis magnopere levatam se sen-  
 sit ægra, & cum postea sedem copiosam  
 habuisset, sequentem Bolum in promptu  
 esse jussi, & *Ther:* *Andr:* 3 fl. *Opii colat:*  
 gr. i fl. *Cast.* gr. vii. *Sal Volat:* C: C: gr. iii.  
 Ms. f. Bolus circa noctem medium sumen-  
 dus superbibendo Haustum sequentem si  
 adhuc dolores perstiterint. & *Aq:* *Laet:*  
*al:* *Puleg:* an. 3 vi. *Diacod.* 3 iii. Ms. f.  
 Haustus.

Omnis

Omnis doloris expers mansit, usque ad medium noctem dormiendo & diutius, cum autem instaret tempus quo Bolū & Haustū præscriptum sumi præscripseram illi circa id tempus expergefactæ eum exhibebant.

Mane sequenti (*viz.*) die Jun. 4. illam subtristem ac si dolores de novo ingruentes metueret deprehendens, præmisfa denuo Clysteris injectione pilulas sequentes paregoricas præscripsi, Rx *Pul:* e *ch:* c: c: 3 fl. *Cast:* *Russian:* *Sal:* *Vol:* c: c: *re-*  
*Etif:* *an:* gr. vi. *Opii colati* gr. iv. *Conf:* *Alk:*  
*f:* *m:* q. f. *Ms.* f. *Pil.* iv. quarum sumat  
ii. post operationem Clysteris, superbibendo Haustum sequentem, Rx *Aq:* *Meliss:* *Rutæ Puleg:* *Bryon:* & *Diacod:* *an.*  
3 fl. *Ms.* f. *Haustus;* reliquas sumat post  
sex horas, si nondum cessaverint dolores.

Clysteres operationem sequuntæ sunt sedes plurimæ præter expectationem per horas tres vel quatuor usque ad noctem, unde de novo recrudescebant tormenta quibus non obstantibus Pilularum exhibitionem aliquantis per postponi consului, modo ægrotæ patientiam non plane evincerent dolores; Inde fore sperans ut sedum harum beneficio hepatis expediretur oppilatio, & humores biliosi Sanguine commisti excluderentur: Ab horum enim nimia in sanguine congestione, & à debita, ob nervulorum glandularum secretionibus in hepate

hepate, ac aliis visceribus præpositorum ab iis in convulsiones adactorum secretione impedita, affectum hunc quasi à fonte suo profluxisse existimo.

Circa h. nonam vespertinam quo tempore sponte, & non prius substitisset alvus, cum à frequentibus dejectionibus præcedaneis plurimum lasseretur, pilularum paregoricarum duas cum haustu concessi, quarum beneficio noctem transivit quiete, & mane seq. (*viz.*) die 5. eam somno refectam & omnis doloris immunem reperi.

Ventriculi ardore aliquoties hodie affiebatur, qui liquoris posset, cum Vin: Hispan: præp: exhibitione plurimum mitescebat. Hoc die dejecit ter vel quater, sedibus jam utpote etiam cute quoad colorem naturaliter se habentibus. Ubique etiam totum corporis habitum (quod in fine hujus morbi solenne est) affiebat pruritus.

Die 6°, hodie sudoribus benignis perfusa mediocriter bene se habuit, oscitationibus solum & spirituum languoribus obnoxia, haustibus è decoctione Pulli nutritiis, & aliquibus aliis id genus sorbilibus è culina expromptis facile cedentibus. Ab impositione Emplastrorum ex Galban: & istius classis cæterorum abstinuimus, quod ab omnium graveolentium odore (exceptis spiritibus volatilibus qui in exigua quantitate exhibiti illi multum profuere) quem sibi noxiū

noxium & molestum semper reperisset, abhorruit.

Mane, die 7<sup>o</sup> eam optimè se habentem reperi, jam etiam omnibus quibus antea luctasset malis exulantibus, & rosaceo etiam ut olim faciei colore pulchroque vivido æquè restituto.

Transactis autem diebus sex, denuo recidivam passa est, incidente etiam magno in hypochondrio dextro dolore, cum ejusdem lateris circa hepatis regionem intumescentia quadam, & dolore ulceroso deorsum per totā istā corporis tractum præcipuè se protendenti. Accersitus igitur ægrotam vomitionibus inveni correptam, cum pulsu admodum exiguo & ex tremo spirituum languore adeo oppressam, ut viscera omnia ad ejus sensationem plane deorsum descendantia & quasi exitura videbantur. Urina intense rubescet cum magna contentorum in fundo subsidentia, instante etiam evacuacionum solitarum tempore quæ nondum à numero puerperio naturæ pensum absolvissent.

Hinc caloris naturalis suffocationem à redundantia humorum & nimiam ob præternaturales spirituum animalium incursum vasorum sanguineorum coarctationem suspicatus, V.S. consului verum cum debilis esset ad quantitatem solum 3 v. Sanguis pellicula tenaci & discolori tegebatur inseperabili interni incendi comite; post hanc longe melius

lius se habuit, & cum pars dolens & intumefacta Ol. Rosac. ter vel quater embrocata fuisset ab omni postea dolore libera evasit.

Notari hic velim ægram frequenter de eximio à Stomachi ardore quæsitam fuisse, quem ab acido morboſo & acri provenisse certò didici, è coagulata hydrogala ad eum coercendum ante epota, quam vomitu rejectam vidi.

Die sequenti eam longe erectiorem reperi, cum pulsu fortiori & omnimoda doloris ulcerosi remissione. Denuo igitur eandem Sanguinis quantitatem detrahi curavi, unde post 3 vel 4 horas fluere copiosè catamenia ceperunt, magno utique indicio, ab humorum præfervidorum ebullitione feminis tunc temporis usitatori, symptomata hæc ultima maxima saltem ex parte, & quasi *προφασι* sequiori sexui unice competenti primo emersisse, & propter vasorū nimiam inde causatam distensionem exitum communem non fortientium, postea magnopere fuisse exacerbata, quæ etsi methodo præcedaneo sufflaminata quasi fuisse comperrimus, vix tamen penitus debellare & supprimere absque sanguinis portionis alicujus diminutione valuimus. Nocte seq: diutius extra lectum morata, de novo dolore dextri hypochondrii gravabatur, sumpto autem levi hypnotico statim ejus expers facta est, & indies promota sanitate post quatriiduum omnino convaluit.

## O B S E R V A T I O X.

*De Colica cum tumore externo conjuncta.*

**V**IR quidam annos 60 natus obesulus & temperamento phlegmatico prædictus, dolore acerbissimo dextro hypochondrio, eo loci ubi intestinum Colon à vicinia hepatis sub Ventriculum ad latus corporis aduersum transcurrere solet, quo etiam loco se protrusit tumor circularis fere figuræ, & palmæ fere latitudinis, durus & fixus, absque quavis inflammatione & omnis doloris expers nisi fortiter compressus, corripebatur; Hanc bis antea olim subiisset, nec aliam unquam istius occasionem præter frigoris susceptionem sibi cognitam retulit; Urina etiamsi rubra & contentis saturata erat, vix tamen eum omnino febicitasse vel lingua vel pulsus indicabant. Chirurgus quem simul accerferat tumorum ex humorem acridorum fluxione postea in apostema desiniturum, ni maturæ discuteretur suspicatus est; ego eum forsan à flatu intestino coercito, & partem sibi supernè contiguam in tam ingentem protuberantiam qualis nobis exhibebatur, prudentem ortum suum habere conjectabam, præsertim cum isto abdominis angulo obhepatis

patis & ventriculi circumiacentium proximitatem flatus in Cellula quavis istius intestini quasi in angiporto detentus modo nec prosum nec retrorsum emigret, partem incumbentem abdominis ei maxime vicinam in molem urgere necesse habeat.

Utcunque res se habuisset, ambo convenimus universalia quædam præmittere quæ nihil faltem obessent, priusquam certius aliquid de eo statueremus. Post igitur Enematis ministracionem venam secuimus & sanguinis ȝ xii. eduximus. Statim post clysmatis operationem ingens prorupebant flatuum copia, & horas sex à Venæ sectionem dolor & tumor penitus disparuere.

---

### O B S E R-

## OBSERVATIO XI.

*De Morbillis irregularibus.*

**P**uer quidam quadrennis febre quam comitabantur vigiliæ, appetitus prostratus, diarrhæa, dolores intensi adeò corpus universum excruciantes, ut cum vel levissima quavis occasione moveretur totas ædes ejulatibus impleret, & tandem virium insignis satis debilitas, corripiebatur.

Indies ad triduum augebantur symptoma, præcipuè Diarrhæa, ita ut vigesies & sæpiùs dejiceret duobus primis diebus ab initio ægroatationis.

Die quarto apparuerunt maculæ exiguae manibus & facie satis conspicuæ, quibus visis, manente adhuc alvi fluxu me accerserunt parentes, de vita ejus plane aëtum esse credentes. Conspectis maculis pulicu morsuum instar (non rubri vel purpurei coloris) & levi oculorum lachrymatione facile constabat morbi genus, & quoad curationis intentiones, solum restabat difficultas quid de fluxu alvi immodico & præmaturiori ageretur. Si penitus sisteretur magnopere metuebam, ne pabulum febrili fermento venenoſo humoribus insidenti copiosius administrarem, quo strages longius lati-

latiusque edendo œconomiam totam natu-  
ræ subverteret; si non sisteretur, ne viri-  
um defectu ab opera sua jam inchoata de-  
sisteret natura, priusquam stadium hoc su-  
um, vulgo secundum dictum, in materiam  
morbillosam per cutim, ebullitionis regula-  
ris beneficio, critice excludendo dicatum e-  
metiretur.

Media igitur via incedere tutissimum esse  
credens, profusè nimis per alvum fluori fre-  
num ponere tentavi, exhibendo solùm hau-  
stum sequentem, cū alias medicamentorum  
formulas plane fastidiret æger. Rx Aq: Lact:  
al: 3 i 3. Diſcord: 3 3. Ms. sumat quam  
primum, & repetatur 4 quaque h: ad tres  
vices.

Hinc alvus remissius, ter nempe vel qua-  
ter in 24 horis tantùm solvebatur.

Die 5º aliquantulum intumescere cœpit  
facies, & eminentiores conspectioresque  
fieri eruptiones, jam pustularum nomine  
donari merentes, & quales quod sciam vix  
inquam alias me vidisse memini; macu-  
æ etiam quædam latæ, rubræ, & figuræ  
multiformis, hinc inde pustulis tum facie  
um manibus interspersæ efflorescebant;  
De quibus solum in hoc Morbo mentionem  
facit Cl: Morton (ne verbulo de Exanthe-  
matum quod sciam facto, certo per incuri-  
m) utpote etiam de earum hoc morbo  
ie periculosa admodum apparentia, cum

revera communiter & regulariter se habente morbo hoc tempore latiores & expansiores cum bonis ægri rebus conspici solent.

Febris & symptomata reliqua adhuc licet mitius infestabant ; superveniente tamen tussi admodum molesta, bolum unum & alterum formula sequenti exhibendum, & debito temporis interstitio repetendum curavi, quo tuſſim, ſomnum blande conciliando demulcerem.

*B Ther: Andr: 3 i. Pul: e cb: c:c: gr. vi.  
Ms. f. Bolus quamprimum sumendus &  
postea, ut domi norunt repetenda, super-  
bibendo haſtulum Cordialis Perlati.*

Die 6 faciei tumor adhuc auctus erat, ita ut instar variolis laborantium quarto ab eruptione die apparebat ; Quod etiam symptoma praeter omnem morbi hujus conſuetudinem evenisse judico.

Quotidie sedes habuit tres vel quatuor, evanescentibus die septimo pustulis maculisque ægro etiam post unum & alterum diem convalescente, niſi quod tuſſis parum urgeret, quæ quoties alvus strictior eſſet, pejus, & quoties laxior, (quovis demum modo id procuratum eſſet) melius ſe habebat. Hunc fane fluorem intra terminos ita conſtrictum, benignum morbo huic periculofiffimo eventum præbuiffe ſentio, aliter enim adeo in immenſum excreverat intra humorum ſuburram nidulans

vene-

venenosum morbi hujus fermentum, ut  
forsan vel præcipitantius æger periisset, vel  
saltem tardius (ad vigesimum enim diem  
non sine unguium, capillorum, imo cuticulæ  
ipsius universæ squamatim deciduæ di-  
sperditione in declinatione sua, affectum  
hunc perstisset vidi) vix & ne vix è Flam-  
mis eruptus fuisset.

## E 2 OBSER-

## OBSERVATIO XII.

*De dolore & aliis quibusdam symptomatis  
bus periculosis à frigoris susceptione.*

JUvenem quendam vigesimum annum a-  
gentem, temperamenti biliosi & habi-  
tus gracilis, à subitanea vestium ob æstatis  
fervorem mutatione suscepto frigore inva-  
sit dolor, per universum corporis habitum  
extensus, præsertim autem, uti aiebat, ossi-  
bus cum artuum & juncturarum rigidate  
quadam infixus.

Hunc etiam comitabatur frigoris cuius-  
dam sensus ex uno corporis extremo ad al-  
terum multoties in die invadentis, & instar  
aquæ gelidæ sensim dilabentis quaquaver-  
sum perceptus, erumpente etiam eodem  
tempore sudore per totam cutis superfici-  
em satis calido & benigno, hisce etiam ac-  
cedit frequens capitis vertigo, appetitus  
dejectus, cum strictura quadam medium  
abdominis regionem transversim molestif-  
sima affidenti. Symptomata hæc spatio  
duarum septimanarum, licet ægrè satis su-  
stinuit, tandem autem eorum pertæsus in  
auxilium Pharmacopolam accersit. Ex  
cujus consilio, misso sang: ad ȝ xii. doloris  
eximiam per horas viginti quatuor nec di-  
utijs

ntius percepit mitigationem; recidivanti igitur succurrere conabatur idem vomitionem procurando uno die, & die sequenti purgationem, idonea etiam quam plurima exhibendo medicamenta, uti sunt Boli, Haustus, Julapia, Cordialia, &c. singulis morbi indicationibus prout ille conjectabatur, tandem satis factura; interim quod primum locum tenere judicabat, ægroto omnem prorsus Cervisiæ tenuis usum, sub poena maximum vitae suæ discrimen subeundi, si secus fecerit, interdicendo. Nullo autem hanc copiosam suam eorum quæ aversabatur ingurgitationem, & ab iis quæ vel avidissimè peteret abstinentiam levamine insequente me accersit. Ægrum vertiginosum reperi, fitibundum, pituitam ægre è faucibus præ visciditate sua rejicientem, ob internum viscerum æstum magnopere anhelum, denique, de cervisiæ tenuis, aquæ succo Limon vel Aurantiorum impregnatae, vel hisce similiūm, ad fitim quæ eum maxime premebat inopia, malorum omnium, ut sua tunc stetit sententia, gravissimo conquerentem.

Pulsus debilis erat, & vires adeo diminutæ, ut vix pedibus corpus suum sustinere valeret.

Cum autem plurimum de siti & calore interno quereretur, & ex urina admodum turbida, magnam humorum a-

gitationem & incendum à prægræssis per vomitionem & purgationem evacuationibus merito suspicarer; ne in partem aliquam nobilem è sanguinis gremio portiones aliquæ tumultuantium humorum diverterentur, sanguinis missionem in modica tantum q: quamprimum consului, qui instar carnium loturæ putrælaginosus dum incalescet apparuit, consistentiæ seu textræ fibrosæ penitus expers, post refrigerationem pellicula tenaci & lutei coloris, quæ partium nutritiarum ejus propter inflammationem febrilem inspissationi debetur, intectus.

Post V.S. cerevisiæ tenuis haustum quantum voluit indulsi, & ejusdem usum quoties & quantum voluerit concessi; ex cuius primo haustu se adeo relevatum esse percepit, ut jam pristino animi robore reassumpto de convalescentia se neutiquam desperare strenue affirmabat. Clysterem è lacte & sacharo culinari injiciendum jussi, unde fœcum quantitas stupenda quæ post finitam medicamenti purgantis operationem viribus ejus penitus exantlatis intestinis substitissent, foras ejiciebatur. Hinc penitus evanuit vertigo, viscerum æstus, sitis, oris ariditas, salivæ viscidity, & etiam magna ex parte artuum debilitas.

Nocte sequenti exhibui bolum & haustum seq: Rx Tart: vitr: Sal: prunel: an:

3 fl. *Conf: Lujulæ* 3 fl. *Syr: Limon:* q:  
f: Ms. f. Bolus. Rx *Aq: Theriacal:* 3 i fl.  
*Suc: Limon:* 3 fl. *Syr: Viol:* 3 ii. Ms. f.  
Haustus post Bolum sumendus.

Nocte sequenti bene dormivit, & mane seq: sanitatem ejus adeo promotam inveni, ut nihil amplius præscribere mihi visum est præter Ptisanam seq: ad humectanda & laxanda viscera ab humoribus acribus & medicamentis violenter operantibus nimis calefacta, Rx *Decoc: hord: cum Tamerind:* 3 i. præp. fl ii. Colaturæ admisc. *Mannæ* 3 i. *Tart: Vitr:* 3 ii. Ms. f. Ptisana, de quo sumat haustum frequenter, ita ut tota exhauiatur intra duarum vel trium horarum spatium.

Hujus operationem sequutæ sunt quatuor vel quinque lenes alvi dejectiones, ægro absque ullo aliorum medicamentorum ope sensim & gradatim ad pristinam sanitatem restituto.

#### E 4 OBSER.

## OBSERVATIO XIII.

*De Febre Vaporibus, vulgo dictis con-juncta.*

**V**IR quidam obesulus, & constitutio-nis phlegmaticæ, cùm ambulandi & liberioris auræ captandæ causa in campos huic civitati vicinos exspatiaretur, Aquæ-ductu satis insignis vulgo *Lambes conduit* dicto in transitu suo conspecto, istius ad sitim suam restinguendam liberalius quam par erat aquas sibi indulgebat. Hinc statim ventriculo dolebat, postea intestinorum tor-minibus cum alvi fluxu per dies 8 vel 9 pro-ducto, citra ullū autem notabile valetudinis dispendio penè desinentibus corripiebatur.

Dum autem postea e villula quadam ter-tio abhinc idcirciter lapide distanti, ubi res suæ cum vocassent, rediret, medio solum confecto itinere primum ægrotare cœpit, & prius quam ædes suas attingere valuisset, adeò debilis factus est, ut statim sub primo ejus ingressu, si non ab adstantibus ad-jutus esset, præceps in terram deficienti-bus plane viribus corruiisset.

Postea in lectu compositus horulæ u-nius exacto spatio, horroribus vari-is intervallis paroxysmorum more, & fre-quenti

quenti stomachi subversione per spatium semi horæ afficiebatur. Hos calor ingens cum sincipitis dolore immani excipiebat, qui cum per totam noctem fere eum vigilis & jactitationibus molestassent, suborto tandem sudore profuso, plurimum imminuebantur.

Hoc mane ad illum accersitus, pulsus ejus debilem & frequentiorem, carnes calore sicco exustas, robur naturale mire debilitatum, caput dolore & vertigine quoties id è pulvinari vel minime erigere conaretur, affectum reperi.

Symptomata hæc admodum periculosa videbantur, & febris mali moris prænuncia; cum autem urinam bene coloratam conspiceram, & sedimento copioso refertam, periculi minus subesse mihi facile persuadet. Hinc enim certo mihi constabat hanc febrem earum esse indolis quarum periodus remissionibus saltem, si non intermissionibus solent circumscribi.

Plurimum hic ut ingenuè fatear animi pendebam, utrum sanguinis quantitatem V.S. diminuerem, nam debilis erat ægrotus, & pulsus ejus depresso ultra quod crederet quisquam, si non ita fibi res ipsa constitisset; Cum autem athleticus erat & magnopere de capitibz dolore quereretur, modica quantitate, non ultra 3x. missio nem ejus permisi.

Hinc

Hinc doloris loci mutatio à sincipite videlicet ad occiput sequuta est. Sitis expers erat, & proinde pro victu juscum ex carne pulli, & in languoribus Cordiale Perlatum concessi. Enema post meridiem injiciebatur ex Lacte Sacharato, ex cuius operatione maximè se levatum in visceribus quæ prius quasi gravata senserat, percepit; & postea cum vesperi accessissim, calore & dolore capitis, magnopere levatum ægrum inveni. Pulsus item adhuc frequentior ordinario vibrabat, æger etiamsi alacrior, & non adeo debilis ac prius, non tamen & omnino ~~ἀπύρετος~~ erat.

Nocte statim post ingressum ejus in letum omnia exacerbabantur de novo, febris, dolor capitis, ventriculi ægritudo, superveniente etiam aliquali lateris dolore punctione, ita ut noctem vigil & perturbante etiamsi paululum remissius quam præcedentem transfivit; tandem circa auroram remittentibus symptomatis predictis, & fudore copiosè suborto, blande irrepuit somnus.

Mane illum somno plurimum refectione revisi; urina adhuc in partes secessit ut prius, pulsus adhuc ut antea frequentior justò & parvus erat. Regimen idem ac pridie & Enematis repetitionem consului. Hisce observatis sub vesperam cibum è carne pulli sibi gratum fore dicebat (modo id impune sibi concedi speraret.) Obtinuit, & nocte integra

integra sequenti bene dormivit, diminutis plurimum cæteris symptomatis & penitus dispente febre; Cum autem primo mane ad restinguendam sitim, haustum unum & alterum Decocti Hordei, quod forte in promptu erat ingessisset, illico stomacho laborare, & in vomitionem urgeri incepit, nec mirum cum nondum uti verisimile est ex aquæ potu frigidæ noxam ventriculo impressam excussisset; cum autem brevi se collegisset, & ab ægritudine ista magna ex parte liberatus esset, dum lecto surgere agrederetur spirituum deliquio correptus est, ita ut mortem instare credentes qui adstant, me festinanter accersitum ibant; quam primum autem advenirem, etiam si lypothymia excussa ad se rediisset, illum languidum inveni & pulsum ejus vix perceptibilem.

Spir: igitur C. C. libera manu exhiberi curavi, unde spirituum animalium recuperatis viribus, & emicante pulsu è lecto exivit, adaueto quam animi tam corporis robore. Hoc die cum omnino febris expertem ægrotum reperisse, viatum liberaliorrem, ejusque delectum concessi; quoniam diu antequam in hanc febrem incidisset fluxu alvi & omnimodo fere appetitus prostratione laborasset. Mane sequenti quarto (viz.) à morbi initio erupebant ulcuscula in labiis certissimum fugati morbi & reduntis sanitatis indicium. Die uno interposito,

sito usum Aquarum purgant. ℥ iv. ad medias coct: & lact: ʒ iv. coagulat: præscripsi, ad humores qui per morbi decursum tam in sanguine quam visceribus præternaturalem mutationem qualemcumque acquisivissent, eliminandos.

Operationem aquarum comitabantur febricitatio, ventriculi ægritudo, ingens virium prostratio, & universa corporis lassitudo, quæ omnia copiosæ sp. C.C. exhibitioni magna ex parte cedebant, & somno superveniente penitus exulabant. Hæc cū æqua lance trutinassem, & ex una parte mecum perpendisssem, quod pulsus parvus usq; in paroxysmis, languor spirituum, vomitiores, universi corporis lassitudo, teneritudo carnis ubi affligisset dolor, pallor urinæ, sitis parentia, symptomata sunt febri nisi malignæ nequicquam competentia; ex altera autem vidissim calorē febrilem cū pulsu frequentiori, paroxysmis regularibus satis distinctum & more febrium cæterarum sudoribus desinentem, cum labiorum tandem eruptione ulcerosa critice judicatum; nihil mihi quantum conjectura assequi valebā verisimilius videbatur, quam quod affectus hic invicem mixtus & complicatus e duabus causis distinctis oriundus se ostendisset, non enim penitus cessaverat Diarrhæa, de qua uti prius dictum est tam diu laborasset, cum ex itineratione nimis longa & citata se calefecisset; unde ratione

tioni neutiquam dissonum videtur, ut humores qui in motu erant, & prorsus per propria cathartica foras eliminari debuissent, jam intus sanguini intimius se admiscuissent & è nimis violento exercitio incendum concepissent, unde symptomata febrilia; & cum è præmemorato eodem alvæ fluxu prægresso, & profectione nimis longa & festinatiori frangerentur vires, & spiritus plurimum exhaurirentur, facile concipere est, quomodo ex hoc sanguinis statu depauperato & debili exoriretur spirituum animalium quoad suam dathesin paucitas & languor, & quoad suos influxus, motus aliquantulum inordinatus sanguinis circulationi & succorum secretioni multifariam injurius. Hinc etiam liquido patet, cur adeo facile pateretur æger recidivam ex Aq: purgativarum exhibitione; Nondum enim sanguine implexi humores plane exulassent, nec vigorem suum recuperassent spiritus, unde è levi solum & præmatura excitata in massa sanguinea commotione, de novo effervescere incipiebant humores vitiosi, & spiritus denuo exandescere.

Quas autem egit hīc partes languida frateraque spirituum animalium textura vulgo *Vapores* dicta eventus docebit.

Hinc enim de alaci subtristis & cogitabundus factus est, spiritus vacillabant,  
tum

tum vitalis, tum animalis, deficiebat appetitus, & tota nutabunda quasi brevi ruitura stetit machina.

Ægrum & astantes admonui non tantum subesse, quantum iis videbatur periculi. Decoctum Amarum S. S. per aliquot dies præscripsi, & postea Electuarii & Tinctor: seq. & Cons: fl: cich: 3 i fl. Limat: chalyb: subtil: 3 ii. Tart: Vitr: 3 fl. Syr: de 5 rad: parum, Ms. f. Elect: de quo sumat q: n: m: manè & h. 6. p. quotidie, superbibendo Tinctor: Chalyb: Amar: (cujus descriptio supra extat) c. 5. beneficio, brevi ad pristinam sanitatem restitutus est.

## O B S E R-

## OBSERVATIO XIV.

*De Ophthalmia contumaci.*

JUvenis quidam, temperamenti biliosi, & habitus corporis macilenti, molestissima humorum defluxione oculum unum obsidenti graviter per septimanas duas laborabat. Plurima collyriorum, & Cataplasmatum forma medicamenta juxta amicorum nunc unius nunc alterius sententiam compositorum frustra expertus, tandem ope mea usus est. Cum igitur ægrum, præ dolore ab inflammationis vehementia orto adeo torqueri viderim, statim omni mora seposita phlebotomiam ad ȝ xii. & ejusdem repetitionem interposita purgatione leni ex *Aq: purg:* ℥ iv. cum *Mannæ* ȝ i ℥. & *Tart: Vitr:* ȝ i. etiam ad aliam vicem cum alia insuper purgatione, si nihil mitius se haberent symptomata, consului; verum incassum, adhuc urgente membranæ adnatæ, etiam & palpebrarum inflammatione, cum ingenti & dolorifica latice aquosi & acris effusione, ita ut penitus fere interrumperetur somnus, & omnium ciborum aversio insequeretur. Ad collyria igitur, extorta prius aliquali ab exhibito hau-stu paregorico symptomatum allevatione confu-

confugere coactus, sequens (quo melius hisce casibus in praxi haud expertus sum, adjuncto *Vitr: alb: gr: 3 fl.* quoties inflammationis expers sit defluxio) praescripsi. & *Aq: Plantag: Spermat: Ranar: Rosar: rubr: an. 3 i.* *Tutiae optimae præp: cerussæ optime lotæ c: c: ust: an. 3 i.* *Sach: satur: 3 fl.* Ms. f. collyrium quod ex sponsa admodum molli exceptum, in oculum ter quater vel ad libitum in die instilletur, & externe etiam leviter aliquoties ei applicetur.

Hoc autem, prout etiam aliquo alio à nobili quadam admodum celebrato ne hilum hic proficientibus, ad usum cataplasmatis ex medulla panis albi cum vitello ovi, adjuncto *ol: rosac:* tantillo compositi, & ultimo ad linimentorum camphoratorum, & indolis quantū potuerimus anodynæ usum, interea etiam vesicatoriis amplis inter scapulas & intercipientibus emplastris ad tempora applicatis, successu quidem nequicquam adhuc feliori nos recepimus.

Quocirca post aliquot dies horum usum nequicquam cedente morbo inutiliter insumptos, inflammatione etiam jam oculum alterum vel pari atrocia petente, accedente item præter dolorum egregia utriusque oculi visus diminutione, aliâ quamprimum methodo qua contumacissimum periculosissimumque hoc symptomadimo-

dimoveremus, ad humorum (*viz.*) acri-  
moniam corrigendam præcipuo colliman-  
tem modo sequenti aggressus sum. *Rud:* 3*i.* *Colomel:* gr. xii. *Ris:* *Jal:* gr. iii.  
*Ms. f. Pil. v.* deaurandæ primo mane su-  
mendæ, & aliquandiu superdormiendo,  
cum regimine. Copiosa & benigna se-  
quuta est operatio, postea plurimum re-  
mittente inflammatione, ita ut ex earum  
ad tres vel quater vices, interposito unius  
vel duorum dierum intervallo, repetitione,  
ad pristinam oculorum sanitatem & visus  
aciem restitutus est.

## OBSERVATIO XV.

*De Diarrhæa.*

**G**enerosa quædam, gracilis & rarioris corporis texturæ, aliquantulum cogitabunda, & mœstitiæ citra causam ullam manifestam nimis dedita, Diarrhæa laborabat, quæ illam in corporis marcorem extremum, & virium debilitatem deficiens etiam somno, & appetitu, brevi induxit. In horum omnium symptomatum levamen *Theriacæ Androm:* Bolos aliquot proprio suo consilio per aliquot noctes sumpferat, quorum ope mitius se habebant priora illa symptomata, eorum loco suborientibus aliis nihilo minus molestis, artuum (*viz.*) tremoribus, spirituum corruscationibus, capitis doloribus, & sudoribus profusis, quæ illam adeo fatigarunt ut in subsidium medici opem implorare coacta est. Primo statim adventu adfluxum coerendum (*etiam si admodum debilis erat*) Potionem sequentem propinavi. Rx Aq: Lact: alex: ȝ ii. Cinam: fort: ȝ ȝ. Rhubarb: torrefacti ȝ ii. Ms. f. Potio statim sumenda, cum regimine. Quater dejecit; post ejus operationem pro potu communi decoct: alb:, & viribus reficiendis Cordiale Perlatum ordinavi.

dinavi. Nocte sequenti bene dormivit, & longe melius se habuit. Perendie potio purgativa, & tertia vice alterius diei intervallo repetebatur. Hisce peractis evanuit diarrhæa, & cætera quotquot eam comitari solebant symptomata. Jam igitur me ad caufæ antecedentis seu primariæ remotiō nem contuli, sanguinis, (*viz.*) dyscrasiam, in nimia seri abundantia & acrimonia fundatam, quod genio suo nimis agiles functiones tum animales tum naturales alternatim, stimulis suis adoriendo & urgendo symptomata præcedanea produxisserunt. Huic fini intentus sequentem methodum institui, & *Fol: Sennæ mundatæ* 3*i.* *Rhabarb: opt:* 3*fl.* *Cinam: 3i.* *Coq: in aq:* *f. q. f. ad Colat:* 3*iii.* cui admis. *Syr: ros:* *sol:* 3*ii.* *f.* Potio mane sumenda cum regimine, & post biduum repetenda.

Evacuationibus his ad seri redundantiam minuendam peractis, alteram intentionem medicinalem, sequenti methodo adimplere sategi. & *Tinct: Chalyb: amar:* (cujus supra extat formula) 3*ii.* *f.* Hauſtus, mane & h. 6. *p.* quotidie sumendus. & *Pul: e ch: c: c:* 3*ii.* *Cast: Rad: cassumun: pul: an.* 3*i.* *Bals: Gilead: q. f.* Ms. *f.* *Pil:* ordinariæ magnitudinis, quarum sumat 4. singulis noctibus cubitum itura superbibendo hauſtum sequentem, & *Aq:* *Lact: alex:* 3*ii.* *Syr: Bals:* 3*fl.* *Tinct:* *Cast:* gr. x. Ms. F 2 Post-

Postquam autem valetudinem satis firniam ex horum medicamentorum usu sibi visa est recuperasse, inopinato in febrem incidit tertianæ nothæ æmulam. Post primū accessum me denuo consuluit, interrogans quid de casu tam subitaneo utpote sine ultra causa sensibili, vel indispositione prænuncia contingentí sentirem. Respondi, me illum habere pro effectu ferositatum acrīum seu biliosorum, prius in sanguine stabilientium, & conspirante anni jam vernali tempestate fermentantium, & eo collimante natura, ut exinde quasi critice exclusis fæculentiis, depuratiorem sanguis statum adipisceretur.

Ita quidem eventus comprobavit, cum febris hæc non ultra tres paroxysmos absque ullius medicamenti usu transcurribat, & singulus paroxysmus profusis sudoribus, cum copioso in fundo matulæ rubri instar ocræ coloris deposito sedimento, solvebatur.

### O B S E R -

## O B S E R V A T I O XVI.

*Tormina Ventris cum Hæmorrhagia per Anum, à Catameniis subsistentibus.*

**C**orripiebatur generosa quædam ætatis suæ circa annum 47, temperamenti calidi, & sanguinei, torminibus ventris atrocibus, primis horis 24 humidis, (quo spatio vicies saltem dejecit) postea vero siccis, & proinde longe molestioribus, intestinis jam muco suo quo contra humorum præternaturalium acrimoniam muniuntur, destitutis.

Ægram exacto triduo, dolorifico hoc affectu, valde debilitatam, aliquantulum sitibundam, at febrilis caloris, seu cuiusvis in sanguine orgasmi prorsus immunem reperi. Nec ulla, unde vel bilis acrimoniæ, & ejus copiosiori in intestina effusione, vel alicui in eduliis delicto, etiamsi tempus anni herbacii vietus copiam, quem sibi aliàs indulgere consuevisset, profusius administraret, affectum hunc ascriberem, indicia occurrebant. Clysterum usum ob metum doloris ex eorum intromissione orituri, hæmorrhoidibus olim obnoxia, & intestini recti exitum valde ex tot sedibus prægressis

jam fauciatum sentiens plane respuit. Quare Haustum sequentem evacuativum quo fæces leniter deorsum solicitarem præscripsi : Rx Aq: Cinam: hord: ʒ ii. Rhabarb: parum torrefacti ʒ i. Mannæ ʒ ℥. Tart: Vitr: gr. vii. Ms. f. Potio quampri-  
mum sumenda cum regimine. Hinc quater vel quinquies ad excretiones dolorificè stimulabantur intestina, at frustra, cum nullæ eas omnino sequutæ sunt dejectiones.

Hæc cum ita se habere mihi narrasset, mecum cogitare cœpi, num non molestissimus hic affectus ab aliqua causa remotiori quam hactenus suspicatus fueram, originem suam duceret. Proinde inspectis sedibus, in iis, etiam si minima quantitate erant, quæ ante latebat causa, oculis plane sistebatur. Sanguine enim erant oblinitæ, eoque adeo recenti, ut urinæ ejus portio simul cum fæcibus exeunti copiose comixta appareret.

Catamenia per aliquot menses ratione ætatis substitisse, interrogatione facta, statim deprehendi, & cum nulla profus iis restituendis spes restaret, & ægra victu liberaliori uteretur, nulla alia ratione hunc affectum subventum iri ratus, quam V. S. qua sanguinis copiam suffocativam minuendo, catameniorum defectui quodammodo succenturiare potuerimus, eum ideo quam-  
primum

primum ad 3 xv. mitti curavi, quo facto,  
intra horarum quinque spatium magnope-  
re se levatam percepit, & deinceps è tor-  
minibus immunis, absque ullorum medica-  
mentorum ope omnino convalescuit.

F 4      O B S E R-

## OBSERVATIO XVII.

*De Affectione Hysterica.*

**F**oemina quædam ætat. plus annos 45, habitus gracilis & temperamenti phlegmatici, primo cephalalgia, qua finita statim tussi, sputatione crebra, ac si mercurio excitata, appetitus prostratione, doloribus sinciput & totam insuper faciem periodice, sexta (*viz.*) quaque h. matutina infestantibus & usque ad vesperam productis, cum frigore, quod calor, post aliquot horas ut in febribus intermittentibus, insequi solebat, molestissimo corripiebatur.

Primo igitur adventu ob alvum constipatam, & peccantis feri copiam Potionem sequentem præscripsi. *& Fol: Sennæ 3 ii fl. Cassiæ cum Cannæ confractæ 3 i. coquuntur in aq: f. q. s. ad colaturam 3 iii. cui admixt. Mannæ opt: 3 vi. f. Potio cum regimine sumenda. Decies dejicit cum emolumento, cessantibus, tussi & sputatione, & redeunte appetitu. Doloribus autem adhuc urgentibus, Empl: vesicatorium amplum inter scapulas apponebatur, cuius ingens feri evacuebatur quantitas, & paulo post tempore penitus evanescebant dolores,*

res, loco frigoris & horroris quæ antea ægram invadere solebant, superveniente spirituum animalium inflatione & exaltatione, qualem baccho liberius indulgentibus accidere cernimus.

Hoc vesperi *tertio* scilicet à meo adventu injiciebatur Clyster, & cum ægra de aciditate in ventriculo molesta querebatur Bolum cum *Pul:* è *ch:* *c:* *c:* Æ i. præp: tertia quaque hora ad tres vices sumendum, superbibendo *c:* *vi.* *cordialis perlati* consului; hinc placide dormivit, & mane sequenti longè melius se habuit usq; ad horam duodecimam, quo tempore denuo invasit illam frigus ad horas tres durans, cum vomitione, post unum & alterum nixum, tantillo phlegmatis tenacis rejecto, sponte sua desinenti; caloris etiam loco qui frigus excipere consueverat, succedente fudore miti & benigno.

Pulsus debilis erat, & urina admodum cruda, cum sedimento albo & copioso saturata, statum sanguinis denotans languidum & salinum, chylum recenter sanguini transmissum in succum vere nutritum transmutandi minus capacem, quin potius eum in quasdam solum minutias corrosiva sua qualitate comminuere aptum natum, amicum omne cum eo foedus & symbolum respuentes, & nunc per sudores nocturnos, nunc per urinam à reliquo sanguinis

sanguinis confortio cum magno ægrotæ virium dispendio emigraturas.

Insuper etiam jam eam adoriri ceperant frequentes hypocondriorum tensiones, oscitationes, & inanitionum sensus, (symptoma apud vulgus insignioria hujus morbi *Vapores dicti audientia*) & quibus proinde etiam jusculis, & sorbitonibus, quasi victimis, nec frustra, placare student.

Consilio igitur adstantium juscula pulli, Vinum generosum, vulgo *Tent*, uti etiam Claretum cum Cinamomo & foliis Menthae siccis coctum, vires reficiendi gratia, ad libitum, idque impune, quantum ego observaveram, ingessit; & cum noctem insomnem transire vereretur, in promptu esse iussi sequentia, *& Pul: ech: c: c: 3 i. Cast: veri gr. vi. Conf: Alk: f: m: q. f. Ms. f.* bolus ad libitum sumendus cum haustu sequenti, *& Aq: meliss: Rutæ puleg: Bryon: c: Diacod: an. 3 f. Laud: liquid: sine odoriferis gr. x. Ms. f.* haustus, & sit in promptu. Prius autem quam in somnum se compo- fuerat, ex nova Emplastri è *Melilot* applicatione, parte sauciata adhuc tenera & exquisitiori sensu prædicta, capit is dolore, & frigore admodum molesto in extremis corripiebatur, & utcunque caute id egerit ancilla, vel quævis alia, pari prorsus even- tu, quotiescunq; repetebatur applicatio no- va accidit.

Tota

Tota hac nocte (*viz.*) *quarta*, haustu aliquantulum præmaturius sumpto bene dormivit, & cum mane sequenti illam hilarem, & omnium symptomatum expertem deprehendissem, omissis ceteris victum solum, quem sibi præ ceteris gratiorem sentiret, consului.

Cæterum non diu postea, cum eam inviserem & pulsum velocius vibrantem sensisse, se noctem venturam irrequieto transituram subindicavi, nisi interponeretur aliiquid ad illud præcavendum; quocirca assentiente illa, Bolus & Haustus ut antea de novo repetebantur.

Noctem hanc *quintam* per intervalla dormiendo transiit, & mane sequente cum astricior erat alvus, exhibitus est Clystere late sacharato solum compositus. Ter operebatur, idque non absque tormentibus atrocissimis, & insigni virium dejectione ad horas aliquod infestantibus; tam levi occasione de novo ad excandescientiam proni sunt spiritus animales, dum nondum cras in suam naturalem & motum recuperaverint; Tandem autem illis ad vesperam sponte sua cefantibus cubitum ivit & noctem integrum *sextam* (*viz.*) placido irrecente somno transiit.

Mane sequente (*viz.*) die *septimo*, de novo illam invasere, ut prius ventriculi ægritudo, cum levi vomitione, capitis dolor,

lor, pectoris lancingationes violentæ, ac si intus circumageretur rota (uti aiebat) sputatio profusa, oscitatio, frigus artus inferiores præcipue afficiens, immanis etiam tendinum subpoplitearum rigor, & cordis compressio syncoposa.

Hoc statu accersitus ægrotam inveniens, quo morbo recrudescenti obviam irem, methodo sequenti usus sum, *R. Pul: e ch: c: c: 3 i. Cast: russi: Sal vol: c: c: rectif: an. gr. vi. Conf: Alk: f: m: q. f. Ms. f. Bolus quamprimum sumendus, & tertia quaque hora repetendus superbibendo c. vi. Julap sequentis, R. Aq: Lact: alex: Bryon: c: an. 3 iv. Tract: Cast: 3 i. Sach: alb: q. f. Ms. f. Julapium cordiale, de quo etiam sumat c. 3 vel 4 ad libitum. Hinc aliquid levaminis sensit, nondum autem in tuto rem esse conjiciens, me denuo vesperi accersiri curavit. Adveni & illam cibantem inveni non solum impunè, verum cum egregio emolumento. Bolum sequentem hac nocte exhibui, R. Ther: Andr: 3 i. Cast: gr. vii. *Lapidis goa: 3 i. Ms. f. Bolus quamprimum sumendus, cum haustu seq: R. Aq: Lact: al: 3 ii. Bryon: c: Diacod: an. 3 f. Ms. f. Haustus.* Nox quieta sequuta est; verū die in sequenti octavo (viz.) post meridiem aliqualem præsentiens symptomatum recidivam, me vocavit; Pulsum debilem inveni, & proinde statim *Spir: Sal: Arm: gut. xxx.**

gut: xxx. ex haustu aq: if. exhibui & eorum repetitionem horatim vel sepius pro re nata suasi. Horum usu magnopere profecit, ita ut noctem sequentem absque ullo pargorico suavem habuit & quietam.

Die sequenti *nono*, cum pulsu fortius micantem, urinam coloratiorem, spiritus animales in pristinas suas stationes, & motus restitutos, & naturam paulo erectiorrem offendissem, methodum jam tempestive talem institui debere judicavi, & non prius, quæ sanguini vigorem conciliando, spiritus animalibus functionibus præfectis in dolem iis strenue & regulariter exequendis idoneam restitueret. Proinde sequentia præscripta sunt. Rx Decoc̄t. Amar: S. S. ȝ iii. Aq: Gent: c: ȝ i. Ms. f. Haustus, mane & h. 5. p. sumendus quotidie ad triduum. Rx Sp: Sal: Ar: succinat: ȝ fl. Sumat: gr. xxv. in haustu Aq: f. ad libitum præcipue in languoribus. Hac nocte & sequenti graviter morbo vulgo *Ephialtes* dicta molestebatur, cuius solutionem semper sequuta est urinæ subpalidæ effusio frequens & copiosa.

Post triduum exactum, methodum sequentem institui, Rx Tinct: Chalyb: Amar: ȝ ii. f. Haustus bis in die sumendus quamdiu voluerit. Hac sedulo per unius septimanæ spatium inita, omnibus symptomatis subactis plane convaluit.

Multiplicem quicunque hujus affectus varietatem, umbratilem quasi aliorum quamplurium, qui hominem tum externum tum internum adoriri solent, vel uno hoc subiecto exhibentis speciem contemplatus fuerit, vix secum diu hæsitaturum credo, quibus, præ cæteris potissimum corporis humani partibus inhæserit. Nullam enim inibi existere præter nervos, ad ejus secundam tam versatilem repræsentandam repe- ries habilem, num symptomatum indolem, speces, seu discriminem.

Causam etiam quod concernit, proximam scilicet & immediatam, id, omne esse statuo (undecunque demum eveniat) num scilicet ab humoribus internis, vel objectis externis; num etiam indolis alcalinæ vel acidæ, etiam vel neutrius, quibus singulis aliquando pro virium suarum gradu, vel subjecti in quod agant dispositione, nocendi vis inesse potest, quæ spiritus animales in muneribus suis exequendis quovis modo impedit, vel pervertat; hoc autem sibi peculiare habens, quod ab eorum, quos adeo simulat, morborum essentialium cau- sis, vel ratione magnitudinis, vel durati- onis, pro maxima saltem parte discrepet. Hinc morbi hujus insultus, vel ob causæ debilitatem facile tolerantur, vel ob ejus indolem citius dissipentur. Unde non im- merito ab antiquis ~~āradūpiacēc~~ seu *Vapores* nuncu-

nuncupantur, utpote à morbis essentialibus altiores fixioresque radices agentibus, ob causas suas leviores & magis diffabiles præcipue abludentes.

Utcunque res sit, nihil adeo proficuum in paroxysmo ubigendo longa experientia edocti sumus ac medicamenta quæ odoris efficacia & vi pollent, & istius generis sunt aliquando, vel pro ratione causæ, vel ægrotantis dispositione suave olentia uti sunt, *Mosch: zibet: Ambr: grif: flor: Aurant: Ros: Lavend: cl: juxta Cl: River:* præeunte *Solenand: River: Obersv: 65. Prax: (mecum) 316.* quæ insignem aliquibus hystericis usum præstituisse retulit, *Cl: Barthol: Histor: Anatom: Cent: 3. Hist: 28.* & vel moschi solum odorem fœminæ cuidam menses prius suppressos statim restituisse. *Histor: Anatom: Cent: 2. Hist: 87.* Aliquando & pro maxima partibus contraria uti sunt, omnia foetida & graveolentia prædita, tum intus, tum extus adhibita, cuius familiæ sunt *Galban: Affæ fætid: utpote etiam fumigationes ex Unguis equorum, & volucrum pennis in ignem conjectis excitatæ, & innares admissæ.*

His autem non satis votis respondentibus, præcipue ubi symptomata à spirituum motu efferatori & irregulari oriuntur ad *Opiata*, vel per se, vel cæteris admista, quasi

quasi ad asylum confugiendum est. Extra paroxysmum ea omne ferunt punctum quæ sanguinis novam ei sensim inspirando ζύμωσιν, compagem laxam ejus & debilem resarciant, uti sunt Amara, Aromatica, & cujuscunque demum præparatio-nis chalybeata.

Unicum denique calci hujus observa-tionis adnectam, quod multoties expertus sum, & proinde aliquibus saltem qui non diu hujusmodo castris militarunt prodeesse potest, venesectionem scilicet, in quibusdam feminis, qui natura calidiores ad viraginum classem quam proxime accedere videantur, adeo esse necessariam ut prætermissa illa medicus spei suæ votique in morbo hoc tractando vix unquam fuerit particeps.

---

## O B S E R-

## OBSERVATIO XVIII.

*De colicis doloribus, convulsionibus, & artuum impotentia, post febrem invadentibus.*

**M**Ulier quædam post febrem malignam (uti retulerunt amici ejus) graviter hysterica evasit, supervenientibus illi convulsionibus partium internarum, tum externarum, sese alternatim excipientibus, cum artuum inferiorum immobilitate & stupore.

Contra hunc affectum varia è fœtidorum familia cum *Cast: Spiritibus volatilibus*, &c. primo, postea *Chalyb:* cum *Sulph:* præp: forma pilularum præscripsit vir quidam utcunque alias, professione sua eruditus, nostra tamen minus exercitus, iis superaddendo usum aquarum *Hamsted*, quarum quotidie ℥ ii. vel ℥ iii. ac si in iis, omnis prorsus convalescentiæ ejus cardo verteretur, sumi quam religiosè præcepit. Hanc methodum per quinque septimanas prosequuta est ægra, non solum infructuose, quin etiam cum suo damno, diminutioribus indies factis viribus, & magis invalescenti morbo. Accersitus, quamprimum advenierim, dum statum ægrotæ impensius

animo inspexerim, aquas utpote intempestive in usum vocatas me neutiquam hic probare innui; adeò enim debilis à prægressa febre ob calorem naturalem immunitum, sanguinis texturam effætam, & spirituum animalium paucitatem facta fuerat ægra, ut tam gravi Aquarum crudorum oneri diutius sustinendo impar, earum diluvio ingenti tantum non succubuisse mihi videbatur.

Miram inesse fateor aquis chalybeatis vim in sanguinis textura corrigenda prout pluribus modis à naturali sua indole defletat; maxima autem earum usu cautela opus est, cum gladii ancipitis instar pro ratione exhibitionis, vel ægrum vel morbum jugulare possint. Quandoque enim adeo faculentiarum copia sordeſcit sanguis, ut obſtructiones viscerum contumacissimas producat, quæ chalybeatarum aquarum usu, omissis præmittendis, catharticis (*viz.*) & V: S: in partes nobiliores, cum morte ægroti subitanea & præmatura transferantur.

Quandoque adeo in calorem proclivis est sanguis, ut nisi copia ejus minuatur in principio, medio aquarum cursu æſtus accendetur febrilis, non nisi intermisso earum usu, & regimine appropriato extinguedus.

Ultimo non raro accidit, ut in ægrotæ nostræ casu, quod ob viscerum debilitatem, & statum sanguinis fractum, & effætum, aquarum

rum usus non solum sit inutilis, quin etiam admodum insalubris, & damnofus.

Sumpta igitur ab iis quæ ægrotæ nocere, æquè ac à natura morbi, & symptomatum, indicatione, curativas intentiones juxta methodum sequentem institui. Exulante prorsus admodum perniciose aquarum usu, & Clystere ex *Com: Decoct: cum Elect: Lenit:* ȝ i. injecto, mane proximo Decoctum Amarum formula sequenti præscripsi, bis in die repetendum, & *Decoct: Amar: S: S: ȝ iii. Aq: Gent: c: ȝ i. Ms. f.* Haustus mane sumendus, & 6 h. p. repetendus quotidie. Hujus usu ad biduum continuato, inflationes, dolores colici, qui intensissimi erant, & convulsiones externæ quæ faciem, & pectus præcipue afficiebant, magna ex parte evanuere, restituto appetitu cum pristina animi alacritate. Clysteris repetitionem denuo suasi, & postea concessio vieti ad libitum, infus: *Chalyb: Amar:* illi quotidie propinari jussi formula hac sequenti, quam aliis similiter affectis ante præscripseram, & proinde tunc temporis apud Pharmacopolem in promptu erat.

& *Limat: ferri: ȝ ii. Aq: Lact: al: ȝ ii.*  
*Absinth: min: c: ȝ ȝ. Gent: c: ȝ iv. Stent*  
frigidè infus: in Vase clauso decem dies  
subinde vitrum agitando, postea addantur  
*Rad: Gent: Zedoar: Calam: Arom: incis:*  
*an. ȝ i. summitat Centaur: min: p: Absinth:*

p. fl: *Chamem: Sambuc: Sem: cardamom*  
*an: 3 fl. Flaved: dimid: cort: unius Au-*  
*rant: Stent insuper infusa per triduum.*  
*F. colaura filtranda ad usum. Hujus*  
*Tinct: sumat c: vi. mane & h. 5. p. quoti-*  
*die.*

Hujus beneficio, intra spatum octo vel decem dierum omnia profligabantur præmemorata symptomata, manente solum genuum immobilitate gressum suum penitus fere impediente. Non enim de sedili propriis suis viribus surgere, multo minus se pedibus inter ambulandum sustinere valebat. Quocirca recuperatis jam viribus, & functionibus naturæ vegetius se habentibus, ad contumacissimum ultimum hoc symptoma removendum potissimum collimavi; quod, num parcæ & diminutæ spiritum animalium generationi, & eorum indoli depressæ, vel potius corum libero in partes moventes influxui ab humoribus vitiiosis ibi infixis impedito, potissimum ascriberem, aliquandiu mecum hæsi. Demum autem cum quæ ceteris symptomatibus spirituum animalium (*viz.*) indolem spestantibus arcendis valuissent medicamenta, huic prorsus imparia reperisse, causam ultimam verisimilius in culpa esse mecum sentiens, ad eam tollendam operam medicam protinus collocandam judicavi, idque ita præstigi. & Extr: *Rud: Pil: ex Hier:*

*cum*

*cum Agar: an. 3 f. Res Jalap: gr. vi. Ms.  
f. Pil. v. tertio vel quarto quoque die su-  
mendæ ad tres vices, diebus intercurren-  
tibus persistendo in usu infus: Chalyb: A-  
maræ, ut prius.*

Hac methodo ad septimanam unam & alteram, in aere rusticano inita, gradatim indies imminuta fuit hæc pedum impoten-  
tia, & ægrota ad sanitatem pristinam inte-  
gro restituta,

---

### G 3      OBSER-

## O B S E R V A T I O X I X.

*De Variolis irregularibus.*

**G**enerosa quædam febricitans & dolore capitis & lumborum intenso laborans cum aliqua ad vomitionem propensitate Die Sept. 8, 1699. decubuit.

Hoc die mittebantur sanguinis 3 x.

Die 9 vomebat copiosè è propinatis in haustu *Tart: Emet:* gr. iii.

Die 10 erupere Variolæ, uberi eas comitante ptyalismo cum egregia(ut solenne est) symptomatum mitigatione.

Die 12 supervenit mensium, licet extra terminum consuetum fluxus copiosus, & æquali tenore ad triduum protractus.

Die 13, pro Eclipse Solis egregia, notabili influxum alvi incidit violentum, unde intra spatum nycthemeri trigesies alvum deposuit, à primo ejus exortu prorsus cessante ptyalismo. Hujus ergo exhibuit nescio quis Bolum è *Diascordio cum pul: e ch: c: c: præp. Æi.*

Die 15 nocte vocatus, cum ægrotam ex evacuationibus profusis, licet jam plurimum remittentibus magnopere innanitam, languidam, & sitibundam invenerim, potum consului familiarem ex lactis una, & aquæ tribus partibus ad medias coctis præparatum,

tum, & esum panis triticei tunc temporis uti retulit votis suis maxime irridentem, continuato etiam Boli è *Diasc*: usu ut prius.

Hac nocte bis alvum deposuit.

Die 16 Variolæ pro more confluentium bene & regulariter se habebant.

Hac nocte alvi fluori, adhuc licet mitius persistenti, ne cum ægræ periculo ultra metas excurreret, objeci Clysteris exhibitionem sequentis, & *Carnis Ovinæ decoctionis*  $\frac{1}{2}$  ℥. *Ther: Androm:* 3 i. *Ovi vitellum unum, f.* Clyster statim injiciendus. Hinc prescribebantur excrementa plurima acria, & intestina ad dejectiones frequentes irritantia, & adeo dileniebantur viscera, ut penitus postea substitisset alvus.

Die 17. Hoc mane cohibito penitus alvi fluore, & ulterius proiecto faciei tumore, etiamsi plane defecisset ptyalismus, omnia tuta reperi; ne autem de novo recrudesceret, diarrhæa jussi haustus aliquot amplos *Decoc̄t: Albi aliquoties in die propinari.*

Victu etiam ut prius eodem ex Hydrogala & pane triticeo uti prius persistere consului, cum autem de vigiliis & inquietudine quereretur, Vesperi die 18. Haustum sequentem propinavi, & *Aq: Lact: alex:* 3 ii. *Cinnam: h:* 3 ℥. *Diacod:* 3 vi. *Laud: liq: gr. x.* Ms. f. haustus quamprimum sumendus, & singulis noctibus, auctiori etiam aliquantulum dosi, si opus fuerit. Bene dormi-

vit, cæteris etiam se bene habentibus.

Die 19. Hoc mane penitus cæcutivit.

Die 21 adhuc cæcutiit, jam autem quadtenuus detumescere facies incepit, exarescentibus etiam aliquantulum pustulis quæ inter se crustatæ & coagmentatae erant.

Manuum autem pustulæ indies proventiores erant & magis turgidæ, ipsis neutquam interea uti in genere confluentium variolarum ordinario mos est, intumescentibus.

22. Jam sensibilius recessit faciei tumor, & pustulæ arefiebant magis; verum cum de pustularum dolorifico & graviter exurente calore magnoperè torqueretur, ut *Oleum ex amygd: d:* cortice sua acie cultri non aqua calida denudatis per expressionē frigide extractum iis illineretur bis spatio 24 hor. curavi, unde egregium citissimumq; sensit levamen.

Die 23. Hoc die de lecto surrexit, & facies ad statum naturalem reverti incepit.

Adhuc paregorici ante præscripti usū persistit, omnibus voto respondentibus, nisi quod pustulæ in apice natus putridæ, & male olentes, ob earum profundam ibi infitionem parti deformitatem minarentur, sexui sequaci infortunium, vix ullo pretio sane redimendum. Hisce ergo, adhibitis prius quæ fordibus detergendas, & nativo partis calori refocillando præcipue inservirent, tandem Emplastrum sequens impo-

imponebatur. & *Empl: Diach: S: 3* §.  
*Sper: Ceti* 3 i. *Ot: Lil: alb:* parum. Ms.  
 f. *Empl:* molle in pannum lineum exten-  
 dendum. Hoc bis in 24 horis recens im-  
 posito, tandem paucorum dierum spatio  
 indies subsidentes penitus levigabantur pu-  
 stulæ, & in gratiam redibat cum ægra na-  
 fus.

---

## OBSER-

## OBSERVATIO XX.

*Tussis Convulsiva.*

**P**Uella quædam sex annos nata, Tussi suffocativa, seu *Hooping-Cough* vulgo dicta corripiebatur. Hujus tussis paroxysmos decies in die, præter propter violentos adeo sustinuit, ut iis instantibus ob expirationem nimis diu protractam, & tussiculationibus crebris & contumacibus comitamat, & ea remittente, inspirationem admodum difficilem, & non absque erecta cervice & sonitu clangoso, cum vultus livore ductam, ob angustata exinde bronchia strangulationis periculo versaretur. Aliquando tussiendo pituitę tenacis offam rejicit à pulmonibus per se, aliquando etiam magnam ejusdem quantitatem vomitione simul contingente è Ventriculo, aliquando etiam inanis infestabat tussis alterutrorum expers.

Celebrabatur V.S. ad ȝ vii. sine insigni aliquo levamine, postea leni præmissa purgatione Pulveres absorbentes, & acidum infringentes præscripti sunt sequentes,  
*B: Ant: Diaphoret: Coral: rubr: succin: alb:*  
*præp: an. gr. vi. Pul: de Gutteta Ranar:*  
*hepat: siccata: an. 3 fls. Ms. pro sex char-*  
*tulis*

tulis; sumat unam tertia quaque hora in  
 cochl: uno seq: Cord: superbibendo c: 3.  
**R** & **Aq:** *Rutæ puleg: an. 3 ii. Peon: c:*  
*3 i. Syr: fl: peon: q. f.* Ms. Hisce per diem  
 unum & alterum institimus, at nihil omnino  
 inde profecimus. Postea suasi usum *Syr:*  
*de succo Puleg:* cochleatim ad dies aliquot,  
 quem admodum utilem antea non semel in  
 hoc affectu observaveram, jam plane im-  
 proficuum. *Vesicatoriis* proxime usi sumus,  
 & revera non absque eventu felici, præcipue  
 durante ichoris, non autem diutius, profu-  
 sione, & quæ proinde repetita fuissent a-  
 liis in locis, modo non obstitisset parvuli  
 pervicacia, vel potius lenitas parentum in-  
 tempestiva. Plurimis igitur incassum hæte-  
 nus tentatis, & omnibus fere medicamento-  
 rum formulis in nauseum abeuntibus, menti-  
 onem feci de vomitu, cui facile, cum tam in-  
 gentem pituitæ viscidæ quantitatem à sto-  
 macho frequenter inter tussiendum rejici a-  
 nimadvertisserent, parentes consentiebant, ob-  
 stante solum difficilis ejus exhibitione. Hanc  
 facile superari respondi, cum furtive me-  
 dicamentum quoddam fere insipidum æ-  
 gro propinare in haustu cervisiæ tenuis cui  
 indies assueverat, noveram; me solum  
 anxium esse quid fieret de ægrota inter  
 vomendum, cum quicquid eo pro potu por-  
 rigeretur, tunc temporis illam certo recu-  
 saturam excepta cervisia, præviderem; tan-  
 dem

dern autem spe dubia rem aggressi sumus, exhibendo Haustum vomitivum sequentem. *& Tart: Emet:* gr. i ℥. f. pul: in haustulo cervisiae communis exhibendus sub vesperam. Sumpto haustu septies vomuit, singulis vicibus eliminata immensa phlegmatis supradicti copia, ne guttula quidem interea per integrū vomitionis tempus cuiusvis liquoris intus admissa, (idque auspiciatius quidem me judice) cum vires neutiquam deficerent, & benignæ satis sequerentur vomitiones. Mitior hinc indies aliquantulum facta est tussis, brevi autem ferociam suam resumpsit, ita ut salus ægrotæ in ancipiti versari videbatur. Ego me omnem spem in vomitus repetitione collocasse dicebam, modo tempestive, & prius quam vires nimis dejicerentur propinaretur. Annuentibus iis, ex eodem haustu ac prius denuo assumpto insequebatur operatio ut prius, cum eventu maxime desiderabili, elanguit enim quotidie tussis, & ægra saluti pristinæ restituta est. Convulsiva & recte proculdubio, si causam ejus proximam, & immediate paroxysmos (qui sepe nihil omnino rejecto sponte sua recedunt) producentem respicimus, cum autem ex indole per vomitionem urgente tussi egestorum, utpote etiam ex ratione curationis ab usu emeticorum, adeo ingentem seri acris & viscidi in sanguine nidulantis, & postea è glan-

glandularum ductibus excreticibus per totam membranam bronchia pulmonum oblinentem disseminatarum exsudantis cernimus, magnopere ad id, tum quoad copiam ejus, & malitiam in hoc affectu medendo respiciendum esse existimamus. Plurima super hoc affectu differendi hic locum esse fateor, quomodo scilicet tussis hæc à Catarrhali seu ferina, utpote etiam ab ea quæ è frigore oritur, & etiam ab illa quæ Asthma non raro extra paroxysmum comitatur, notis veluti quibusdam characteristicis discrepet; quæ vero cum longe diffusius & accuratius tractari mereantur quam patiantur, vel vires, meæ, vel instituti hujus ratio, ab aliis agi mallem, qui pathologia omni ex parte, & data opera, exornanda, operam suam nayant.

## OBSER-

## O B S E R V A T I O   X X I .

*De Pleuritide male judicata.*

**F**Oemina quædam gracilis, & rarioris corporis texturæ, pleuritide laborans propter anacatharsios defectum, secundum *Aph: Hip:* Lib. 5. *Aph.* 8. tandem empica fiebat. Per aliquot menses tussi, cum difficulti anhelitu, quæ eam in extremam maciem perduxit, corripiebatur, sputum crassum, viscidum, & subpurulentum quotidie rejiciebat, & postea tandem cum intra terminum naturæ ordinarium juxta alterum *Aph: Hippocr:* eusdem *Lib: Aph: 15.* humores putridos ad Pulmones translatos ibique congestos, non eliminaverit, in hecticam, vigiliis, appetitu prostrato, summa & virium debilitate comitatam incidens, in extremam vitæ suæ desperationem redacta est. Ceterum hoc statu periculofo, cum vix ulla, ut dictum est, vitæ suæ spes superasset, de dolore in latere sub dextra mamma lacinanti adstantibus queri incepit, quem statim exceptit tumor indies augescendo donec in apostema terminaretur. Circa id tempus quo maturationem acquirere, & in Apostema definere tumor hic prædictus inceperit per triduum, vel quatriduum quic-

quicquid per os rejecerit, pus fuit merum album concoctum, & conglobatum at omnis fetoris expers; hinc commonefacti qui illam id temporis tractarunt medici, & chirurgi, de abscessu aperiendo in consilium ineuntes, id nulla mora interposita fieri convenerunt. Non citius ex apostemate aperto ad dies tres vel quatuor effluxisset pus ejusdem coloris & consistentiae cum illo quod antea è pulmonibus rejici consueverat, quin penitus evanuere tussis, febris, vigiliæ & quicquid illi molestum fuerat, & indies de statu deplorato vegetior & robustior facta est. Cum autem jam adeo convaluerat, & ulcus quotidie contractius ad consolidationem tendere videretur, num id tuto fieri liceret anxia, me super hac re consulendum voluit.

Quicquid hactenus de hoc casu chartis commissum est, ab ægrota, & chirurgo mihi narratum est, à quo dempto prius superimposito Emplastro, & extracto brevi quodam argenteo qui ulceri cavo insertus esset, quo satius per eum transfluerent qualescumque illic loci à toto corpore demanderentur humores tubulo, cum nihil vel parum humiditatis effluxisse conspicerem, statim eò sententiæ deveni ut metu omni semoto ulceris (si id contingeret) unionem permitterent, linquendo aperturam fontanellæ more pisi continendi capacem, ita ut natura  
de

de suo proposito tam sapienti, & salutifero neutquam averteretur.

A quâ potissimum causa originem suam tulit hic tumor, cum post tot menses à primario morbo laterali supervenerit, præfertim cum abscessus thoracis cavitatem non intrasset, haud dictu facile est; quantum autem ego conjectura assequi possum, non aliunde quam à materia ista præmemorata crassa, & subpurulenta pulmonibus impacta quam toto isto spatio à morbi origine ad hunc usque diem sursum rejecisset. Si viarum per quas ex uno loco in alium hæc materia fuisset translata difficultas objiciatur, præcipuè, cum ulcer de quo mentio facta est, non intrasse pectoris cavitatem, examine à me quam seduo facto, tum specillo, tum candelæ flamمام ejusdem orificio dum quam fortiter expirationem moliretur egra, admovendo verisimiliū est; huic difficultati in promptu est responsio (*viz.*) quod iisdem viis quibus a tumore in latere suppurato pus ad pulmones translatum esset, & per expectorationem rejetum, ut prius notavi, retro à contabescientibus pulmonibus enatum transferri potuisse. Cujus sententiæ veritati stabiliendæ, quod scilicet humores extra arteriarum ora capillaria in partibus solidis existentes denuo resorbeantur seu intus suscipiantur potest instantia anno præterito satis notabilis

lis infervire, in generoso quodam, cui post longam vasorum hæmorrhoidalium intumescentiam, & partium vicinarum inflammationem, accidit earundem sphacelatio latius & profundius se protendens, quam unquam ante conspexeram. Huic tam fœtidæ carnium moli, dum chirurgus, tum cultro, tum medicamentis amoliendæ operam navaret, mihi jugiter per dies aliquot præsenti, & quoniam æger de difficultate urinæ inter meiendum quereretur matulam inspicienti contigit, ut urinæ superficiei Terebenthinæ oleum quo chirurgus copiosè tunc temporis in applicationibus suis uteatur innatans, cum cæteris adstantibus non solum visu, quin olfactu persentirem, idque per plures dies quotidie quamdiu istius olei usum in vulnere tractando consentaneum fore chirurgus judicasset.

Hujusmodi humorum translationem, quam cæco hoc naturæ ductu, vel viis faltem ad sensum imperviis contigisse asserui, aliquibus forsan mere conjecturalem & præcariam videri posse non diffiteor ; ut autem iis possilitas facti de qua prorsus fit quæstio certius constet, Observationes duas vel tres ex infinitis pene, idque ubi materia purulenta juxta strictum vocabuli *Empyematis* sensum, extra sinum ubi prius collectum esset elapsum, intra pectoris cavita-

tem effundebatur, & proinde longe difficius, quam ubi vasorum sanguineorum lacera & apertiora erant ora, in ea admis-  
sam fuisse cuiquam plane innotescat, sub-  
jungere non gravabor, excerptas ex *Ephem:*  
*Ger: An: 2. Autore Joh: Ferdin: Hertodi,*  
p. 230. Obs. 146.

*Ita de individuo ab interitu conservando  
sollicita est natura, ut insolita etiam at-  
que extrema, ne succumbat, tentet. Ob-  
servavi cum excellentiss: Dn. D. Domini-  
co de Marchettis dum adhuc Patavii studiis  
medicis incumberem, quendam ex gravi &  
periculosa Pleuritide factum Empicum: Hic  
cum dolore gravativo, vix non opprimen-  
te, difficillimam duxit respirationem.*

*Ad quam tollendam ea adhibita fuere quæ  
pus maturare, abstergere, evacuare, & si-  
mul vires corroborare apta nata sunt, sed  
frustraneo cum effectu: Ut tandem ipse eti-  
am patiens metu mortis subitanæ sectionem  
(quam alias felici cum successu adhibitam  
novit) avidè & instantaneo sollicitaret;  
Quæ operatio cum sequenti die opera chi-  
rurgica, pluribus in consilium vocatis me-  
dicis peragi debuisset, raro de mane Pati-  
entem visitantes, invenimus turpissima &  
purulenta per totum corpus scabie repletum,  
ab omni vero respiratione difficulti & dolore  
gravativo liberum, immo sanissimum.*

Habui

*Habui & ego Brunæ fimbriarum quendam ex pleuritide Empicum, qui pus in pectori contentum per secessum excernebat. Is adhibito frequentiori usu terebinthinae feliciter curatus, humiliter de facto mibi gratias egit.*

Priori harum prorsus consimilem nobis exhibuit Doctiss: Jo: de Muralto, Misc: Cur: An: 13. Obs: 146. In casu altero ab eodem Cl: Marchetti recensito.

Ultimam, quo nullus aliis ambigendi locus relinquatur, nobis suppeditat Doctiss: Willisi, in cap: de *Vomica* ad finem, in illustri quadam Fœmina, quæ postquam ab apostemate intra pulmones rupto per anacatharsin non satis repurgaretur, fontanellæ in pectore secundæ assensit, per quam, etiam si superficiem tenus solum penetrantem, pus idem ac prius per sputum continuo per aliquot dies rejicere solebat, quotidie excernebatur, valetudine sensim tandem restituta.

## H 2 OBSER-

## O B S E R V A T I O   XXII.

*De Scorbuto.*

**G**enerofus quidam anno triginta natus, temperamenti calidi, & habitus gracilis, etiamsi aere salubri & aprico, & quo ad victum vel ad normam degeret, in atrophiam incidit, cum appetitus prostratione, spirituum subsidentia, & universali corporis debilitate; quibus insuper se adjungebant salivatio profusa, molestissimus tonsillarum tumor inflamatus, & uvula relaxatio, ita ut non solum admodum difficulter deglutiebat, quin continuo fere screatu, quo ingentem phlegmatis viscidi quantitatem rejicit, dolorifico tentabatur.

Plurima sumpserat medicamenta à medicis in vicinia praxin excentibus per spatium aliquot mensium, at incassum. Tandem *Londinum* petens me consuluit. Pulsus debilis & tardus erat, sanguinis statum depresso aperto indicans, somnus moderatus, urina furfure lateritio referta. Inter alia statum ejus prægressum spectantia, de quibus inter nos habitus fuit sermo, retulit se à multis retro annis eruptionibus quibusdam in manibus, præsertim circa digitorum juncturas squamosis fuisse obnoxium

noxium, post aliquam ibi moram, num in-  
tro recessione vel difflatione nescit, sponte  
& sensim evanescentibus; adjecit olim se  
plagis septentrionalibus & maritimis ali-  
quandiu vixisse, & non raro transmari-  
nis, ubi victus pro maxima parte è ci-  
bis salinis & induratis constabat. San-  
guis ejus quorundam instigatione missus,  
coloris erat admodum floridi, sed sero  
perfusus copiosiori. Absque ullis amba-  
gibus illum scorbuto, fecunda omnium ma-  
lorum, de quibus querebatur matre labo-  
rare, pronunciavi. Morbo propter tot  
symptomatum inter se discrepantium va-  
rietaltem adeo insigni, ut eo temporis inter-  
vallo quo primum increbuit, quo scilicet ad  
longinquas terrarum plagas, primum navi-  
gatio à populo littoribus septentrionalibus  
degenti navigatio incepta est, & quo ad  
tempora nostra est devolutus, cæteros om-  
nes fere in se morbos ample quasi gurgite  
absorbuuisse videatur; Cum tamen eum altius  
attentiusque contemplanti vix aliud esse  
constabit quam cacochymiam sui generis,  
salsuginosam (*viz.*) & pravam sanguinis  
constitutionem, vel victus, vel Atmo-  
spheræ, vel utriusque vitio præcipue ac-  
quisitam, & pro variis quæ in corpore huma-  
no metitur stadijs, affectuum diversorum  
procreatrixem. Tædium, & præter insti-  
tum meum esset, illum in singulis ejus spe-

ciebus & gradibus prosequi. Unum solummodo juniorum gratia monere liceat, quocunque scilicet demum statu, vel forma appareat, num scilicet in fieri, vel facto esse (*viz.*) utrum fructiones solum leviter afficiat, vel aperto marte prælians eas quodammodo evertat, quocunque etiam corporis regione hostilitatis suæ notas exprimat, certis quibusdam, & ei essentialiter appropriatis signis ita distingui posse, seu innotescere, quo minus nobis impone-re valeat, & iui diagnosin fidelissimam exhibeat. Si nempe sub forma morborum essentialium, & fixorum, quos ab humoribus partibus intime infixis oriri veteres dixerunt, uti sunt Colica, Paralysis, Arthritis, Asthma, Hydrops, &c. prodeat; raro contingit quin vel maculas, vel pustulas, vel uluscula in partibus corporis exterioribus, vel gingivarum aliquod vitium, vel saltem urinam coloris saturationis, cum sedimento copioso & lateritii coloris, unum scilicet vel plura horum symptomatum assidentia, seu *suvered'orla* dicta, morbum primarium comitantia conspicies; cui etiam usu venit quod per intervalla breviora, & quasi accessionibus partitis invadat, nisi propter morbum jam invetera-scentem, veneno diutius incocto, aliter contingat.

Si morbos aliæ classis, qui scilicet a causa leviori & minus fixa & mobili, utpote à flatibus solum juxta veterum opiniones natos fingat hic affectus, quo quidem respectu magnam cum morbo hujus temporis, si unquam populariter grassanti necessitudinem habere videatur, vulgo *Vapores* dicto, a spirituum animalium crassi, vel motu, quovis modo male affectis dependenti, eum, ex urina si cætera supra memorata deerunt symptomata, certissimo apprehendes; hæc enim ex ejus colore intenso & sedimento furfurem lateritium referenti, vicibus saltem quibusdam, si non continuo se in matulæ fundo confaciendum præbenti, affectum hunc insidiosum, & versipelle, ab aliis nervoso generi propriis, & ex urinæ coloris limpido signo quasi pathognomonicō satis distinctis, palam manefestabit.

Breviter hæc &, ex compendio dicta velim, non quod solum à pluribus Authoribus affectiones quas jam in numero symptomatum scorbuticorum posui, velut morbos primarios fuisse descriptas dum sanguinem solum attingunt, & cum ulteriores progressus, nervos & spiritus animales coinquinando, fecerint, eas ut affectiones nervosas indiscriminatim cum aliis ab alia prorsus causa ortum suum habentibus, & solum vultu affinibus de-

scriptas fuisse animadverterim; quin etiam quo methodum magis appropriatam, & ab ea qua aliis omni scorbuti labe immunibus morbis in aliquibus saltem deflectentem, cuius commodum fieri potest exemplar in casu præ nobis vere quidem scorbuti indolem referenti, proponerem. Rx Decoct: Amar: ȝ iv. Tart: Vitr: ȝ i. Ms. f. Potio mane sumenda, cum levi regimine, & repetatur secunda vice post triduum vel quatriiduum. Rx Succor: Beccabung: Nast: Aquat: Hortens: Fumar: an. ȝ iv. Limon: ȝ ȝ. Vini Rheni ȝ iv. Stent vase arctè clauso donec fiat debita per subsidentiam depuratio. Cap. ȝ iii. mane & h. quinta p. quotidie, diebus purgatione vacuis. Hac per septimanam unam methodo persistens robustiorem se sensit factum, ptialismum imminutum, & spem recuperationis effulgentem.

*Tertia* vice purgabatur aucta aliquantum Sennæ quantitate ut prius.

Hinc insistendo in cursu quo inceptus est indies carnosior & vegetior evasit, ita ut nullum hujus morbi symptomam præter tonsillarum tumorem eum affligeret. Quo igitur ei obviam irem, & methodum præcedaneam expeditiorem facerem sequentia cæteris jam præscriptis adjunxi; Rx Rad: Torment: Bistort: Ireos fl: an. ȝ ii. Cort: Granat: ȝ i ȝ. Hol: Malv: arbor: Prunel:

an.

an. m. fl. rosar: rubr: *Balaust*: an. p. i.  
*Sem*: *cydon*: 3 i. *Coq*: in *aq*: f: q. f. *In Calat*: 3 viii. *Solv*: *mel*: *ros*: 3 i fl. *Alumusti*  
 3 i. f. *Gargar*: *tepide usurpandus*. & *Conf*:  
 fl: *cich*: *cochlear*: an. 3 i fl. *Limat*: *chalyb*:  
 3 ii. *Tart*: *Vitr*: 3 fl. *Rhabarb*: *rassparati*  
 3 i. *Syr*: *de Cich*: *cum Rhab*: q. f. Ms. f.  
*Elect*. de quo sumat q. n. m. mane, & h.  
 quinta p. quotidie superbibendo *Succor*:  
 supra præscript: q. usitatam. Hæc fructu-  
 ose sumpsit ad alteram septimanam nulla  
 interposita purgatione cum alvus jam ob  
*Rhab*: in *Elect*: immistum per se satis re-  
 spondebat. Postea Decocto *Amar*: f. f.  
 adjecta *Aq*: *Gent*: c: 3 i. ad aliquot dies  
 ventriculi roborandi gratia adhibito plane  
 convaluit.

---

## O B S E R-

## OBSERVATIO XXIII.

*De violentis, tum sursum, tum deorsum  
evacuationibus purgativum medicamen-  
tum intempestive exhibitum se-  
quentibus.*

**V**Ocabar ad Fœminam quandam quæ  
quinta post parturitionem septimana  
ab assumpto medicamento illi a medicastro  
quodam propinato, per quatriduum vomi-  
tionibus, & dejectionibus violentis, magna  
virium jactura, siti vigilia contumaci, do-  
lore ulceroso toti corpori coextenso, &  
gutturis præfocatione supervenientibus,  
magno imminente vitæ periculo laborasset.  
Hisce symptomatibus coercendis, sublevan-  
disque tutissima, efficacissimaque mihi vi-  
debatur non obstante pulsus debilitate  
methodus sequens. Rx Ther: Androm: 3 i.  
Lapid: Goar: gr. xv. Cast: Sal: volat: c: c:  
rectiff: an. gr. vi. Ms. f. Bolus quam-  
primum sumendus, superbibendo Haustum  
sequentem. Rx Aq: Rutæ Meliss: an. 3 i fl.  
Bryon: c: 3 ii. Tinct: Cast: gr. xii. Sach: alb:  
q. f. Ms. f. Haustus. Repetantur Bolus  
& Haustus post 6 horas, si non dormierit.

Hisce non obstantibus ægram insomnem  
evacu-

evacuationibus lassatam, & tantum non exhaustam die sequenti reperi. Jam ideo enema è jusculo ovino, cum Ovi unius vitello præparatum, quamprimum injici curavi, & Hauustum unum & alterum vi- ni rubri Gallici pane tosto parum tepefacti indulsi, unde se admodum refectam retulit. Hac nocte Pilulas sequentes præscripsi. Rx Laud: Lond: sine odoriferis, vel Opii colati gr. i fl. Cast: pul: gr iv. Sal: volat: c: c: gr. iii. Syr: fl: Peon: q. f. Ms. f. pil. ii. h. somni sumendæ, & post horas 4 repeten- dæ, si insomnis fuerit, superbibendo Hau- stum sequentem. Rx Aq: Rutæ Puleg: an. 3 i. Bryon: c: 3 ii. Tinct: Cast: sp: c: c: succinat: an. gr. iv. Sach: q. f. Ms. f. Hau- stus. Hac nocte bene dormivit, & mane sequenti symptomata fere penitus evanida, & pulsum longe fortiorem inveni. Vini Gallici usum libere permisi, & subinde u- sum etiam Decoct: albi consului.

Et quò recidivam præcaverem, nocte se- quenti pilulas sequentes exhibebam, Rx O- pii colat: Galban: colat: an. gr. ii. Cast: pul: gr. iv. Ms. f. pil: 2. h. somni su- mendæ; mediocriter dormivit ad 3 vel 4 horas, quibus elapsis rediit Diarrhæa cum sudore frigido, pulsu debili, & magna virium exolutione; quapropter denuo ad pilulas paregoricas quasi ad asylum confugere cogebar. Rx Opii colat: gr. iv. Cast:

*Cast: Sal: vol: c: c: rect: an. gr. ii. Gum: Tragac: q. f. Ms. f. Pil. viii. Sumat ii. quam primum, & repetantur tertia quaque hora si non dormierit, superbibendo c. iii. Cord: Perlati sequentis, & Aq: Melissæ cerasi an. 3 iii. Cinam: fort: 3 ii. Menth: 3 ii. Marg: præp: 3 i. Sach: albiss: q. f. Ms. f. Cord. statim irrepst sominus usque ad 8 vel 9 horas magno ægrotæ emolumento protractus; cœterum, mane sequenti licet eam valde refectam & vultu alacrem invenissim, cum tamen pulsus ejus admodum depresso, & corpus sudoribus frigidis perfusum deprehenderem, opiatorum usum aliquantis per intermittere, & medicamentis Cardiacis, & spiritibus robur afflantibus rem aliquantulum committere satius esse duxi.*

Cur autem id fecerim ratio in proclivi est, ob mutatam scilicet spirituum animalium constitutionē. Dum enim urgebant profusæ supra memoratae evacuationes, æger non solum penuria, ast etiam spirituum animalium tumultu, & distractione laborabat, & proinde cum a medicamentorum opiatorum usu in proprios suos tramites reducti fuissent, facta statim est uberior in viscera eorumdem dispensatio, unde novo quasi robore aducti, munia quæ languide solum antea, jam denuo vegete, uti à fortiori pulsus vibratione

bratione, & majori virium constantia palam  
fuit, præstiterunt.

Postea autem cum opiatorum beneficio  
spirituum tumultus fuissent consopiti, &  
eorum excursus inhibiti, non eorum uti pri-  
us quæ tum apparebat pulsus debilitatem  
anomaliis, sed diminutiori solum eorum in  
præcordia irradiationii, à continua narcoti-  
corum usu (num quod eos figent vel extin-  
guant videant alii) exortæ deberi merito  
judicabam.

Pro dissimili igitur spirituum animalium  
statu, & conditione, dissimilem plane medi-  
camentorum opiatorum eventum conting-  
ere cernimus, & proinde juxta illorum indi-  
cationes methodum instituere debemus.

Prout mecum igitur statuissim, sequentia  
præscripsi. *& Lap: Goan: Pul: e ch: c: c:*  
*an. gr. xv. Cast: gr. vi. Sal: vol: c: c: rectif:*  
*gr. iv. Ther: Andr:* (adhuc enim de ventris  
laxitate aliquantulum submetui) 3 fl. Ms.  
f. Bolus quamprimum sumendus & quarta  
quaque hora repetendus, superbibendo c.  
iii. Julap sequentis, *& Aq: Meliss: Lact:*  
*alex: an. 3 iii fl. Bryon: 3 fl. Cast: nod:*  
*ligat: 3 fl. Sp: Sal: Arm: gr. xx. Sach:*  
*alb: q. f. Ms. de quo sumat c: 4 vel 5 ad*  
*libitum. & Sp: c: c: 3 fl. Cap: gr. x. vel*  
*xv. ex haustu Lact: alexit: liberali quoties*  
*voluerit.*

Die sequenti, bis tantum sumpto medicamento supra præscripto, p. m. h. 6<sup>a</sup>. eam invisi omnium pene symptomatum immunem, cibique appetentem. Rebus sic stantibus illam consului, ut in usu Sp. c. c. solum persisteret ad diem unum & alterum, & quibus maxime delectaretur moderate uteretur cibis.

Unum autem hic forsan notasse junioribus non ingratum erit, quod scilicet per totum hujus methodi cursum medicamenta omnia vulgo hysterica dicta qualia sunt, *Aq: Bryon: & Peon: c: Tinet: Cast: Galban: & Spir: omnes volatiles*, & id genus omnia, in nimis magna q: exhibita, ægrotæ non solum ingrata, verum etiam molesta, & ventriculum subvertentia extitisse.

Pluribus aliis idem accidisse novi, num ob peculiarem spirituum animalium texturā, vel quod illis, similiter ac tenellæ è quovis combustibili flammulæ enascenti accidat, quam lenis ventus accedit, fortis penitus extinguit, penes speculatores esto.

Adhuc autem manebat molesta illa gutturis strangulatio, ac si globus inibi perpetim volveretur, unde ægra etiamsi ad somnum proclivis, insomnis fere reddebat. Huic symptomati debellando, cum id nec cæteris Antihystericis intro sumptis, nec in nodulo circa collum gestatis, nec Emplastro

plastro umbilico applicato cessisse viderem,  
ad chalybeata confugi. **R** & *Tinct: Chalyb:  
Amar:* ʒ ii. f. Hauftus, mane & h. quinta  
p. quotidie sumendus. Triduo huic me-  
thodo tantum impenso plane curata est.

---

## OBSER-

---

## O B S E R V A T I O   XXIV.

*De Ictero critico.*

**V**IR quidam admodum robustus, & annos 30 plus minus natus, postquam ambulatione, cum quibusdam ejus sociis nimis diu indulsisset, sœviente syrio & priusquam deferbuisset sanguis, adhuc sudoribus disfluens, compescendæ siti gratia pleniores aliquot, & supra modum liquoris cerevisiati haustus exsiccasset, spirituum subsidentia, ventriculi nausea, levi per vices ægritudine, & horroribus etiam frequenter & paroxysmorum more invadentibus præhensus est.

Hoc statu manebant symptomata prædicta graviter ægrum plectentia ad septimanam unam, qua transacta, tandem erupit Icterus, universum corpus colore flavo & subviridi defedans. Non citius autem se in conspectum dedisset hic morbus quam disparuere, quæ supra recensuimus symptomata, redeuntibus appetitu, virium robore & spirituum vigore, ita ut jam se longe melius habere, quam a longo jam satis tempore vaporibus affligi solitus, plane gratulabunde referebat. Pulsus naturaliter fere se habebat nisi aliquantulum

quantulum depresso, urina intense primo  
mixta rubebat, postea turbabatur, nycthe-  
meri spatio contenta sua vix deponens;  
nondum autem adhuc albescebant sedes  
alvinæ, nec colorem suum ordinarium &  
naturalem ullatenus exuissent.

Plurima, hic ut verum fatear, me in hac  
historia anxium, & suspensum tenebant; &  
quæ inter cetera minus notatu digna ocur-  
rerunt, primum fuit, quod fæces alvinæ colo-  
re satis tincto, uti solebant, excernebantur.  
Secundum, quod quæ Ictero supervenire  
eumq; comitari consueverant symptomata,  
uti sunt ventriculi ægritudo, & dolor foveæ  
ejus quamplurimum insidens, status cor-  
poris debilis & elumbis, spirituum frequens  
& subitanea depresso, appetitus deprava-  
tus, & alvi contumax pigrities, hic penitus  
exulabant, novo eorum loco plane suppul-  
lante totius hominis vigore. Hisce ita  
se habentibus haud statim animo meo, quem  
mihi scopum in limine curationis propone-  
rem facile occurrebat. Unicum tandem  
mihi dubia adhuc luce versanti præ cæ-  
teris faciendum dupli ratione se obtulit;  
primo, quod id tuto experiri liceret; secun-  
do, quod me in certiorem quodammodo  
morbi hujus asymboli diagnosin perducere  
videretur. Hoc fuit Emeticum, & sequenti  
formula ministratum. Rx Aq: Card: B: ʒ ii.  
Tart: Emet: gr. iii. Oxymel: scillit: ʒ ℥.

Ms. f. Haustus. Sumpto hoc, statim vomitiones pro voto insequitæ sunt satis copioſæ, & cum iis, ultimis vomendi nixibus bilis uti solet puræ, tum quoad colorem, tum saporem quantitas eximia. Cessatis vomitionibus, ingrediebatur æger lectum se somno compositurus ; cuius loco de repente crudelissimi supervenerunt dolores, singulas fere corporis partes præcipuo latus excruciantes, ita ut noctem integrum insomnis, & jactabundus, ab ejulatibus vix abstinere potis transigeret; mane erumpente sudore & paulatim diminutis doloribus, in ægram placidus per horas undecim irrepit somnus. Postridie illum invisi optime valentem, at saturatius longe colore croceo tintum.

Hinc omni ex animo de obstructione vasorum Cholodochorum, dempto scrupulo, quæ non semel antea in quibusdam Istericis infontia noveram, cuius & exemplum fatis notabile in Infante qui ab extremitatum in aquam frigidam immersione morbo hoc statim corripiebatur, occurrit  
*Misc: Cur: Dec: 3. An: 1. Obs: 86.* aliud prorsus de hoc affectu, quam quod vulgo hactenus obtinuit judicium ferre proclivis factus sum.

Sanguinem hujus prout plurium aliorum affectuum matrem feracissimam merito censeri judicavi ; Hoc enim quasi totius Continentis oceano primitus contineri,  
 quic-

quicquid variis istius partibus hinc inde quasi totidem peninsulis, num sub solidorum vel succorum specie, idque statu sano, vel morbido, quotidiano penso subministretur, vix licet dubitare.

Verum esse fateor, haud sensibus nostris adeo proximos se sistere distinctos magni hujus fluidi succos gremio innatantes, prius quam à cæterorum consortio quilibet pro ratione partis secretricis distermineatur; interea tamen eos singulos inibi prius extitisse, ab omnibus nisi Helmontianis quibusdam de fracedine ab insito partium fermento enata, (cujus vi sola omnium sanguine indeterminate præexistentium humorum pro ratione loci vel partis ubi residet fieri separationem autumant) etiamsi sensibus nostris prorsus imperceptibili, somniantibus, concedi necesse est.

Integræ igitur & indelibatæ fluidi hujus texturæ effectus est sanitas, quovis modo perturbatæ, morbus, pro varia humoris indole, & ægroti conditione sub varia ratione enasciturus Biliofam sanguini partem omnibus cujuscunque temperamenti, vel complexionis sint, inesse fatentur omnes; vix autem ejusdem indolis in omnibus existere pariter credamus; in quibusdam acrior & calidior quasi pene enixa existat, in aliis viscidior, inertior, & concentiatior; quapropter quoti-

escunque ex quavis causa, vel extrinsecus, vel intrinsecus massæ sanguineæ mixturā taliter perturbari eveniat, ut pars ejus biliosa seu retorrida supra cæteros eam humores constituentes efferatior evadat, (non eo usque autem ut putrefaciat, tunc enim febrem accendi verisimile est,) brevi post, modo constitutio corporis sat valida sit, & natura sat potis è reliquo sanguine particulas has nocivas quasi è centro in corporis superficiem ejicere, similiter ac in febribus juxta Aphorismum *Hippocr: Aphor: lib: 4. aph: 62.* post diem septimum accidere aliquando consuevit, Icterum criticum efflorescere; cum autem particulæ biliosæ alterius indolis sint, (*viz.*) viscosæ, & concentratores, obstructionibus in glandulis secretioni humoris biliosi dicatis pariendo aptiores, & etiam æger sit debilioris constitutionis, Icterum propriè sic dictum seu essentialē enasci cernimus.

Hinc facile explicatu venit, unde Mulieres (præcipue constitutionis calidæ) hystericae Ictero superveniente critice judicantur, per se protinus pro maxima saltem parte evanescente, utpote à causa non adeo contumaci & fixa oriendo.

Haec tenus quasi in transcurso, & præter instituti mei rationem, pathologiae cum via lectoris, non plane inutiliter uti spero, indulsi; ea potissimum ductus ratione, quod

quod exinde aliquantulū à se invicim discrepantes subnasci reperimus curativas indicationes, speciatim quoad evacuationes; ut cunque enim eas leniter & raro procuratas, ferat hæc Icteri species quæ præ nobis est, utpote in constitutione sanguinis præfervida, ubi particulæ quæ propria sua indele leniter & sensim in bilem, natura nondum violata, secessuræ erant, jam à motu violento, seu exercitio immoderato supervenienti, (quo magnopere naturam in secretiōibus suis peragendis præpediri, & velut inteturbari certum est,) adeo copiose, & supra modum excoquuntur, ut eas utpote sibi onerosas, & injurias, in corporis superficiem è gremio suo ejiciendas natura præmature moliatur: nihilominus tamen fortiores, & frequentiores, num sursum vel deorsum prorsus recuset, uti ex hac instantia ægroti nostri jam allata conspicuo fatis patet. Cum interea in ea hujus morbi specie, quæ ab obstructionibus gignitur, nihil æque profund ac evacuationes, tum sursum, tum deorsum præsertim in principio curationis, & cum contumax & diutinus sit affectus, modo non defint vires.

Nec solum in medendis hujusmodi affectibus cautela aliqua adhibenda est in evacuantibus, quin etiam in medicamentis vulgo alterantium classe repositis, caute & quoad caloris gradum cum aliquo discri-

mine administrandis; cum enim aliquibus sanguine viscidiori, & frigidiori præditis, præter evacuationes obSTRUCTIONIBUS expediendis utiles, adhibenda insuper sunt medicamenta ex salibus fixis, & stimulo fortiori prædicta, uti sunt Herbæ omnes amaræ, & eorum extracta, *Extr: Croci, millipedes, &c.* cum singulis quorum associari debet semper chalybs, absq; quo vix ullatenus in medendo proficere speremus, quotiescunque contumaciorem evasisse morbum cernimus. In aliis tamen ubi sanguis volatilior & acrior existat, ab iis abstinendum omnimode est, & eorum loco substitui debent quæ blandam & mitiorem sapiunt indolem, quorum uti ut jam digressionem finiam, & methodum in ægroto curando reassumam, specimen succinctè exhibitus sum.

Postridie igitur post vomitionem peractam, & exinde productorum symptomatum sedationem, & *Herbar: Meliss: Fumiter: Taraxac: Cichor: integri, an. m. fl. Flor: Calend:* p. i. coquantur in *Seri Lact:* # iv. lento igne ad horæ quadrantem. Postea adjecto *Becabungæ aquat:* p. i. Stent clauso vase fistili infusa ad horam unam, f. colatura clara ad usum. Sumat # fl. pro vice, bis in mane, & semel p. m. quotidie. Omnicjus potu insuper ordinario guttas aliquot sp: acidi *Salis Arm:* qui pro specifico

à quibusdam in hoc morbo (& in hoc istius genere proculdubio si unquam) perhibetur, instillari consului. Post hujus usum quatriduanum imminuta lixiviali ejus tintura, fere ad colorem naturalem rediit urina; aliquatenus etiam de intensa sua flavedine remittente cutis superficie. Cum autem ægrè, & tardè restitui horum remediorum solum ope videretur, ulteriori ejus usu intermisso, ægrum ad usum *aq: Tunbridgensium* relegavi, quæ cum ob earum ferrugineam virtutem quam maxime unioni & colligationi singularum partium sanguinem constituentium inserviant, hujus affectus, cujuscunque demum indolis, curationi magnopere prodesse soleant, tum hic potissimum ob vim earum mineralem à magna aquositatis redundantia aliquantulum retusam adeo profuerunt, ut intra duarum septimanarum spatium æger pristinæ sanitati restitutus est.

#### I 4 OBSE-

## O B S E R V A T I O   XXV.

*De Hydrophobia.*

**Q**uidam è domesticis Primarii cuius-dam viri, illum hinc in *Hollandiam*, illinc ad Oppidum vulgo *Reswick*, ubi tunc temporis summi Europæ Principes, vel eorum Legati pacis stabiliendæ causa congregarentur, proficiscentem assequutus, dum stabulo inter equos versaretur, à cane Danico, qui uti eventus comprobavit postea, jam rabiisse inceperat, fuit morsus, ad finem mensis Oct. 1697.

Ab illo tempore salute inconcussa adhunc usque diem Dec: (viz.) proxime sequentis 11 gaudierat. Hoc die, atque etiam per dies aliquot præcedaneos cogitabundus aliquantulum, & subtristis erat, & subvesperam de frigiditate, & stupore quodam faciei molesto ea istius parte ubi morsus sui notam satis insignem reliquisset, querebatur; Noctem solito irrequietiorem habuit, & die seq: Aquæ pavor eum incessit.

Primum affectus istius indicium se dedit in sua ab enematis injectione abhorrescentia; quo quidem casu vix ullum de salivæ virosæ diglutiendæ metum propter quem unice, & potissimum, rabie affectos a potentis-

tulentis abhorrere asserit *Doctiss: Lister*,  
ægrum occupasse suspicari possumus, *Ex-  
ercitat: Medicin: p. 151. 128. Philos: Trans:  
An. 1683. p. 269.* Cum enim super lectum  
prono corpore jacens appropinquantem  
*Pharmacopolem* ad id exhibendum anim-  
advertisset, & eum fistulam proprius ad a-  
num admoventem sensisset, de repente,  
motu velocissimò, instar terrore agitati se  
ad latus lecti transversum projectit ; in-  
cassum postea bis vel ter ejusdem admini-  
strationem *Pharmacopola* moliente.

Die Lunæ ab omnibus potulentis qui-  
buscunque penitus abhorrescebat, sed sine  
delirio.

Hoc die mittebantur sanguinis ȝ xii.

Die Martis emeticum è *Tart: Emet: gr. iv.*  
in Bolo, at ægre & cum magna averfatio-  
ne sumpfit, quod strenue operebatur.

Hoc die ad illum post meridiem accer-  
sebar, quem atrocissimis paroxysmis con-  
vulsivis agitatum reperi.

Eorum intervallis, uti etiam sub eorum  
primo introitu satis animo constabat, omnes  
quotquot cū circumstabant seriò monens, ne  
ad eum nimis prope accederent. Iis autem  
ingravescientibus sermo ejus delirus & in-  
concius fuit, & demoniacum agere vi-  
debatur.

Organa respirationis, & deglutitionis  
præ cæteris partibus eminentius, & cre-  
brius

brius afficiebantur, ita ut nunc suffocationibus, nunc inanibus deglutitionis nixibus corripiebatur, simili plane modo ac in casu cuiusdam Hydrophobici referente Domino *Abrah: de la prime Pilos: Trans: n. 277. p. 1076.* & in casu alterius referente Domino *Joh: Clayton, Philos: Trans: n. 210. p. 132.* in quibus utrisque omnem prorsus aquæ metum ab fuisse, & iis solum diglutiendi & respirandi difficultatem (musculis earum usibus præfixis male affectis) accidisse legimus. Cæteri corporis musculi paroxysmatim afficiebantur, & accessionum tempore frequenter adeo valide convellebantur, ut illum in seipsum mire quasi in globum convolvi conspexerim, & tanta vi, à muscularum Antagonistarum actione, tam rapido motu corpus ejus, & artus in positionem contrariam detorquentium adigi, ut non obstante quatuor hominum robustissimorum eum in sedili affixum detinere conantium renisu, ad septem pedum distantiam versus ostium cubilis profiliret, idque summo pedum impetu feriret.

Os suum in eos ad eum detinendum & regendum constitutos in paroxysmis aliquando iracunde admovebat, ac si illos canis instar dentibus peteret, at nihilominus ab omni morstu, rationis momentis morbi violentiæ præponderantibus, caute fese coercebatur, nisi quod semel præ summa morbi

morbi violentia omnis animi libertatem vincente ancillæ pollucem momorderit, cui (ut id hic obiter notem) nihil accidisse mali quantum interrogatione sæpius facta assequi potuerim accidisse audivi hactenus.

Frequenter notavi caput ejus versus partem dextram, ubi læsus fuit à cane, fuisse convulsum, in qua è cicatrice satis insigni exstigit morsus vestigium, adeo autem ab omni dolore liberum, ut plane istius morsus oblitus esset, prius quam à disquisitione à me facta, nunquid, aliquid tale accidisset, istius recordatione animum ejus refri-  
casse. Tantilli est signum illud præ cæteris pathagnomonicum & individuum à Cl:  
*L: Salio* (referente *D. D. Lister*) (ni for-  
fan sub ejus censu, doloris (*viz.*) parte o-  
lim morsa subnati, stupor à me supra no-  
tatus habeatur) recensitum.

Pulsus frequens erat, at ille neutiquam sitibundus.

Liquidorum qualiscunque consistentiæ fuerunt, num crassioris vel tenuioris, omne genus aliquantulum averrabatur, & eorum conspectum non sine notabili animi com-  
motione, & fastidio sustinuit; Non autem usque adeo ea abhorrebat, quin cum illi eorum usum prodesse, modo ea intus ad-  
mitteret, innuerem, ad id se paratissimum esse respondebat, & proinde vitrum liquo-  
re appropriato repletum suis manibus te-  
nens

nens, & idem celeriter ori suo porrigens portionem ejus aliquam per gulam licet timide, & non sine lucta satis-manifesta transmittebat.

Circa h. nocturnam 12, postquam panis tosti, & cervisia madefacti immensam quantitatem, nec tamen ad appetitus sui satietatem, avidissime devorasset, absque ulla fere agonizatione, viribus ejus à violentia & frequentia convulsionum sensim deficientibus, moriebatur.

Huic perinde ac plerisque aliis venenosæ indolis, & profapiæ morbis accidit, ut præ ratione veneni quo inficiunt gradu, magis vel minus hominibus iis correptis evadunt exitiales.

Novi ubi morsus canis rabidi cucurbitularum solum applicatione absque scarificatione, & postea *Theriac: Andr:* in alutam extensæ super vulnus impositione, meo consilio, vulnerato nullam omnino noxam intulit.

Novi etiam ubi morsus, etiamsi magno vulnere infictus, imo forsan vel ob istam præcipuo rationem à multis jam annis insons & innoxius extitit; Admodum enim probabile juxta Doctiss: Redi Observationem in Viperarum morsibus a Sanguine, ubi vulnus satis profundum extitisse contigit, exilienti, foras elotum fuisse venenum, etiamsi nullo alio quam qui aliis ordinario vulneribus familiaris est,

in

in hoc tractando apparatu uteretur Chirurgus.

Alibi morsus hujus venenosus labem mitius, & leviori gradu aspersam fuisse legimus ex Observatione *Abel Rosci in Fabric: Hildan: Obs: 66.* qui feminam à cane rabido morsam, & plurima eorum quæ affectum hunc insequi solent, symptomata cum variis eorum recidivis subiisset, nihilo minus aquæ pavoris prorsus immunem vidit & tractavit.

Aliquantulum adhuc magis veneni hujus vim proiectam cernere est in casu à Cl: Viro *Jo: Sclimido relato Msc: Cur: An: 10. Obs: 20.* ubi levis quædam hydrophobia, morsum insequebatur quibusdam intervallis; ubi scilicet adeo debilis erat veneni vis, ut naturam velitationibus solum semel quotannis morborum recidivantium more laceffere, non unico prælio commissio vincere valebat.

Adeo demum morsus hujus venenum aliquando intensum, & exaltatum est proportione gradus, quo rabiit ipse primum canis, uti de Tarantularum morsu refert, Cl: *Baglivus, in Dissertat: de Anatome & morsu Tarantulæ, cap: 5.* ut ab ejus infectione in corporis admissa, multo sæviora & citius sobolescunt symptomata, aquæ pavorem, qui illis continuo adeat quoties ulla omnino aquæ, vel aliorum liquidorum aliquo

aliquo modo idea læforum animo occurrerit, uti in ægro nostro accidit, usque ad mortem comitantia.

Num autem huic affectui, cum ad hunc gradum evectum est venenum (nam id sæpe in minori gradu adesse plane evicimus) solum competit hoc symptomata, quasi ejus pathognomonicum, altioris indaginis esse videtur, cum plurimi iisque haud infimæ classis Autores sunt, qui idem quibusdam febribus indolis malignæ supervenisse asserant.

Ex horum numero sunt *Pet: Borel: Obs: lib: 3. Obs: 38. Eust: Rud: de Morb: Venen: p. 126.* & ex ejus relatione *Prosp: Alp: Abr: Merclin: etiam Misc: Cur: An. 16. Obs: 220.* ubi *Petr: Salium,* & alios eidem sententiæ, ex historia facti fidem facientes (eo referente) videre est.

Num casibus ab iis citatis suspicari jure possit, Symptoma vel a morsu canino prius forsitan obliito iis inflecto accidisse, vel a Parentibus suis olim eodem morbo correptis transmissum fuisse, fateor me nescire; Interea autem haud difficilius mihi intellectu videtur, ut à duabus causis diversis idem producatur effectus, quam quod duorum effectuum à causis diversis oriundorum fiat sanatio ab uno eodemque remedio, cuius tamen instantiam satis claram habemus in convolutionis cujusdam specie, viz. Artuum inquietudine à Cl: *Horstio,* & aliis traditam, quam

quam æque à chorea seu saltatione in *St. Viti* facello (debito interea reservato Sanctæ honore & reverentia) ad modulamen organi, tunc temporis eo fine pulsati, composita sanari, ac convulsiones Tarantulæ morfu excitatæ, a citharistarum musica, prout incantamento, in Italiæ quibusdam regionibus plane abigi nobis ab Autoribus fide dignis perhibentur.

Plurimi in veræ hujus symptomatis cauſæ investigatione inter veteres, (quorum apud *Eust: Rudium & Codronchum*, qui ultimus librum integrum, & ex professo de hoc affectu scripsit, recensio extat) pari æque successu, ac de ejus curatione, cum semel invasit hydrophobia, solliciti fuerunt.

Hujus præcavendi gratia præ cæteris remediis obtinuisse consuevere ustulationes, juxta sententiam Cl: *Hildani* profunde satis factæ, (quarum etiam escharis separatio, quo citius procurari possit eo melius,) & submersiones aqua frigida, præcipuo marina, eo quod nonnulli ex eorum usu incolumes vixisse reperti sunt. Veruntamen quoad hanc ultimam, cum alii post morsum, rabiei expertes citra ullam submersionem, uti prius annotavimus vixerunt, & alii postquam eam subierunt rabie hac affecti sunt, merito mecum dubito, num in hoc luctuoso symptomate efficaciam suam semper, & ubique exferat. Huic pluri-

plurimum attribuerunt *Helmontius*, tum Pater, tum Filius, (Viri proculdubio haud vulgaris ingenii) utpote non solum ad hoc luctuosum affectum præcavendum imo & sanandum, verum etiam ad Amentias omnes cuivis causæ externæ originem suam debentes, modo ita peragatur, ut vi satis magna adacti, qui eam subituri sunt, intra aquam, quoisque pene suffocentur, submersi detineantur.

Hujus autem effectus explicationem nihil minus quam causam hujus morbi ab iis assignatam, utpote principio suo solo *Aqua-igneo*, tenui admodum tibicine sufful- tam, omnino rejiciendam esse existimo.

Alterutro horum elementorum prædominium præ altero adepto morborum omnium rationem consistere Viri illi clarissimi asserunt, & proinde uti Ignis hujus vitalis inflammatione rabiem fundari, ita ab istius inflammationis extinctione à dimersione sub Aquis facta penitus eam tolli credunt.

Principium hoc diu ante à celeberrimo Hispano *Gometio Pereira*, in libro de Novæ veræque Medicinæ experimentis, &c. exco-  
gitatū erat ad alias haud minores in Physica scientia Paradoxas explicandas, quomodo autem absque intuitivæ, seu abstractæ (uti vocant) tum unius, tū alterius (nam utrique de hac magnopere se jactabant, & similiter etiam ut par est credere sapiebant) scientiæ beneficio

beneficio intelligi possint, mihi sane vix innotescit.

Quantum sane ad me attinet, si in re adeo abstrusa aliquid proferre ausim, hoc morbo correptis ob convulsiones muscularum diglutitioni inservientium, (quas revera iis accidere ex canum ipsorum, hoc affectu laborantium ad lambendum multo minus diglutiendum impotentia, ut in observatione à Domino *Clayton* societati Regali communicata, ut supra notatum est facile nobis constet,) & internam tunc temporis febrilis caloris accensionem, semper præfocationis metum adesse persuasum habeo, ita ut cujuscunque rei, vel fluidæ, vel solidæ appulsum, utpote partium respirationi dicatarum cavitatem pertransituræ, & ita aeris ingressum impedituræ, etiam vel aeris confortiorem introitum (uti ex Obs: alia *Petr: Borel: lib: I. obs: 74.* & aliorum à me supra recensitorum appareat,) magnopere reformident, & vel ab aliqua istius generis imaginatione penitus abhorreant.

Quantum spectat ad submersionem ipsam, & rationem qua ab hoc morbo sanantur aqua submersi; utpote eam revera maxime præ cæteris omnibus in hoc affectu efficacem, modo juxta præceptum Helmontianum satis strenuo peragatur, (quod idem ut supra notatum est, præcipit *Cl: Hildanus* de inustione cuius escharæ discessus

omni arte accellerari debet) aliter enim parum unquam prodesse probabile est ut diro miserandoque ægroti nostri casu constet; ille enim in reditu suo per mare, facto naufragio, aquas nando trajecit spatio trium ad minimum milliarium, multoties interea opprimentibus undis submersus priusquam ad littus pervenerit, tum in eo præcavendo, tum postquam accesserit, profligando existimem; ita etiam benignum optatissimumque ejus eventum nulla alia prorsus ratione contingere credo, quam propter eximiam illam spirituum & humorum mutationem, quam renitente & averfante natura producit subita & invita in aquam prejectio; cui revera producendæ eam aptam natam esse satis ostendit Instantia nobis data à Cl: G: Hogeri, Misc: Cur: An: 16. Obs: 48, ubi in classe *Danica* plurimi febre admodum maligna correpti magnopere delirabant, ita ut maxime se dare in mare præcepites contenderent, quorum quotquot, spreta eorum qui eos custodiabant potestate in undas se præcipitassent, & postea ex iis erepti servati essent, ab omni morbo liberi statim evadebant, cæteris è contrario in sicco pereuntibus.

Magni facit in hoc affectu profligando vomitiones frequenter repetitas Dominus Clayton loco supra citato, quibus se plures liberasse, & quo nomine quam lubentissime

illi gratulor; obiter autem interea me no-  
tasse contigit, virum illum quem ille se fa-  
nasse retulit, symptomate hoc funesto Hy-  
drophobia (*viz.*) quantum saltem scrip-  
tis suis patet, correptum non fuisse.

Quoad medicamentorum specificorum  
genera, quorum operationis modus æque  
animi nostri, ac morborum quibus me-  
dentur causæ aciem fugit, eorum copia  
ingens extat in *Act: Philosoph:* n. 187.  
p. 298. n. 191. p. 408. & *Act: Haffin:*  
*Vol: 2.* p. 275. ad quæ, cum nulla egomet  
adhuc satis pro comperto habeam, quo-  
rum efficaciam in symptomate hoc pro-  
fligando spondere audeam, lectorem lu-  
bens mittere vellem; sperans me, aliqua  
saltem ex parte meo satisfecisse officio  
in morbi neutiquam nisi infrequentia sua  
mortalibus faventi, historiam fideliter, eti-  
amsi minus accurate fateor quam fieri de-  
buisset, narrando.

## OBSERVATIO XXVI.

*De Asthmate, vulgo Pulmonali dicto.*

**F**oemina quædam, 36 plus minus annos nata, optima fruens, tum corporis tum animi valetudine, tussi quam comitabatur continua sputi tenuis rejectio, per dies 15 vel 16 corripiebatur. Per totum hoc spatium tempestas anni æstuosissima erat, quæ statim novo suborto aeris statu, in nubilosam undique & pluviosam præceps vertebatur.

Cum hoc novi cœli status ingressu, ægram invasit paroxysmus Asthmaticus, ita ut jam omni prorsus suppressa sputatione respiratione adeo difficulti laborabat, ut non nisi erecta cervice, & ope musculorum omnium pectoris dilatationi sublimiori inservientium duceret anhelitum.

Hisce angustiis posita, cum quarto ab hinc lapide tunc temporis commoraretur, proprio suo consilio celebrabatur venæfæctio ad uncias decem, cuius & aliquorum etiam medicamentorum Pectoralium usu, se à periculoso hoc affectu liberabat.

Excusso igitur paroxysmo rediit tussis, cum sputatione, ut antea; unde mihi verisimili videtur eundem humorum, qui dum

dum pulmonibus infidebat, tussim provo-  
casset, alio translatus ibi effectum suum,  
juxta partis indolem (*viz.*) Nervos pneu-  
monicos, eos in convulsivos motus irritan-  
do exeruisse. Spatio autem unius septi-  
manæ cessanti sputatione de novo recrude-  
scet morbus, idque solito ferocius; de-  
nuo missò autem sanguine, & in usum eti-  
am ascitis medicamentis pectoralibus pluri-  
mum relevabatur ægra; cum autem intra  
tres vel quatuor horas recidivam pateretur,  
me statim accersiri curavit.

Interrogata illa, num ex aliqua occasione  
natum hunc affectum memoria repeteret, e-  
tiam respondit, ab ingenti pluviae copia in  
se itinerantem inopinato irruenti, quoni-  
am illius tum primum insultum pateretur.  
præcurrentibus semper, uti retulit, cepha-  
lalgia, tussi, calore & frigore quæ mutuo  
se invicem per vices, (uti frequenter affecti-  
bus spiritus animales spectantibus accidit,) per  
dies aliquot præcedaneos excipere so-  
lebant.

Primo meo adventu eam extra paroxys-  
mum reperi, erecto corpore ob difficilio-  
rem respirationem, cum tussi autem licet  
humidiori & benigniori aliquantulum con-  
flictantem.

Sanguis denuo priusquam illuc appulisset  
ad uncias duodecim missus fuerat, & clyster  
etiam injectus; urina palida erat, cum

autem arteriam fortiter vibrantem, & vires fatis constantes, (licet parum per totum haec tenus morbi decursum comedisset,) animadverterim, sanguinis incunctanter uncias duodecim extrahi curavi, unde longe liberior sequuta est respiratio; imo cum primum ad V. S. ægrota se accingeret, se stricti anhelitus remissionem eximiam persentiscere dicebat, spe solum (quantum fert conjectura) nec vana concepta, ejusmodi, ac ante ex aliis venæfectionibus, insequuti levaminis.

Post missum sanguinem longe melius se habuit; & cum jam nil multum urgenteret, nisi portio quædam phlegmatis viscidioris intra bronchia pulmonum laxe pendentis collectio, nullo sane respirationis impedimento, istius causa usum *Olei Lini* recenter, absque igne eliciti è cochleari, ter vel quater in die leniter, & sensim diglutiendum, prout sibi necesse videatur, consului, unde quicquid illic adhæserit, eam libere fatis postea per anacatharsin rejecisse observavi. Dictam ex hordeaceis, vel lactis una parte & aquæ tripla ad medietatem cocta, & aliquando ex juscule pulli teneroris concessi. Post biduum ex literis mihi transmissis illam omnis fere respirationis immunem esse rescivi, sputatione libere procedente; cum autem de inappetentia quereretur, *Decat:*

coct: Amar: S. S. 3 iii. cum Aq: Gent: c:  
 3 vi. pro haustu, mane & h. 5. p. quotidie  
 sumendum præscripsi. Hujus beneficio re-  
 dintegrato appetitu, egra post aliquot dies se  
 extra periculum ponit, quantum illa judican-  
 do valeret, me per literas fecit certiorem. Die  
 autē post literas receptas illam invisens, de-  
 nū sanguinis missionem suasi, indicantibus  
 id pulsu citationi adhuc, & sanguinis conditi-  
 one, qui pellicula tenaci & discolori instar  
 pleuriticorum dum refrigericeret, semper te-  
 gebatur. Post hanc V. sectionem omnis exu-  
 labat pectoris angustia & tussis, persisten-  
 te autem sputatione ita copiosa, ut eorum  
 instar fere qui hydrargo liti fuerant,  
 salivam, nisi quod aliquantulum spumosi-  
 or & tenuior erat, effuderit, imo aiebat nu-  
 per sibi sputationis accessionem (nam per  
 vices recurrebat) tam profusam contigif-  
 se, ut intra quinque vel sex horarum spa-  
 tium matulam eadem implevisset, & quoad  
 tussim & respirationem se semper magnopere  
 exinde levatam sensisset: Unde facile  
 colligere possumus hic humorum *metastasis*  
 accidisse, & prout ad distinctas corporis par-  
 tes affluxissent, distincta produxisse sym-  
 mata.

Similem hujus instantiam habemus nar-  
 rante Cl: Henrico Moinichen in *Act: Medic:*  
 & *Philos: Haffniens: An. 1671, & 1672.*  
*Obs: 78.* quam cum non parum ad hujus

affectus dilucidationem conferre videatur,  
huc transferre haud abs re esse videatur,  
*An. 1672. 10. Febr.* vocatus sum ad C. S.  
gravi Cardialgia pressum, cum insigni re-  
spirationis difficultate, ac per molesto ven-  
triculi sensu, addidit videri sibi mobile  
quid in Ventriculo oberrare varia circum-  
volutione ultra medium œsophagum crebro  
ascendens, quod respirationem jamjam in-  
tercepturum videbatur. Motum naturæ ex-  
aminans, vomitionem statim exhibui ex  
Oxymelle simplici ac squillitico unde per  
repetitos vomitus magnam quantitatatem mi-  
re gravis pituitæ rejiciens æger, statim li-  
berius respirari occepit, & à tristi illo ven-  
triculi sensu liberari, sponte per triduum  
succedente copiosissimo ptyalismo, ac si mer-  
curialibus usus, postea ventriculo iterum  
corroberato satis recte valuit.

Rebus igitur ita se habentibus, nil amplius agendum videbatur, quam quod leniter humores serofos & acidos quibus turgere videbatur sanguis, per glandulas intestinales deorsum solicitarem, medicamentis non nimis irritantibus, vel agitationem sanguini inducentibus, hujusmodi, (*viz.*) Rx Decoct: Amar: cum Sennæ 3 ii ℥. præp: 3 iv. Syr: de Spir: cerv: 3 ℥. Ms. f. Potio, mane seq: cum regimine sumenda.

Sexies benigne operebatur, unde alacri-  
or longe reddebat, diminuta sputatione,  
&

& penitus ceflante lateris sinistri dolore qui pridie illam, si forte tussis urgeret, plurimum excruciasset.

Cum autem anhelitum adhuc crebriorem & aliquantulum impeditum præcipue inter ambulandum, etiamsi intra cubile solum, motu leni & neutiquam laborioso, sputum etiam coctū, & nulla fere difficultate rejectū observaveram, mixturam sequentem nervosum genus solum respicientem, præcipue cum frigidæ humidæq; constitutionis erat, continuato etiam Decoct: pectoralis usu, ut prius præscripsi, & *Aq: Meliss: Rutæ an. 3 iii. Bryon: c: Peon: c: an. 3 vi. Sp: c:c: gr. xxx. Tinæt: Cast: gr. xx. Sach: alb: q. f. f. Julap: Cordiale, de quo sumat c: 3. vel 4. frequenter. & Sp: Sal: Arm: 3 fl. sumat gr. xxv. in haustu aq: f. tertia quaque h. vel ad libitum.*

Horum usu, & Purgatione ter debit is intervallis repetita, indies diminuebatur dyspnea, expectoratione libera procurata, & ægra spatio duarum septimanarum penitus convalescente.

Postea autem securior quam convenerat facta, cum aeri aprico diutius quam debuisset, præsertim sub vesperam se commississet, statim cohibita propter pororum constipationem transpiratione, dolore lateris de novo corripiebatur, sponte sua ceflante, regimine solum calidiori observata.

## O B S E R V A T I O   XXVII.

*De Asthmate, vulgo convulsivo dicto.*

Quædam sexagenaria habitus gracilis, at integra & inconcussa adhuc gaudens valetudine, audita cujusdam quem intime dilexerat morte repentina, tanto animi dolore correpta est, ut statim in uteri strangulationem, ut aiunt, cum gutturis præfocatione incideret. Post aliquot spatiū dierum ei molestissimo hoc symptomate agitatæ supervenit sudor nocturnus adeo profusus, ut singulis noctibus indusium commutare cogeretur. Hunc excepit urinæ fluxus pariter immodicus, ac si diabete laborasset, & hæc duo symptomata alternatim illam affiebant, unum nocte, alterū interdiu per aliquot dies, donec tandem deficiente sudore urinæ fluxus solum perduraret. Post 5 vel 6 septimanas symptomatis his cessantibus, in aliud nihil minus grave incidit, dyspneam (*viz.*) media nocte inopinato eam primo levius aggredientem, cæterum post paucarum noctium decursum in Orthopneam favissimam mutantam, periodice certa quadam hora recurrentem, & ad trium horarum spatiū continuo, paroxysmi more extensam, quo tandem

dem terminato, omnis prorsus pectoris angustiæ, etiam dum ambularet, vel exercitia domestica ut olim obiret, immunis evasit.

Diu molestissimi hujus affectus insultum nullo omnino, vel appetitus, vel somni, nisi instantे paroxysmo, defectu, non autem absque magna virium debilitate sustinuit. Nulla omnino aderant huic affectui tussis à principio, nec aliqua febricitatio, vel in paroxysmo, à cuius invasione usque ad ejus exitum ægra sudore frigidissimo diffluebat. Comitabatur etiam truculentissimum hunc affectum dolor ingens gravativus regionem ventriculi infestans, ac si pondus inibi gravè sustineret, & ejus absentia sensus divulsarum partium Abdominis superiorum ab inferioribus à se invicem, intercapedine inani quasi in medio relicta, quoad ejus perceptionem disterminatarum.

Raro, ut prius notatum est, tussiendi conatu urgebatur, quod si forte id contigisset, phlegmatis viscidi ascensum in superiorem asperæ arteriæ partem percepit, quod utcunque tamen niteretur, eliminare non valebat.

Primo igitur meo adventu, cum die præcedenti longe atrocius uti retulerunt adstantes quam solebat, ægram infestasset paroxysmus, & eo magis, cum vel extra tempus consuetum me præsente jam eam difficulter spiritum

spiritum ducere, præcipue quoties se de loco in locum, licet gradu maxime suspenso moveret, animadvertissem (explorato prius pulsu, qui ultra quam quispiam facile crederet, emicuit) sanguinis missionem ad  $\frac{3}{4}$  x. consului, etiamsi quinquies, & eadem etiam quantitate antea intra spatum dierum 14 ea peracta fuisset ; qui ejusdem cocci-nei erat coloris ac prius, & post ejus refrigerationem sero abundans, cuius ne guttula quidem in eo, qui prima & secunda vice fuisset extractus apparuisset ; nec mirum, cum ex iis supra notatis fatis liquido constet, sanguinem, ex immodico urinæ fluxu interdiu, & sudoribus profusis noctu maximam laticis sui partem disperdisse.

V. S. insequuta est liberior longe anhe-litus, & nox tranquilla, ægra à paroxysmo, imo omni prorsus respirationis difficultate libera.

Mane sequenti emplastrum vesicatorium amplum inter scapulas apponi curavi, quod adeo efficaciter effectum suum for-tebatur, ut adstantium sententia, ex vesicularum cuticulæ inde enatarum disruptio-ne seri semilibra effluxerit. Enematis injectionem protinus etiam, cum alvus sicca erat, consului, & ejusdem loco (cum ob hemorrhoidum tumores enematum usus minus arridebat) *Mannæ*  $\frac{3}{4}$  i. cum *Tart: Vitr:* 3 i. in Aq. hordei propinari, quoties opus fuisset.

Em-

Emplastrum etiam hystericum umbilico applicandum jussi, & *Sp: Sal: Arm: gut: 60* frequenter in aq: f: q. f. propinari. Hac methodo insistendo integrum septimanam, ab omni asthmatica affectione libera transivit. Die autem ab ultima V. S. octava denuo solito tempore, media (*viz.*) nocte recrudescente affectu, ægra ad V. S. quasi ad facram anchoram, accersito chirurgo se recepit. Hac ad 3 vi. solum celebrata plurimum imminuebatur accessio, placido subsequente somno. Die sequenti pilulas sequentes præscripsi, Rx *Extr: Rud: gr. xv. Calomel: gr. xii. Res Fal: gr. iii. Ms. f. pil: iv. cap. primo mane cum regimine,* & post biduum repeatantur. Quater singulis viciis operebantur, & per hos dies omnis penitus exulabat morbus anhelosus.

Die autem ultimam purgationem sequenti mane aliquantulum velitari cepit hostis, & proxima nocte aperto marte eam petiit, licet breviori paroxysmo.

Jam igitur cum nondum adhuc ullam serosi laticis ad respirationis organa ~~εοπήν~~ contigisse, sanguinis compagmē fractam admodum & debilitatam, morbum periodis certis interstinctum, celebrata etiam copiosa fatis humorum per purgationes varias prægressas evacuatione, animadvertissem, per opportunum corticis Peruvianni exhibitioni tempus adesse ratus, maxi-

me è re ægrotæ judicabam si ejusdem usum imperarem, & proinde absque mora ita exorsus sum. *& Aq: Lact: 3 ii. Bryon: c: Peon: c: an. 3 i. Cort: Peruv: veri & integri subtiliss: pul: 3 i.* Ms. f. Haustus mane & h. 6. p. sumendus quotidie. Ad triduum horum usu perstitit, quo tempore, num propria conjectura, vel quarundam aliarum muliercularum suggestione nescio, cum ad ejus cognitionem pervenerit, statim eum abjecit, ita ut nullis denuo ad cum sumendum vel arte vel precibus adduci voluit; Utcunque fuit, ex levi quo illi indulgebat tempore inducias ad dies decem cum morbo obtinuit, quo transacto die (*viz.*)

*Aug: 17.* cum a nuncio vocatus eam inviserem, & ejus querelam de contractione quadam hypogastrii altius gradatim assurgenti, quoad ejus perceptionem usque dum in pulmonibus, eorum strangulatione inde suborta, terminanti audirem, aliam prorsus methodum paroxysmorū insultibus demulcendis solum inservientē instituere coactus, sequentia præscripsi, *& Aq: Rut & Meliss: an. 3 i. Bryon: c: Peon: c: an. 3 i. Opii colat: gr. i. Syr: fl: Peon: 3 ii.* Ms. f. haustus sub introitu paroxysmi sumendus.

Post meridiem anhelosior ordinario facta est, & ita perstitit ad noctem quo tempore circa h. 11. invadebat eam paroxysmus. Sumpsit haustum uti præscriptum erat, duravit

duravit paroxysmus per horæ unius spatiū fatis violentus, postea autem sensim declinavit, & irrepente somno penitus evanuit.

Die 18. circa horam decubitus ingruente paroxysmo sumpsit haustum sequentem, & Aq: Lact: al: ȝ ii. Bryon: c: ȝ ii. Opii colat: gr. i ȝ. Syr: fl: peon: ȝ ȝ. Tinct: Cast: gr. xii. Ms. Hinc in somnum incident paroxysmo inde prorsus fugato.

Die 19 licet anhelosior ordinario, tamen paroxysmi immunis erat.

Die 20. circa horam 11, metu accessionis futuræ, signis quibusdam ejus adventum præcedere solitis admonita, haustum prædictum sumpsit, cuius ope mitiorem eam longe sentiebat, nullam omnino contingisse credens, modo haustus plus virium (ut suis verbis utar) habuisset.

Die 21. tempore solito, at inopinato, nullo prorsus præeunte signo redibat accessio, diu atrociterque eam affligens, ita ut tardiorem jam paregorici effectum existimans, ad sanguinis missionem confugere coacta est, quæ ad ȝ iv. solum celebrata, immediate opem tulit; cum autem graviter impetu paroxysmi delassata fuerat, profusissimis semper eum comitantibus sudoribus frigidis, & gravi muscularum pectoralium dolore ob continuam vehementemque eorum, sæviente paroxysmo agitationem inducto,

Hauustum

Hauustum sibi propinari velit, cum *Opii* gr. ii. præparatum, quo sumpto statim in somnum placidissimum delapsa est, de repente soluto paroxysmo.

Ab hoc tempore longe melius se habuit ægra, fractis quasi morbi viribus, loco paroxysmi vehementis & diurni invadente solum, licet solito periodorum tempore, anhelitu crebriori & aliquantulum impedito, & uti aiebat profundius, vel ex imo pectore, hoc est proculdubio versus pulmonum undique extremitates, ducto.

Jam etiam quod sedulo notari velim, urina, quæ antea per totum ægroatationis decursum palida & tenuis erat, è nervis excusso morbi fomite, naturalē colorem acquisivit.

Cæterum cum ex morbi tædio admodum imbecillis, & vel cum ejus levissimo insultu conflictari minus potens facta esset, cum etiam in somnum ob succi nutritii inter sudandum jacturam, & inordinatos spirituum animalium motus, minus proclivis esset, hauustum paregoricum aucta etiam *Opii* quantitate præparatum, prout sibi visum fuerat, semel vel bis in septimana sumebat, indies robustior & vegetior facta; cum autem spatio aliquot dierum interjecto, dum ei assidebam, ingentem pulmonum loculis phlegmatis quantitatem hæfisse quoties tussiret, licet id rarissime observasssem, quod etiam ob ejus lentorem & viscida-

tem

tem rejicere non valebat, usum sequentium illi consului, & *Oxymel: simpl:* ʒ ii. sumat cochleatim bis mane, & toties post meridiem, & *Ol: Lini sine igne expressi & per subsidentiam depurati* ʒ ii. sumat c. j. singulis noctibus cubitum itura vel sæpius pro re nata. Pro potu sit *Hydromel*.

Duas hic Lectori oculis subjeci Asthmatis instantias à se invicem, unico præcipue symptomate abludentes (*viz.*) spu-tatione, quæ ob eam essentialiter & omnino inter se, vel in specie discrepare vulgo creduntur, & nomina pariter dissimilia fortita sunt.

Harum una sicca, sympathica, seu convulsiva; altera humida, idiopathicā vel vere pulmonica vulgo vocari solet; cum revera si penitus eas inspiciamus, utrasque unum & eundem esse affectum, quoad causam formalem maxima veritatis specie reperiemus, (nisi sub nomine pulmonici comprehendatur, si quod quoties accidat, ab extraneo vel præternaturali quovis corpore, partibus respirationi dicatis impacto, vel à quovis earum vitio conformatio-nis oriatur, & proinde impropriè ita, seu potius symptomaticum vocari debet) & nullam omnino hic obtinere distinctionem, nisi quam vel causæ occasionalis differentiæ, vel symptomati alicui supervenienti per accidens juxta ægroti temperamentum accep-tam referamus.

Quoad causæ rationem in primo harum casu, satis obvium cuivis patet, illum affectum ab inopinato terrore spiritus animales in motus inordinatos & convulsivos ad genti profluxisse, cuius ultimum tandem insultum sustinebant Pulmones ; & hujus Asthmatis sub nomine **convulsivi**, vel hysterici, vel flatulenti ubique fere instantiis scatent Authores, inde sententiam suam fundantes, quod hac asthmatis specie correpti nihil omnino exspuant, & in cadaverum sectionibus hoc morbo defunctis semper insontes reperiiri solent Pulmones, & quod causa eadem aliquando affectus alios nervis proprios producit, cuius instantia datur insignis in *Misc: Cur: An: 7. Dec: 2. Obs: 133.* ubi se alternis vici bus excipiebant Asthma & Artuum convulsiones.

Horum autem ita afferentium observationes non omni ex parte ex historia medica veras & constantes reperiemus ; Aliquando enim iis hac asthmatis specie affectis contrarium plane contigisse reperiemus, nimirum, ut æquè copiose, ac in altera specie humida vulgo dicta, parique etiam felici forte, cum instantaneo (*viz.*) dyspnææ, quo semel sputatio incepit, recessu, uti ex Observatione 88. *Misc: Cur: Decur: 3. An: 3.* attestante Cl: Sam: Ambornio facile lectori constet.

Post

Post diutinas enim cujuscunque fere generis convulsiones, nobilem quandam invasit Asthma adeo siccum ut fauces exarescentes liquidis jugiter humectare coacta esset, quod tandem uberi prorumpente salivæ rivo se subduxit, rursumque ex ejus recessu cruduit, eadem ad aliquot inter diversos eos affectus vices facta reciprocatione; Nec huic prorsus dissimilem habemus instantiam in fœmina quadam asthmate convulsivo laboranti, cuius nobis exhibuit Cl: *Foyer* descriptionem *in eximio tractatu suo de hoc morbo*, p. 27. cui aliquando adfuerit sputatio aliquando non.

Quoad alteram, illam, æque obvium est à frigore suscepto provenisse, unde ob transpirationem impeditam, maxima exorta est humorum seroforum in massa sanguinea redundantia, qui postea in partes nervosas effusi, ob acrimoniam suam symptomata præcurrentia in affectu istius historia prius recensita peperere, tandem in paris vagi ramos qui pulmonum vesiculas aeras circumretiunt decidui, eos stimulis suis in contractiones urgentes, & proinde aeris transitū in vesiculos satis liberū & copiosum impedientes, accessionem Asthmaticam induxere, non prius desinentem, quam artis medicæ beneficio restituta est naturalis vesicularum expansio & constrictio. Huic Asthamati adjungit se solum sæpenumero

tussis humida ante, & post paroxysmum,  
 pariter & profusa sputatio (aliquando au-  
 tem non) unde ut supra annotatur, eam  
 speciem Asthmatis nomine humidi, &  
 pneumonici communiter insigniverunt, ac si  
 ortum suum duceret à sero copiose pulmo-  
 num vesiculas inundanti; cum nihilominus  
 luce meridiana clarius apparet, ejusdem  
 fluxū vel decuplo majorē a frigore suborto  
 excitatum & in pulmones suffusum, affectū  
 istum nunquam produxisse. Imo nihil fre-  
 quentiū occurrit in praxi quam Asthmatis  
 per urinæ vel alvi profluviū judicationem,  
 & aliquando ob suppressam deorsum vacua-  
 tionem, eodem fere momento, nullo prorsus  
 quo depluant serosi humores intra pectoris  
 cavitatem concessò spatio, subnasci eun-  
 dem affectum; uti Observatione proxi-  
 ma constabit, in viro graviter hoc mor-  
 bo affecto, tandem ejus violentia ex-  
 tincto, & postea dissec̄to, nulla omnino  
 tussi, vel materiæ cujusvis rejectione per  
 anaeratharsin comitante, quod fieri non  
 potuit si humores illi in pulmonum lo-  
 culos depluendo istum affectum pro-  
 duxisserent. Verum est paroxysmorum in-  
 tervallo ingentem non raro seroforum hu-  
 morum affluxum per glandulas maxilla-  
 res & sublinguales (ut in casu priori ubi  
 fœmina Asthmate humido (sic dicto) la-  
 borabat, annotatum est, accidere, partim  
 ob

ob nimis sanguinis relaxatam ex seri redundantia compaginem, & partim ob ejusdem seri acrimoniam fibrillas nervosas per substantiam glandularum disseminatas invadentes, & eas in contractiones stimulantem, unde sanguis in suo per vasa reductoria circuitu magnopere impeditus, majorem longe per eorum vasa excretoria solito copiam serositatum sub tenui saliva forma profundere aptus natus est. Talem sanguinis constitutionem salinam claris satis indiciis, in casu isto proposito, Pulmones, mediantibus solum nervis afficere videmus, exuberantia ejus alibi, è glandulis (*viz.*) oris, saltem maxima ex parte, non iis pulmonum seu tracheæ prodeunte: Porro etiam, hic annotare licet similem nonnunquam sanguinis statum à spirituum animalium crassi fracta produci, & quamdiu exitui serositatum per alia corporis emunctoria transitus, (*viz.*) per glandulas cutaneas, & renales concedatur nullo modo nervos affici, vel pulmones: hujus assertionis instantiam satis insignem in Observatione præcedanea habemus (*viz.*) 26<sup>a</sup>. dum enim laborabat ægra diabete, vel sudoribus nocturnis, immunis profus erat Asthmatis, postea autem cum non diutius per glandulas secretionibus prædictis dicatas transitum invenerunt serositates, nervos pulmonum subintrantes

asthmaticam omni absque tussi, vel etiam sputatione affectionem producebant.

Clarius adhuc hujus assertionis elucescentem videbimus veritatem in casu proxime enarrando, ubi (*viz.*) à crassi sanguinis degeneri, quasi causa remota, postea ab humoribus occasionaliter in orgasmum excitatis, & tandem ab una parte ad aliam translatis, originem suam Asthma ducebant, nulla tamen omnino, ut supra innui vel tussi, vel sputo apparente.

Id quod hactenus pluribus imposuisse & falsum pro vero obtrusisse probabilius mihi videtur, est, quod cum post mortem Asthmaticorum, eorum cadaveribus frequenter magnam aquarum molem in pectore reperissent, statim similis aquæ portionem aliquam pulmones inundantem, & earum vesiculos adimplentem pro causa proxima asthmatis statuerunt; cum tamen illam frequenter nullum omnino cum pulmonibus commercium habuisse (*i.e.*) primario seu in primo suo ortu, & proinde ex illa non prius affectos fuisse pulmones liquido satis constet, quam in molem adeo immensam accreverat, ut præ istius copia jam causæ fixæ & solitariæ rationem habenti spatiū satis expansioni liberum non obtinuerunt. Hinc causa vera petenda est, proculdubio quod pectoris hydropem in fœminæ cujusdam corpore quod dissecui nullo,

lo, dum in vivis, asthmate affectæ reperifsem, cuius casus inter sequentes aliquot alios recensebitur, & cui similem videre est in *Bonet: Sepulch:* p. 420. & *Eph: Germ: An: 3. Dec: 3.* p. 248.

Sunt qui Asthmatis causam antecedentem in cacochymia sanguinis serosa febri Ephemeræ associata, & in fibrarum nervarum per membranos pulmonum externas & internas distributarum inflatione, causam formalem ponunt, in quotum numero habemus egregium virum D:D: *Foyer* in libro supra notato de Asthmate.

Quoad primam hujus hypotheseos partem, cum febrem eam (licet aliquando revera adesse potest) non raro à motu spirituum animalium inordinato contigisse, & aliquando omnino abfuisse viderim, haud eam cum Cl: illo Viro semper, & necessario requiri, ad istum affectum producendum existimo; Satis mihi videtur, si ob aliquam sanguinis, vel humorum dyscrasiam, labes aliqua particularis, vel per nervos respirationis organis inservientes prius forsitan debiles & ad eam recipiendam prædispositos irruens, intra cerebrum spiritibus animalibus se immiscendo, eos in motus irregulares convulsiones producentes adigat; vel primo suo appulsi, quamprimum è sanguine per glandularum ductus ubique per bronchia pulmonum disseminatas fecer-

ni contingat, teneras sensilesque membranarum pulmonalium fibrillas adoriendo, eas non pungendo, vellicando, vel quovis modo quoad qualitates sensibiles irritando (nam ita exoriretur tussis quæ semper fere abest) quin potius instar fumi seu halitus virosi è cryptis subterraneis erumpentis intra pulmones admissa, fibras eorum in statu constrictioñis urgeat, detineatque, usque dum ex aeris attritu, vel caloris interni beneficio difflata, liberæ aeris reciprocationi intra loculos pulmonum denuo locus satis amplius concedatur. Semel enim, animum meum subit, juvenem quendam, qui dum cellarum ubi cervisiae novellæ quantitas in statu fermentationis inibi reponeretur, & vasibus amplis apertis adhuc despumationi relinquenter, ingrederetur, sub primo fere ejus introitu adeo suffocationi proximum fuisse, ut non absque aliorum ope ex eo emigrare valesret, & postquam in aerem apricum eruptus prodiret, diu tussis omnis expers, ac si omnia (uti aiebat) intra pectus coarctarentur, mansit anhelosus,

Quantum ad fibrarum distentionem, ad mentem præfati Clariss: Viri. Si ita res in hoc affectu se haberet, necessario sequeretur (ita enim evenire, si causæ istius modus agendi juxta liges mechanicæ perpendatur haud obscure patet,) difficilior longe expiratio, quam

quam inspiratio, cui tamen plane contrarium contingere in paroxysmis Asthmaticis cernimus. Non quod impossibile, sit talem difficultis respirationis causam, licet ab illa à Cl: Viro assignata longe diversam, contingere, cum scilicet vel flatus crassiores vesiculas pulmonum ultravim suam restitutivam distendant, vel musculi pectoris dilatationi ministrantes in suis contractionibus convulsivis supra modum detineantur; cum autem raro vel nunquam ita accidisse, vel vidimus, vel legimus, nullo prorsus jure illam pro causa in hoc affectu ordinario admittere tenemur.

Porro ignoscat mihi Doctiss: præfatus Vir, si conceptus suos de respirationis effectu, & usu, in Præfatione ad librum supra memoratum expressos, (ubi sanguinis propter causas ibi assignatas, per integrum inspirationis unius spatium per pulmones circulationem, intermitti asserat) hoc solum nomine minus liberè amplexus fuerim, quod eos experientiæ respondentes non invenerim. Diu enim est, ex quo primum Cl: D: D: *Hook*, orta inter doctos controversia, num motus præcipue pulmonum, vel simplex aeris recentis ingressus magis ad vitam & sanguinis circulationem per pulmones conduceret, experimentum fatis efficax & idoneum ad litem illam dirimendam excogitavit, quod videlicet *Philosoph: Trans: An:*

1665. p. 539. Idem, cum circa vivisectiones ad quorundam aliorum Φαινομένων explicationem institutas versarer, (alio licet & aliquantulum diverso machinarum apparatus,) loco (*viz.*) folium primi, vesica bulbula admodum ampla, & capaci tubulo instructa, & ad Trachæam adaptata usus sum, quam, per agitationē seu exsufflationem secundi, aere distentam, quamdiu voluerim, conservavi, ter vel quater pari utique eventu expertus sum. Quamdiu enim vesica aeris plena persttit, & consequenter pulmones eo etiam replerentur, quanquam prorsus immotos libere satis eos pertransivit sanguis, neutiquam deficiente canis vigore, qui statim, quamprimum (*viz.*) detumuerit vesica, quasi exanimis jacuit, negata aeris recentis intromissione; imo etiamsi tunc temporis, subsidentibus prorsus pulmonibus, aperita prope ad ventriculum sinistrum arteria magna, ex ea vel pleno rivo effluxerit sanguis per aliquod temporis spatium more salienti, postea autem languescente cordis pulsū, æquali prorsus tenore.

Pro hoc motu pulmonum, utpote ad sanguinis per eos circulationem absolvendam quodammodo necessario, aliquantulum facere ridetur experimentum à Cl: Viro D: D: *Musgrave*, in cane peractum *Philos: Trans:* n: 240. p: 178. de cuius veritate uti Doctiss: istius Viri neutiquam dubitare me patitur integras

tegritas, ita etiam alicui aliæ præter pulmo-  
num reciprocationum defectum ascribi de-  
bere, me credere coget ejusdem experimen-  
ti à me non semel coram quibusdam, iis-  
que harum rerum haud imperitis, cum om-  
ni fideliter exhibita circumspectione repe-  
titi contrarius prorsus eventus.

Ne autem, (ut ad ea quæ affectum ipsum  
proprius tangunt, regrediar,) credat quispi-  
am, me nullam omnino in hoc morbo feri  
in pulmonem exfudationem fieri existi-  
mare, cum plane constet, ægrotos post  
excussum paroxysmum, portionem ejus  
non exiguam rejicere, idque cum bene-  
ficio; hoc solum contendeo, id quod  
rejici videmus non semper prius exti-  
tisse, verum ob sanguinis circuitum impe-  
ditum ibi deponi, pro maxima saltem par-  
te, & eo nomine paroxysmum infestio-  
rem longe reddere, & ab ejus rejectio-  
ne postea longe faciliorem evadere respi-  
rationem; cuius ulteriori confirmationi  
quam maxime facit, *Obs: Carol: Rayger:  
Misc: Cur: An: 3. Decur: 3. Obs: 137.*  
licet Cl: Vir causam pro effectu habens, id  
non animadvertisse per incuriam videatur. I-  
bi juxta humoris peccantis metastasis, nunc  
urgebat Asthma, nunc Epilepsia: in cor-  
pore post mortem dissecto repertæ sunt in  
pectoris uno latere Aq: ℥ v. quam Cl: Vir  
utriusque affectionis causam existimat, quæ

si revera ita esset, vel continua perstisset  
Asthma, vel aqua de uno loco in alium  
per vices transmigrasset; primum contra ex-  
perimentam est, alterum impossibile.

Unicum tandem submonebo pro senten-  
tiæ veritate stabilienda, quam nullis aliis  
argumentis nisi quæ ab experientia ducun-  
tur, vel amplexus sum, vel fovi, nullis scilicet  
aliis remediis tam facile cedere hujus affe-  
ctus paroxysmum, quam vel opio, vel  
phlebotomiæ; primo, quod spirituum ex-  
cursiones vesicularum pulmonalium con-  
tractiones causantes inhibeat; altero, quod  
pari ratione huic, ac aliis affectibus generi  
nervoſo infidentibus proſit, vasa (*viz.*)  
in hoc caſu ſanguinea ob circulationem à  
contractione vesicularum impeditam, &  
ob ſolitam pulmonum refrigerationem à  
parciori & diſſiciliori aeris ingressu inhibi-  
tam, tunc temporis ſanguine æſtuantि ni-  
mis turgida deplendo,

O B S E R-

## O B S E R V A T I O   XXVIII.

*De Asthmate, & eo extincti Dissectione.*

**V**IR quidam robustus, & subpinguis, annos sexaginta plus minus natus, at per viginti retro annos tumore pedum edematoso, licet absque ullo salutis suæ dispensio affectus, ex haustu à partibus æquilibus cervisiæ novellæ, adhuc spumantis, & cervisiæ diu in dolio senectute confectæ vulgo *Stale Beer* dictæ, composito, mane ad sitim restinguendam præfervida anni tempestate èpoto, in alvi fluorem molestum, ad septimanam unam protractum incidit. Hujus coercendi gratia, singulis auroris haustu liquoris cujusdā vulgo *Punch*, dicti, cum subdupla q. succi Limonum, quo magis palato arrideret, admista, proprio consilio ventriculum proluebat. Cum autem minus hanc methodum votis respondere comperisset, vini vulgo *Clareti* dicti prius super ignem calefacti, ℥ i. integrum exhausit, qua statim exhausta, brevi restringuebatur Diarrhæa, eventu autem prorsus infelici; hinc enim difficiili respiratio- ne propediem corripiebatur, quæ singulis noctibus circa h. secundam exacerbata, eum per tres vel quatuor horas misere ex- cruciabat.

cruciabat. Paucula rure ubi habitabat sum-  
fit medicamenta, ex quorum usu vix ul-  
lum levamen percepit nisi ex solutione *Gum  
Ammoniaci* in *Oxymelle* simplici facta, un-  
de promptius aliquantulum phlegma dum  
tussiebat rejicit. Parum autem urgebat  
tussis, idque uti retulit ille, non ex aliqua  
in ejus accessione morbi provocatione,  
quin potius propria voluntate, quo spiri-  
tum liberius duceret, excussa uti sperebat,  
aliqua humorum portione quos pulmones  
tunc temporis opprimere credidisset.

Tandem *Londinum* veniens, opem meam  
petit, *July 26.* Pulsu explorato, eum nullo  
observato ordine intermittentem reperi. V.  
S. igitur quantocius hora una ante ingressum  
ejus in lectum, hac vespera qua ad me ve-  
nit, & (cum habitus erat Athletici) ad  $\frac{3}{4}$  xiv.  
consulebam, & ad aliquot plures ni obste-  
tisset hydropis metus, consuluissim; noctem  
sequentem habuit absque ulla dyspnææ  
imminutione, quod mirabar. Die au-  
tem sequenti longe melius se habuit, mino-  
ri longe inter ambulandum anhelitus diffi-  
culty urgente. Hoc vesperi *July 27.*  
potioñem Emeticam sequentem propinavi.  
*B. Aq: Card:  $\frac{3}{4}$  iii. Oxym: Scillit:  $\frac{3}{4}$  i Tart:  
Emet: gr. iii. Ms. f. Potio.* Sumat quampri-  
mum, & si nulla vel parca nimis vomitio  
insequatur, in suppetias veniat *Salis Vitri-*  
*oli*

oli 3 fl. bis vel ter distinctis vicibus ex haustu liquoris Possitici repetenda.

Hicce non obstantibus immotus perstitit, & loco vomitionis tota medicamenti vis deorsum ferebatur, in sequentibus 5 vel 6 alvi dejectionibus. Noctem sequentem, obrepente somno, quiete transivit paroxysmi expers, & mane vegetior factus, è cubile exiens, res suas uti solebat hilariter expedivit.

Usum *Gas Sulph:* consului ad sanguinis cursum aliquatenus sufflaminandum, quo minus in paroxysmo vasa pulmonalia distenderet, cuius cochleare unum in haustu aq: f. cum pane tosto præparatæ, mane, & 5. p. quotidie sumpsit.

29. Omnia faustò procedebant respirazione longè liberaliori facta.

Jam autem cum nihil ægri rebus utilius essem duxi, quam si ventriculum, & infimi ventris viscera (præcipue cum appetitum prostratum animadvertissem) exhibitione emeticci ab humoribus ibi impactis liberare molirer, idque magis cum eadem opera humorum seroforum è toto corpore expurgatio commode procurari posse videtur, omni mora seposita sequens exhibitum est, Rx Aq: Card: Ben: 3 ii. Tart: Emet: gr. v. Oxymel: Scillit: 3 vi. Ms. Vomitio copiosa in sequuta est, cuius etiam promovendæ gratia, haustus aliquot

*Tinct:*

*Tinet: Carduatæ injunxi distinctis & debitiss  
vicibus exhauriendos.*

Post vomitionem optime dormivit, &  
die sequenti (*viz.*) 30, ambulationes  
per plateas etiam per arva voluptatis gra-  
tia absque ulla notabili pectoris constricti-  
one sustinuit.

31. Hoc die, de novo, pectoris angusti-  
am percipere incepit. Pulsus celér nimis  
& exiguus erat, aliquantulum etiam inter-  
mittens uti alias confueverat. Nullus au-  
tem omnino calor, quin potius frigiditas  
ad tactum sentiebatur.

Hac nocte Bolum & Pil: sequentia præ-  
scripsi, & *Calomel* gr. xxiii. *Const: Anth:*  
*Thi.* *Syr: Viol:* q. s. Ms. f. Bolus hac no-  
cte h. somni sumendus, cum haustu ex aq:  
*Laet:* al: & *Syr: Viol:* composito.

& *Pil: Coch: Min:* *Thi.* *Res: Fal:* *Th. fl.*  
*Ol: Majoran:* gr. ii. Ms. f. Pil. v. mane se-  
quenti sumendæ cum regimine. Hodie  
(i. e. Sept. 1.) septies dejecit copiose.

Noctem transivit insomnem ob anheli-  
tus difficultatem.

2<sup>do</sup>. Respiratio difficilior quam pridie e-  
rat.

Hac nocte dedi Haustum seq: & *Aq:*  
*Laet:* 3 iii. *Diacod:* 3 i. Ms. Nihil om-  
nino dormire potuit, somnolentia solum,  
cum plurimis insomniis gravatus.

Respi-

Respiratio autem liberior solito erat uti etiam die sequenti.

4°. Hoc mane, aucta dyspnea, proprio V. S. celebratur consilio, ad 3 solum vel 4 uncias, unde aliqualem virium debilitatem percepit, respirationem autem longe liberiorem.

5°. E frigore suscepto plurimum ingravescebat anhelitus difficultas, suppressa etiam expectoratione quæ alibi, etiamsi non multum rejicit, facilior esse confueverat.

6°. Hodie consului usum Decoct: Pectoralis & Ol: *Lini* alternatim, aliquoties sumenda, quorum usu liberius ad biduum procedebat anacatharsis.

8°. Hac nocte injecto prius clystere sacharato sumpsit Haustum seq: Rx Aq: Lact: Al: 3 iii. Diacod: 3 vi. Laud: liq: gr. xii. Ms. f. Haustus h. somni sumendus.

Sumpto hoc Haustu statim obrepit somnus, & licet aliquoties insomniis variis intervenientibus abrumperetur, tamen per totam fere noctem ad horam septimam matutinam excurrit, cum magna spiritum refectione, & quod notari debet, (cum hactenus impune nunquam id præstitisset) nulla prorsus accidente respirationis impedimento, quoties à somno excitatus se in alterum latus reclinare conaretur.

9°. Hodie usum Decoct: Amari S. S. ma-

ne, & h. 5. p. quotidie sumendum præscripsi, unde bene se habuit, & hac nocte dormivit 4 vel 5 horas continuas.

10°. Optime se habuit, appetitu aliquantulum restaurato. Gressum autem nondum absque aucta & frequentiori anhelitu sustinere potuit.

Hac nocte nihil omnino dormivit, & levi quovis in lecto motu, difficultate ut olim anhelitus tentabatur.

11°. Hodie sub vesperam injiciebatur enema, & nocte sequenti aliquantulum melius dormivit.

12°. Appetitus rediit, at difficulter adhuc, inter ambulandum præcipue, respirabat.

13°. Hoc die cibos solito magis appetivit; adhuc autem mansit dyspnea, quoties ambularet.

Indies ex usu Decocti Amari augebatur appetitus, cum virium refectione. Dieta ex ovis forbilibus, carnibus pullorum, jusculis hordaceis, & similibus coctioni facile cedentibus, & sanguinem minus accidentibus erat instituta. Pro potu erat Aqua, cum pane tosto præparata, & vino optimo Gallico rubro colorata.

Supervacanea, si non nocua mihi videbatur medicamentorū in corpore senili & debili multorum accumulatio, præcipue cum morbi causam prorsus inexpugnabilem (quantum conjectura assequi potuerim) judicarem.

rem. Ita ut tutius illi fore ducerem, si in diæta solum ex esculentis & potulentis iis quæ illi maxime arriderent, modo innoxia esse experiretur, per dies aliquot insisteret. Mecum consensit ægra, intermisso omnium medicamentorum usu præter *Decoctum Amarum*, bis in die, ad duas septimans.

Appetitus per totum hoc spatum satis viguit, exiguo interea expletus. Cæterum indies instabat dyspnæa, noctu quotidie exacerbata, ita ut ægrè admodum somnum capefferet, licet tussis omnino expers.

27°. Die hujus mensis 27 iterum me accersivit, jam enim dyspnææ accessionibus frequentioribus & brevioribus, utpote duabus vix momentis durantibus tentari incepit interdiu noctuque infestantibus, præ quarum tyrannide non nisi erecto situ illi respirare licuit.

Jam etiam augebatur unius pedis tumor, ita ut rigidiores istius tendines inter eundum sensit.

28°. Ad hoc usque tempus indies pejus se habuit, anhelitu crebriori reddito, ita ut vix se in sedili movere possit, quin suffocationis periculum subiret.

Aliquando tenuè & spumosum, sed raro & non nisi magno conatu cum vomitionis nixu coniuncto sputum haætenus rejicere solebat,

quod jam maxime glutinosum & crassum factum est.

Nihil omnino huic affectui contulit aliquoties *Sper: Cet: juxta Celeber: Timæi* præscriptum, ne quidem in expectoratione facilitanda, aliquoties in calidæ cervisiæ haustu exhibitum. Cum autem adeo crassum & viscidum in pulmonibus hæsisse phlegma observasse, usum *Oxymel: simpl:* aliquando per se, aliquando cum *Gum: Ammon: in Acet: solut: commisti* haud infructuosè suasi.

Utcunque autem hisce in expectoratione promovenda profecerimus, ad usum denuo opiatorum præ sævitia paroxysmorum configere coacti sumus, & proinde sequentia præscripta sunt.

*B: Aq: Lact: Alex: Cinam: h: an. 3 i.  
Oxymel: simpl: 3 fl. Opii colati gr. i. Ms.  
f. Haustus h. 5. p. sumendus, & 9. repetendus.* Hisce sumptis magnopere in somnum proclivis evasit, cuius tamen beneficium denegabat illi importuna nimis & frequens spirationis difficultas, vicies unius horæ spatio intercurrens, quarum intervallis instar sanorum, dum scilicet immotus restabat, leni, & æquali tenore spiritum suum ducebatur.

Tandem autem vi medicamenti cedere coactus in somnum per horas duas, idque bis

bis vel ter distinctis vicibus protractum lapsus est, quo spatio tamen uti mihi adstantes narrabant, non omnino dyspnææ per accessiones quasdam, licet minori longe gradu immunis fuit.

30. Hac nocte, omisso paregorico insomnis prorsus ob pectoris angustiam solito more eum crebro infestantem jacuit, elucescente autem die, pulvinaribus apte capitatis reclinatio, vel inclinationi prout magis sibi expedire videretur, accommodatis, sedens in cubili erecto collo somnum suaviter per horam unam & alteram capiebat. Hinc mire refectus liberalius respirabat, & ex usu *Oxymel*: cum *Gum Amm:* commis: (unde aliquid semper levamen sensit,) facilius glutinosi phlegmatis aliquantulum rejiciebat.

Biduo vix elapso, tibiae utriusquam intumescentia magnam in molem augebatur, quam longe expeditior sequebatur respiratio, ita ut cubitum in lecto, cum aliquali saltem spiritus tolerantia per totam noctem sustineret.

Tibiis totis Empl: *Diasap*: applicandum consului, unde faciliorem earum extensionem obtinebat.

Clysterem Terebinthinatum injici curavi, qui ter vel quater operebatur. Diætam, qualem sibi maxime in votis esset, ob fastidium ciborum quo jam premebatur, permisi.

Urina rubra & pauca per totum morbi stadium haetenus permanxit.

*Oit. 4.* Per has quatuor vel quinque dies ab omni medicamentorum genere abstinuit, pro cibo, illum qui sibi maxime jucundus videretur, eligens, & pro maxima parte Lac cum triplici Aquæ coctum ad medias, quod, utcunque suaderet contrarium frigidæ ejus constitutionis ratio, quotidiano sibi usu utilissimum alimenti genus esse, tum quoad nutritionem, tum pulmonum intemperiem didicit. Frequenter etiam jam id quod per anacatharsin rejicit sanguine permixtum erat, & nonnunquam sanguis sincerus licet in exigua quantitate.

Hinc indies ingravescente morbo, & fatigentibus viribus se prorsus paregoricorum usui, absque quorum ope vel singulis momentis instabat strangulationis metus, addicebat, unde semper remedium praesentaneum sensit, adeo libere respirando, ac quisquam alias, usque dum eorum vis penitus expirasset.

Jam autem sanguinem ipsum pro maxima parte, non autem spumosum, ut è pulmonibus solet, rejicit; De dolore ulceroso circa pectus querebatur, & ab aliquot diebus per vices delirus, die mensis 13 ad plures commigravit.

Corticis Peruviani usum in Asthmate cuiusvis speciei periculofum reperi, postquam inveterascente morbo, pulmonum textura fibrosa glandulosaque adeo debilitata fuerit, ut humoribus lentescentibus recipiens retinendisq; apta evasit ; tunc enim morbi primarii effectus, seu productum, pro morbo novo, cui alia plane methodus per aliquod saltem tempus adaptari debet, habendum est.

Vomitoria è mitiorum classe admodum proficia per experientiā esse didici, celebrata prius V.S, præcipue in principio, & instantे plethora, modo diu satis, debitiss pro ratione virium concessis intervallis, in eorum usu persistat æger, associato etiam iis medicamentorum usu quæ sanguinem corroborent, humorumque vinculum conservando, quo minus inidoneum insalubreque spiritibus animalibus subministretur pabulum, impediunt.

Caute adhibeantur chalybeata, eaque maxime diluta, præcipue in temperamentis calidis.

Thermarum *Bathon*: potum in constitutionibus humidis & phlegmaticis admodum utilem fuisse novi, prius evacuatis per medicamenta lenitiva sæpius repetita humoribus visciditate & acrimonia præcantibus, quæ primis diebus ab aquarum usu fermentescere apti nati sunt.

Ad coercendam saltem seu mitigandam morbi hujus fævitiam acida cujusvis generis, utpote etiam salia essentialia, seu neutra, cum guttis quibusdam sp: acidorum commista, magnopere inserviunt, uti sunt *Gas: Sulph: Sp: Vitr: Nitri, Suc: Limon: Aurant: &c. Sal Prunel: fl: Sal Arm: Nitrum purum, Sal Arm: ipsum &c.* in quantum sanguini, qui tempore paroxysmi vasa inflare aptus natus est, frenum injiciunt, & quasi in minus volumen constringunt; & ob eandem etiam forsitan rationem præ cæteris, diætam è laete vel lacticiniis in paroxysmis protrahendis, & diminuendis, modo sedulo adhibetur cura ne alvus nimis tarda sit in fecibus egerendis, hic, præfertim in macilentis convenire observavi.

Errhinorum egregie utilem nuper in viro diu atrociterque morbo hoc vexato usum reperi, cum jam adeo rari mitesque eorum beneficio ejusdem insultus facti sunt, ut seipsum quasi à manibus tyranni vindicatum inde existimet. Hic autem notandum est, illum pulverem, in hoc casu sibi familiarem, à *Tabacco* solum primum cocta & postea siccata præparatum, è pyxidula artificiose huic usui adaptata tanta vi innares suos admitti, ut per earum summitates usque ad fauces pertingendo, non folium membranam pituitariam ubique partes ista oblinientem à muco suo, qui mora len.

lentefcens, in indolem pravam' corruptamque, & sanguini præterlabenti infestam degenerasset, frequenter & copiosè screando liberet; quin una etiam eademque opera, eam corundem humorum recentium è sanguine jugiter subministratorum receptioni habilem reddendo, illorum usitatum in partes respirationi quovis modo inservientes, num scilicet per glandulas cerebri, vel pulmonum, ingressum præcaveat.

Quoad causam hujus affectus essentialiem, vix est ut istius ablationem speramus, priusquam, felici quodam auspicio, alicui innotescat medicamentum aliquod, morbos alios ejusdem genii vel indolis, ubi scilicet πò θεον *Hippocratis* arti medicæ potissimum adversetur, perdomare valens; uti sunt Caducus, Apoplexia convulsiones, &c. cum non immerito hunc ex eorum classe, conjectura haud inani, primum *Cl: Helmontius* esse suspicatus est.

*Corpus defuneti die mortem sequenti mane aperui, cuius viscera adhuc calorem aliqualem retinebant, & in eo quæ mihi observatu præcipue digna occurrere, calamo fideliter exaravi; ea potissime ratione ad id agendum ductus, quod nihil æque nobis in causis morborum rimandis facem accendere, & consequenter nos in eorum curatione feliciter exequenda instruere rectius existimem.*

*Dissēctio Prima.* Oct. 14. 1701.

*Observata in corpore Asthmatici die mortem sequenti dissecto.*

**P**ylorus admodum crassus erat & schirrosus, uti etiam duodenum, usque ad locum ubi ei adnascatur Pancreas.

*Pancreas* etiam admodum durum & schirrosum erat, propter cuius duritatem glomeres ejus instar viperarum renum oculis se sistebant inspiciendos.

*Glandulæ Mesenterii* eodem modo etiam afficiebantur.

*Hepar* per totum ejus superficiem colore flavo, & subviridi, ob ductuum bilifero rum obstrunctiones variegabatur.

*Vesicula fellis* bile subnigri coloris, & consistentiæ tenacis erat plena, adeo ut difficulter ullam ejus portionem per ductum ejus bilarium, digitis eam fortiter comprimendo exprimere potui; forsan etiam huic difficultati contribuere potuisset intestini eo loci schirrhosi durities, ut supra notatum est.

*Renes & cætera* sani.

*In medio ventriculo.*

*Pulmones* in dextro latere Diaphragmati adnascebantur, & istius lateris cavitas aqua falso

falsi saporis replebatur. Hinc difficilis in istud latus decumberet.

*Pulmonum* istius lateris lobi dissecti sanguine penitus oppleti erant.

*Lobus* istius lateris superior, parte ejus superiori durior erat, & cultro divisus instar carnis sanguinolentæ apparebat.

*Lobi Pulmonum* sinistri pleuræ undique adhærebant, nec cultro ab ea commode separari potuerunt; dum autem eos digitis à pleura avellere conarer, post factam levem cultri acie eorū separationem, externam unā pleuræ laminam fortè detrahebam, in cuius superficie interna plurimas disseminatas reperi *glandulas*, & unam præ cæteris magnopere tumefactam, quarum obstructione non raro contingere pleuritidem vix licet dubitare.

Ex hujus lateris lobis profunde cultro vulneratis effundebatur præter exigua sanguinis portionem, *aqua* tenuis & ob summam ejus *spumositatem* subalba, quam quoties digitis vesiculos pulmonum comprimendo urgerem, in magna copia exudantem reperi, & post *bronchiorum* apertio nem copiosè illuc irruentem.

Primo hujus aspectu, eam pro causa morbi primaria suspicabar, & aliquandiu ita suspicari perstisti, donec ex aliorum corporum cachecticorum sectione, ubi idem vidissim, commonefactus, suspicionem falso uti

uti postea patebit, fundatam animadvertissem.

*Polypus* exiguus in *arteriæ coronariæ* ostium per aliquod spatum se protrudebat.

*Foramen Ovale* occlusum omnimode erat, ob tenuitatem autem valvulae ejus, (ex cuius inferiori parte sursum versa, & internodio *Loweri* (quod hic satis conspicuum erat,) accreta, ejus revera, ut infra fusius explicabitur, occlusio fit,) satis, si illud oculos inter & lucem objicias, conspicuum.

*Tubulus arteriosus* brevior, & crassior ordinario.

Duae costarum ex una latere, & tres in altero *cartilagini* in osseam plane substantiam (unde haud parum respirationem impeditam fuisse credo) degenerassent.

### *In tertio Ventriculo.*

Semotis membranis cerebri exterioribus, in dextra corticis ejus parte apparebat *Hydatis*, nucis moschatæ magnitudinē æquans, feri pellucidi plena, adeo profunde inibi sedens, ut ad fundum ejus facile conspicetur corpus callosum summe albicans, ad latera ejus undiquaque apparentibus *corticis cerebri glandulis* cineritii coloris, & magnitudinis præternaturalis, aliter enim vix oculis nudis detegendas fese præbuissent.

*Ventriculi* omnes fero parum flavecenti replebantur.

*Plexus*

*Plexus choroëidis* utriusque glandulæ admodum tumescabant sero plenæ, & *Lymphæductus* sinistro præsertim latere ob eorum distentionem ampli, cum valvulis pulchrè oculum oblectantibus sese visui obtulere.

*Protuberantia annularis* horizontaliter dissecta, *Strias* quas primum mihi observasse contigit, more in *Anatomia* mea de *Cerebro* descripto & delineato, planè exhibebat; ne autem irrito unquam opere cultro eas exigerent, adstantibus, admonui quod prima, & secunda sectione laminatim facta, *fibræ* alterius prorsus ordinis conspicuntur, (*viz.*) longitudinaliter decurrentes, profundioribus autem eodem modo factis sectionibus, *fibræ*, de quibus sermo est, in conspectum veniunt, super *protuberantiam* transversim incedentes.

*Testes natibus*, contra quam ordinario fit, erant majores.

*Glandula Pinealis* calculis pluribus albis & asperis erat plena.

O B S E R-

## OBSERVATIO XXIX.

*De Convulsionibus in Infante, cum illius  
postea Dissectione.*

**P**Arvula annum ætatis unum agens, in gravissimas convulsiones circa faciem præcipuè incidit, quas semper præcedebat ejus livor insignis ad nigredinem vergens, totius corporis inhorrescentia & frigus ubique perceptibile. Venæ sectiōnem, in paroxysmo vocatus, celebrari præcepi, unde propediem remisere convulsiones, pristino corporis calore, cum vivido vultus colore redeunte. Clysterem sequentem, loco purgationum ob teneram ætatem, & ad qualemcumque in sanguinea massa commotionem evitandam, quæ sæpiissime de novo morbi fomitem suscitare solet, ad humores acres seu viscidos ullibi imprimis viis stabilientes eliminandos, quamprimum injici curavi.  
*& Decocē: com: cum Colocynthid: integr:*  
 p. i. præp. ȝ iv. *Sachar: rub: ȝ i. Ms.* Inde ter copiose dejecit, nullo omnino morbi insequente insultu, ad quem in futurum præcavendum Antispasmodica sequentia præscripsi. Capiti raso applicetur *Emplastr: Ceph:* juxta Pharmacopæam *Bateanam* præparat: ; f. fontinellæ in utroque brachio;

chio; applicetur *Empl: Epispasticum* inter scapulas latissimum quamprimum. & *Pul: de Gutteta* 3 i. *Sal: Volat: c: c: rectiff:* gr. v. *Fol: Auri* n. ii. *Ol: Cinam: Chym:* gr. i. Ms. f. pul: distinctis chartulis 5 reponendus, sumat unam in cochl: una seq: *Cord: quarta* quaque hora superbibendo c. unum, & *Aq: Puleg:* 3 i fl. *Peon: c:* 3 ii. *Tinct: Cast:* gr. xii. *Syr: infus:* *Flor: Peon:* 3 iii. Ms. Per triduum ab omnibus convulsioni-immunis persttit, quo spatio peracto recidivam patiebatur, & cum jam admodum debilitatum animadvertissem, ab omni evacuatione abstinendo in spiritibus demulcendis totus conquievi. & *Aq: Rutæ* 3 i fl. *Peon: c:* 3 ii. *Laud: liq:* gr. xii. *Sach: alb:* q. f. Ms. f. *Cordiale,* de quo sumat c. unum tertia quaque hora; hinc fugatus denuo fuit morbus, & eadem methodo ad diem unum & alium observata admodum bene se habuit æger, & ita se habere ad integrum septimanam persttit. Tandem, denuo invadente morbo, V. sectionem suasi; prius autem quam chirurgus venam pertundisset exiit è vivis ægrotus.

*Dissectio Secunda. Maij 27. 1700.*

**V**esicula fellis admodum apparebat ampla, usque ad summam rigiditatem distenta, qua non obstante facile erat bilem intus

intus contentam leviter comprimendo per vesicæ collum protrudere; unde conjectura subiit, convulsionibus forsan obnoxiam adeo, dum æger esset in vivis fuisse cervicem vesiculæ, ut bilis vix exitus pateret.

*Pancreas tumidum & aliquantulum inflatum videbatur, exiguis per totam ejus superficiem glandulis confertim dispositis luculentius quam unquam nudis oculis antea observasssem, in aspectum venientibus. Num à sanguinis lentore, quasi à causa continentis, vel à ductuum excretiorum coarctatione à fibrarum tenerarum convulsione secundario caufata provenit hæc glandularum intumescentia nescio.*

*Glandulæ Mesenterii solito aliquantulum majores erant.*

*Ren sinister tumefactus, & inflammatus undiquaque erat, absque ulla pelvis vel ureteris obstructione.*

*Ovarium in longitudine unciam unam, subducta quarta ejus parte equabat, gracile & coloris sub rubri.*

*Tubæ unciam unam, cum quarta ejus parte æquabant.*

Inter *Tubæ* extremitatem, ubi *fimbriæ* ejus *foliaceæ* incipiunt, & *ovarium* per membranam quandam *alis vespertilionum* similem, ea unà connectentem, intercedebat quarta pars unciae.

Medio diviso *Uteri* fundo foramen *Tuba* ne minimum intro specillum admittebat.

*In secundo Ventriculo.*

*Capsula Cordis* aqua plena erat.

*Cordis* *Ventriculi* ambo sanguine referti.

*Auricula* dextra ob ingentem in ea sanguinis molem stagnantem adeo distendebatur, ut ad cordis ipsius magnitudinem ferre accedere videbatur, inani prorsus existente sinistra, & (quod mireris) turgescente etiam sanguine vena Pulmonali.

Hinc aliquid ponderis conjecturæ quam ab aliquot annis fovi circa usum cordis auriculæ sinistræ accessisse censeo, (*viz.*) illam à natura destinari quasi diverticulum ad aliquam solum sanguinis portionem excipiendam, dum ventriculus sinister systolem pateretur, & eam statim, istius incepta diastole ventriculi, cum reliquo per pulmones transeunti denuo ei reddere. Admetiri hanc auriculam singulis ejus systolis cordi sanguinem, in proportione ventriculo adimplendo commensurata, haec tenus tradiderunt omnes quotquot de corde tractaverunt; Quod si verum esset, hic haud inanis extitisset, vel quod idem est, vix eam insalutatam sanguis in ventriculum præterfluxisset; quicunque

autem exiguitatem ejus respectu alterius eam scilicet triplo dimenso seu proportione superantis inspiciet, statim eam ad id praestandum inhabilem omnino judicabit; quicunque etiam eo tempore, Venæ pulmonalis juxta suum in cor ingressum, ubi unus truncus, isque insignis existit, amplitudinem satis adnotaverit, & longe secus quam in vena cava prope cor accidit, unico eoque pleno alvo in ventriculum inhians, nullus de immediato inter venam pulmonalem & ventriculum finistrum commeatu dubitabit. Quo demum fine hæc à natura ita facta sunt alibi, imposterum forsan detur occasio magis opportuna inquirendi.

*Pulmones* hic illic lividi erant ob sanguinis stagnationem, quod solenne est.

*In cerebro* ventriculus dexter aqua refertus erat, sinister vacuus, claro satis indicio aquam ventriculis statu fano non competere, uti olim in *Anatomia Cerebri* retulimus.

*Plexus choroëidis* glandulæ admodum tumidæ, & sero refertæ erant, ita ut cum per totum cerebrum manifesta satis seri extravasati indicia extarent, affectum hunc ab ejus intra nervorum fibrillas depluvio ortum suum tulisse admodum credibile fuisse videatur.

*Arteria & Vena* quas primum observavi,  
 & in *Tabula* ad calcem *libri* supra memo-  
 rati inferta depictæ sunt, idem foramen cum  
*pari nervorum*  $8^{\circ}$  transeuntes, quasi stran-  
 gulatæ, & sanguine oppletæ apparebant.

---

## N 2 OBSE R-

---

## O B S E R V A T I O    XXX.

*De Convulsionibus in Puerō, cum ejusdem postea Dissectione.*

**A**Ccersebar ad Puerum temperamenti sanguinei, & ad hunc ætatis annum (*viz.*) quintum, cujusvis morbi exper-tem, jam autem convulsionibus, artus ejus distinctis intervallis alternatim extorquentib⁹, & earum absentia viscera interna tor-minibus affidentibus corruptum. Digit⁹ præ cæteris atrocius morbi insultum patie-bantur, ita ut excusso paroxysmo, per dies tres vel plures, incurvati, inter se contorti, & inflexiles persisterent.

Venæ sectiones, purgationes, fontinel-læ, vesicationes, & plurima quæ peculiarem vim contra hunc morbum fortiri credun-tur medicamenta, qualia sunt *Cast: succin: Peon: rad: & Sem: pul: de Gutteta, &c.* jam diu ante meum adventum incassum adhibita fuerant à medico doctissimo, qui hoc tempore ad quendam ægrum à civi-tate hac longe degentem advocatus fue-rat.

Aliquando Lotium satis libere, imo co-piosè reddebat, aliquando parce admo-dum, vel nihil, toto nycthemeri spatio. Pulsus satis fortiter micabat, & vires con-stabant, parum autem appetivit, & quod ingesserat

ingesserat frequenter cum magna phlegma-  
tis saburra rejiciebat. Hinc cum vomiti-  
onem illi usui fore judicarem, *Tart: Emet:*  
gr. i ℥. in haustu illico propinari consului.  
Ter vel quater vomebat, ingenti copia hu-  
morum viscidorum singulis vicibus elimi-  
nata. Sequenti nocte aliquantulum meli-  
us dormivit, sed mane proximo ingrave-  
scet affectus, adeo ut ob pedum muscu-  
lorum contractiones continuas non omni-  
no ambulare valeret. Proximo loco igi-  
tur ad paregorica configere coactus, se-  
quentem haustum præscripsi. Rx Aq: Ru-  
tæ ʒ i. Peon: c: gr. xii. Syr: Fl: Peon:  
ʒ ii. Laud: sig: gr. iv. Ms. f. Haustus  
quamprimum sumendus, & quarta quaque  
h. si opus fuerit, ad tres vices repetendus.  
Post primam dosin melius se habuit æger,  
non solum evanescentibus paroxysmis, quin  
etiam contorsionibus, tum manuum, tum  
pedum, naturali jam eorum statu restituto.

Continuari Haustus paregoricos ad bi-  
duum bis in die suasi, quorum usu ab om-  
ni morbi insultu prorsus liberatus, pristina  
salute ad dies quatuor vel quinque misel-  
lus fruebatur; Postea alvo sicciore existen-  
te exhibita est potio sequens satis mitis,  
& quod facile crederet quispiam, omnis pe-  
riculi expers, (viz.) Rx Aq: fenic: dul:  
ʒ x. Syr: fl: Persic: ʒ vi. Ms. sumat quam-  
primum cum regimine. Operationibus hu-

jus Potionis quæ admodum lenes erant, &  
 torminum expertes, vix peractis, de novo  
 intonabat affectus, dire quaquaversum sin-  
 gula corporis membra succutiens, adeo spi-  
 ritibus à levi medicamenti hujus commo-  
 tione irritatis, ut opium vel dupla quanti-  
 tate exhibitum, vix ad eos in ordinem redi-  
 gendos sufficerit. Tandem autem fati-  
 scente paroxysmi violentia post exhibitam  
 exiguam Bolum è *Theriacæ Androm:* cum  
*Castor:* granis aliquot præparatum, subor-  
 ta ventriculi nausea, ingentem humorum  
 vitiosorum copiam, cum sanguine coagula-  
 to evomebat. Hinc de interno ardore, (quem  
 pluries à motu sanguinis convulsionibus  
 vel quovis alio in circuitu suo modo im-  
 pedito, in ægris, nullo omnino existente  
 febre, accidisse observavi,) querebatur, &  
 omnia medicamenta aversatus, Aq: frigi-  
 dæ avidissimè potum expetiit, cuius po-  
 tum liberaliter illi concessum, non solum  
 sibi jucundum, verum etiam utilem variis  
 indiciis testabatur. Postea, cum eum ab  
 omni genere *testaceorum* abhorrere, &  
 magno cibi cujusvis fastidio laborare anim-  
 advertissem, aceti vinosi usum ad quantita-  
 tem unius cochlearis subinde, (*viz.*) semel  
 quarta quaque hora consului, quo mire re-  
 fectus videbatur, velitationibus morbi qui-  
 buscum adhuc aliquantulum conflictebatur,  
 in totum evanescentibus, & pristino rede-  
     unte

unte appetitu. Hoc statu salubri integrum septimanam permanxit, quo spatio temporis finito de novo recrudescebat morbus, convulsionibus per tres vel quatuor horas idceter partes exteriores, ut solebant misere excruciantibus. Finita autem illic tragedia, molestissima suborriebatur, aliorum spirituum animalium facto impetu, tussis, ex qua, licet id quod rejecit sub forma pituitæ coagulatæ in terram expuebatur, statim tamen in salivam tenuiorem dissolvi videbatur.

Per plures dies brevibus solum ex opii exhibitione concessis induciis, invicem se excipiebant convulsiones & tussis, quorum indies invalescentium tyrannide tandem oppressus, post dies aliquot misere convulsus succubuit.

*Dissectio Tertia. Mart. 27. 1699.*

**C**AUSAM morbi in cerebro forsan repertū iri existimans, ejus primo apertione institui, cuius nihilominus singulis perlustratis angulis, nihil omnino suspicioni meæ favens deprehendi. Ne guttula quidem vel Aquæ, vel Sanguinis extravasati apparebat; Vasa sanguinea, & cerebri moles, quoad ejus partem corticalem, vel medullarem, prorsùs secundum naturam se habebant. *Signum longitudinalem* arctius quidem futuræ

longitudinali adhærentem quam solet ordinario, inveni; cum autem nullam omnino alicujus sanguinis ullibi stagnationem invenierim, istius conformationem nihil ad hunc affectum contulisse merito judicavi.

*Viscera* medii ventris prorsus etiam inculpata.

Nihil etiam omnino in *Thorace* præternaturale inveni.

*In imo ventre sequentia occurrerunt.*

Glandulæ mesenterii solito majores erant, earum aliquot fabæ majoris magnitudinem superantibus.

*Protuberantiae* plurimæ in intestini *Illi* convolutionibus conspiciebantur, seriatim dispersæ, intervenienti spatio circiter palmæ latitudinis, nucis moschatæ magnitudinis; quas cum aperuerim ex interna intestini tunica rugosa flatu verisimiliter distenta, in spatio medio inter valvulas conniventes ex utroque latere adjacentes, formatas deprehendi.

Hinc torminum intestinorum subinde infestantium ratio satis innotescit, non à quavis spirituum explosione pulveris pyrii instar oriundorum; ita enim, inter intestinorum tunicas, ob fibras eorum motrices a spiritibus irritatis in explosiones adactas, & materiam morbidam à seipfis amoliri contigissent, *cavitates* hæ seu *Protruberantiae* contigissent; sed potius à flatibus, vel priùs

existentibus, vel ob sanguinis circulationem in tunica intestinorum intima, propter vas inibi à morbi violentia convulsa impediatam postnatis, & præ intestinorum contorsionibus ab ulteriori, vel sursum vel deorsum descensu coercitis. Hinc enim admodum familiares in affectionibus hystericas sunt rugitus intestinorum, ventris inferioris intumescentia, præcordiorum inflationes, & plurima istius generis symptomata ab eadem causa natalitia sua ducentia.

Renem dextrum urina tumescentem inveni, ita ut ureteris istius initium inde prodicens instar sacculi prominuli magni apparebat, reliquo ejus usque fere ad vesicam, quæ etiam plena erat urina, ad magnam insuper amplitudinem distento, prope autem ejus insertionem in vesicam denuo coactato; ita ut proculdubio hanc urinæ collectionem ex ureteris sola convulsione primum accidisse, (cum postea apertione facta nihil intus cavitatem ejus obstruens repertum esset,) jure existimemus. Id quod me maxime admiratione perculit, fuit, quod adeo arcte interni ejus conniverent paries, ut ne lotii guttula pertransiret, cum vel per tenuissimam rimam id permeasse potuisse satis nos erudiet sequens historia. *Corpus* cujusdam calculosum de febre, tunc temporis populariter grassanti, mortui, olim memini me secuisse, cuius unus ren-

omnino calculis obstructus erat, uretere ipso penitus lapidibus, nisi quibusdam locis, ubi ob omnem prorsus urinæ fluxum impeditum penitus coaluisset, obturato, cuius etiam erat alter ren multis calculis & arenis refertus, & istius etiam ureter uno calculo, in quadam cavitatis ejus parte anteriori (nam inequalis admodum est ureterum cavitas) vesicam urinariam versus, eum obturanti, adeo obstructus, ut vix specilli exilis apicem admitteret; non obstanti qua angustia, lotium libere satis reddidisse, & non nisi ex aliqua sex rebus præternaturalibus errore commisso, Ischuriā unquam sustinuisse novi.

### OBSER-

## O B S E R V A T I O    X X X I .

*De Hydrope cum Dissectione.*

**F**iliæ cujusdam Pistoris annos quinque plus minus natæ, vel à nativitate valetudinariæ, cum totum fere vitæ suæ curriculum quamplurimum morborum insulatu oppressum, & vix ullo (modo brevitem excipias) levamine delinitum percurrisset, tandem succrevit hydropis ista species vulgo *anasarca*, seu aqua intra cutem nuncupata. Plurima à quodam medicastro ex hydrogagorum violenter purgantium genere (uti à domesticis excepti) in morbi initio propinata fuerant, unde exoluto magis indies partium robore, primo *anasarca* post *ascitica* ægra facta est. Jam igitur cum eam ocios in mortem ruituram affines præviderent, aliunde opem nimis sero jam anxie quæsiverunt ; prius enim quam illuc appulisset, è vivorum confortio misella erupta est.

*Corpo dissecato, in eo, quantum permetteret male parentum collocata pietas, sequentia observata sunt.*

*Dis-*

*Dissectio Quarta. Dec. 1. 1701.*

**S**inistro corporis latere, super quod se recumbere pro maxima parte consueverat, cum id longe altero tumidius conspexeram, detracta prius cute, particulariter è dextro thoracis latere, & caute remoto musculo pectorali, (quæ etiam utraque admodum spongiosa & aqua madefacta erant) sublatentum ingentem vesicularum majorum & minorum numerum aqua turgescientium, & quaquaversum continua serie dispersarum reperi; ita ut membranosarum istarum expansionum, quibus cum musculis committuntur *Costæ*, texturam vesiculosam esse exinde ediscebam.

Eodem modo ac spatio prædicto, reperitus erat ingens Vesicularum numerus aqua refertarum in Inguine, & partibus ei vicinis, per panniculi carnosí in cellulis pinguedinosis crassitiem quaquaversum dispersarum.

In cavitatis abdomen serì ad libras quinque vel sex plus minus fluitabat, minori longe quantitate quam eorum corporibus fieri solet, qui ascitide primario afficiuntur. Ibi enim pro maxima parte incidit in ventris cavitatem totius sanguinis serì depluvium, sensim indies cum maxima partium ceterarum extenuatione auctum.

*Omentum*

*Omentum* sanum erat, fundo ejus super ventriculum ad Diaphragma retro verso.

*Pancreas* magnopere indurabatur.

*Hepar* maculis viridis & subalbi coloris invicem commixtis per totam suam superficiem variegabatur, integra sua substantia prorsus exsucca, ramis *Portæ* & *Cavæ* utro-bique plane vacuis, in quorum aliquibus adaptata fistula cum inflassem, transivit libere, tum ad cor, tum ad portæ truncum flattus.

*Vesica biliaria* omni prorsus bile destitu-ta erat; ita ut facile in *acinoſis* hujus visceris *glandulis*, ubi omnis fit succi hujus secre-tio, totalem obſtructionem accidisse, prima-rio deficiente nativo calore, seu quovis a-lio modo lentifcentibus humoribus, conci-piamus; unde non ſolum hujus separatio-nem, quin etiam ſanguinis *Portæ* cum *Ca-væ* commeatum omnem (utcunque duarum harum communicatio per ramorum fuorum extremitatum ampliorum utrinque ab alte-rutrisque per totam *Hepatis* ſubstantiam dimiſſorum anastomofin contingat) impe-ditum fuiffe, cum maxima veritatis specie conjiciamus. *Veficuiæ* hujus tunica inter-na *holoferica* vulgo dicta, glandulis ubique confertim erat obsita, quadrupla propor-tione ordinario majoribus, colore rubro notatis, ita ut obſtructionem iis etiam ac-cidiffe facile credamus.

Obli-

Oblinebatur hic illic hæc *tunica* interna exigua humoris gelatinosi portione palidi coloris, & ad gustum insipidi, adeo, ut contra Cl: & Expertiss: Viri *Ruyſch* sententiam, in Responsione ejus ad Epistolam quartam D: *Frentz*, uti etiam plurium aliorum ante illum, longe mihi probabilius videatur, eò succum hunc à ductibus harum glandularum eructatum à natura designari, quo scilicet tenera sensilisque vesiculæ hujus membrana interna a bilis amaricie acris, & spiculosa protegatur, quam ut ab iis portio quædam istius secernatur.

*Glandularum conglobatarum* ad imum hepatis adnexarum Lympheductus, (quod mirabar in hoc viscere exsucco) lympha erant turgidi, ita ut hic potius per canaliculorum seu capillarium arteriarum extremitatum parietes, propter magnam in hoc statu sanguinis debilis, & in partes secedere proclivis, circulationis tarditatem, usque ad dehiscentiam fere distentas, seri hujus in cavitates corporis transfudationem, quam lymphaticorum rupturam suspicarer.

*Splen* quoad molem recte se habebat, at quoad colorem non sublividi purpurascens erat coloris, quo natura sana sortitur, verum tum extus tum intus obscurò & subatro-rubescens. *Vesica urinæ* fere vacua erat; cætera in hoc *ventre* sana.

*Thoracis* cavitate continebantur aquæ plus minus libræ duæ. *Pul-*

*Pulmones* sanguine scatebant ; cultro divisi, & digitis compressi, humorem album aquosum & spumosum è suis vesiculis, per totam suam substantiam, & per bronchia, in asperam etiam arteriam, cum eam aperuissem, copiose exspuebant. Hinc tussiculae, qua saepius infestabatur, in propatulo erat causa ; cum tamen interea, etiamsi in cavitatem pectoris tanta erupuit aquæ copia, vix unquam spirandi laborasset difficultate.

Abundè intra *pericardium* scatebat aqua. *Foraminis Ovalis* pars pendula in embrione, hic, ut semper in adultis, superna & inversa erat.

Adeo hic putruissent humores, ut licet post horas octodecim à morte corpus dissecuerim, vix ei absque maxima molestia ob graveolentiam infuetam vix naribus ferendam adstare potuerim.

## OBSER-

## O B S E R V A T I O    XXXII.

*De Fæmina inter parturiendum mortua, & postea dissecta; uti etiam de cordis in Fœtu ex Utero ejus exempto & vasorum ejus structura; unde ex propria quasi occasione nata, brevis & succincta quædam anatomica adjicitur de sanguinis per cor, & pulmones, in Embrione ante respirationem circulatione Dissertatio.*

**F**oemina quædam tempore ordinario à natura parturitioni dicato, num propter obſtitricis inficitiam, (non diu enim facultatem istam exercuifſet) quæ tempore aquarum (uti vocant) eruptionis, inſequuturi partus prænunciæ, laboranti non fatis tempeſtive & uti convenerat, ſuccurrifſet; vel aliquarum partium iſtarum diſpoſitionem naturæ moliminiibus contranitentem, (nam primipara erat) me fateor neſcire, præmatre abſque foetus excluſione moriebatur.

Hoc certum eſt, Obſtetricem, cum pri-  
mum ægram oneri ſuccumbere, & vitam  
ejus periclitari vidiflet, debuiffe ab aliis  
hac arte inſtructioribus opem quæſiviffe,  
ita ut ſi non uterque, alter ſaltem Deo fa-  
vente à morte fuifſet vindicatus.

Utcunque fuit, cum ad cadaver inſpici-  
endum vocarer, ſummo pere valde gaude-  
bam

bam me tandem opportunitatem na&ctum  
fuisse qua plurima ad historiam naturæ,  
dum in prole nutrienda, & in lucem eden-  
da versatur illustrandam ediscerem; non  
diu autem dissectioni incubuissem prius  
quam utcunque reluctantem res aliorum  
me ab opera m̄a divellebant, & spem meam  
nimis magna ex parte fefellerunt; cæterum  
quem progressum ante meum discessum fe-  
cisse, vel potius quantum solum incho-  
assēm tecum Lector communicare non gra-  
vabor.

### *Dissectio Quinta.*

**C**Apit *Infantis* uteri cervicem solum  
transiisse ulteriori ejus progressu de-  
negato, intra vaginam immisso digito vel  
ex tactu innotescet, quod etiam cum e-  
am aperuissimus, oculo videndum palam  
sistebatur.

Postea, apertis prius *Abdomine*, & *Ute-  
ro*, & acie cultri diviso *osse pubis*, media  
sui parte, ubi substantia cartilaginea interve-  
niente extremitates ejus coalescunt, & femo-  
ribus non sine magna vi à se invicem di-  
ductis, (utcunque de ejus dehiscentia prom-  
ptissima exitui foetus magnopere faventi  
quam multi somniarunt,) foetum situ in-  
verso, (i. e.) clunibus ejus & tergo nobis  
obversis, manu sua dextra brachiū sinistram

O ample-

amplectentem, cum pedibus reclinatis jacentem, ex involucris suis, cum *placenta* ab *Uteri* interno pariete, (qui quaqueversum duos digitos pene crassitie transversos sua æquabat,) absque vel unius guttulae sanguinis missione dum illam leniter digitis separabamus, exemimus.

*Tumor* ingens occipiti ejus insidebat, quem, facta apertione, sanguine coagulato repletū invenimus, à quibusdam vasibus sanguineis, dum uteri cervicis angustiis constrictū & strangulatum Infantis Caput hæsisset disruptis, probabiliter ortum suum ducens.

*Tumor* magnus & durus unam *Scroti* medietatem afficiebat, quem *herniam* primo aspectu aquofam fuisse conjiciebamus; cum autem eum cultro strictius explorassemus, vento solum intra tunicā *vaginalem* distentum, & proinde dato exitu per incisionem statim evanescentem invenimus. Digitum meum in aperturam factam inserui, experiri lubens, num ullus flatuum istorū intra hanc tunicam vaginalē contentorū commeatus cum cavitate abdominis intercederet; nullum autem omnino istiusmodi communicationem reperi, *processu* illo *peritonei* vulgo dicto, (qui istius membranæ lamina exterior est,) vasa spermatica vaginæ instar in eorum ex abdomen exitu arcte complectente, & cum iis usque ad testiculos protensa, at absque ulla infra abdomen, eo loci.

ci ubi ex eo primum egredi incipiunt, aper-tura, (interiori *Peritonei* lamina spermato-corum vasorum exitum firmiter occluden-te) naturaliter se habente.

Hactenus solum in pauculis his *Unius* corporum inspiciendis procedisse propter rationem supra allatam concessum est. Quapropter ut damnum hoc, quantum in me esset, aliquantulum saltem resarcirem, Cor *Embrionis* cum pulmonibus vasculisq; appensis exsecui, si quid inibi lateret, quod quovis modo circa partium istarū functiones me erudiret, horis successivis postea lustraturus.

Primum igitur in aquam *Pulmones* projeci, qui carnis instar, rubri & densi statim ad fundum descendebant.

*Foramen ovale* ex venæ cavæ trunci ascendentis, ubi ad auriculam dextram appropinquit, immediate citra *Tuberculum à Lowero* sic dictum (se hic ascendentem inter & descendenter istius *Venæ truncum* projiciens, quo absque mutua oppositione utrique rivi sanguinis facilius in cordis ventriculum labantur) extremitate excavatur; sese in arteriæ venosæ seu *pulmonalis* venæ finem aperiens, ubi vas istud sanguinē suum pleniori alyeo post infantē natum è pulmonibus refluum effundere solet. Unde evenit ut huic forami occludendo post natum infantem, dū *valvula* quandā forami prædicto appositam, & proximo loco describen-

dam præterfluens, cursu suo naturali ad foraminis marginis ejus arctius adigendo aliquantulum, (licet alio artificio omnino, quam hæc tenus creditum est quod suo loco statim demonstrandum venit, id domum negotium à natura peragatur) inserviat.

Hujus *foraminis* cum sanguine per id profluentि habes delineationem prout ejus structura se habet in *fœtu* hoc præ meis manibus ante respirationem nato, in prima *Figura a b.*

*Valvula* hæc prædicta à superiori marginis foraminis parte, & ex illo istius latere, quod auriculam sinistram aspicit, enascitur, deorsum propendens tali latitudine, qualis veli instar, si quovis modo applicetur, vel propellatur ad *foraminis* circumferentiam, eam contegere valeat, ut videre est in *Fig: prima ccc.*

Inferiori hujus parti *chordulas* quasdam rubras & fibrosas, quibus ad *venæ pulmonaris* parietem alligari videbatur in *vitulis* adnatas semper conspexi, & ita unius eorum corde à me præparato conspiciendæ veniunt, in *hominibus* autem semper absentes.

Obturatum iri hoc *foramen* post *fœtus* nativitatem à *valvula* jam descripta, dubitavit nemo; de modo autem seu ratione qua fit, à nemine quod sciam scriptis proditum est. Quam idcirco, cum miræ exinde naturæ in operationibus ejus juxta regulas

las mechanices solertiæ Lectori his rebus se addicenti illucescat instantia, hic loci inse- ruisse, haud supervacaneum esse duximus.

Recordemur igitur *Tuberculi*, de quo su- pra mentionem fecimus, & alii præter eum à *Doct.*: Viro assignatum, nec minus necessa- riò usui id inservire reperiemus; utpote cu- jus ministerio occlusionē *foraminis* prædicti, quo à minori brevioriq; ad majorem longio- remq; circulū ducat sanguinē, natura, quam- primum respirare inceperit Infans, absolvit.

Copia igitur mihi facta *Infantis* aliis fur- tiva venere geniti, & à matre crudelissima post dimidiā horæ quadrantem (uti con- fessa est ante obitum) suffocati, (cujus dissektionis postmodum narrationem in- tegram habebis,) *Cor* ejus cum singulis vasis sanguineis primum inflavi, & eo- dem etiam tempore *pulmones* per *trache- am* eos quotidie de novo insufflando, id- que ter vel quater in die, (aliter enim vix omnino inflati manebunt, & utcunque se- dulo id coneris, admodum imperfecte eos tandem inflatos habebis,) & aeri aprico, utraque (viz.) tum hoc, tum illos sus- pensa usque ad omnimodam exsiccationem commisi; quæ sane prius *Spir: Vini* per- fusa, & condita, eleganti formæ gaudentia, uti etiam adulorum, tum *hominum*, tum *brutorum* mecum domi servo cuilibet, cui id volupe fuerit, inspicienda.

Postea apertis cordis hujus Infantis auriculis, *foraminis valvulam* situm alium, & ab illo qui in prioris Infantis corde cernitur, & in priori *Fig:* delineatur, plane diversum, uti in hac *Fig:* secunda per explicationes ejus manifesto satis patet.

Inspectis his *Figuris*, annotatisque earum explicationibus, succinctior, longe intellec<sup>t</sup>tuque facilior erit sermo quem super hoc naturæ negotio instituturi sumus.

In prima *Figura* conspicuum est, sanguinem in *fætu* nondum respiranti, modo plane declivi à venæ trunco ascendentí prope ad auriculam per *foraminis* partem inferiorem è transverso directe illi patentem, in *venæ pulmonalis* extremitatem prope ad *auriculam* sinistram, statim ad sinistrum *ventriculum*, illinc per *aortam*, & inde in corpus universum trajiendum, dum fœtus in utero, sit & Pulmones immoti perstent, transmigraturum.

In secunda, videmus *foraminis* aperturam, quarta sui parte, præter propter respectu ad ejus circumferentiam habitu, cum valvula, ab imo suo situ, dextram versus altius aliquantulum scandentem, in *Infante* recens nato, & per paucula momenta respiratione uso; unde colligere est, quod sanguis è vena cava illuc appellens, & aperturam istius *foraminis* è tramite suo pristino aliorum (viz.) a litera *c.* in prima *Fig:* ad

ad literam c. in *secunda*, deflectentem reperiens, in auriculam jam alveo suo inhantem, cum sanguine reliquo à superiori seu descendenti *Venæ cavæ* trunco reffluo, per partem foraminis jam clausam novo incepto cursu decurrat.

In tertia *Figura*, foraminis apertura, adhuc altius suspensa cum valvula, juxta naturalem suam dispositionem in *fœtu* tres septimanas nato, (cujus viscera penes me sunt in *Sp: Vini præservata*) delineatur.

In quarta, foramen cum sua apertura, & *Valvula* plane inversum, uti in corde *adulti* quod præparatum habeo, apparet; ubi ejus apertura supra tuberculi marginem inferiorem è latere *Venæ pulmonalis* penitus se recondit, cum *valvula* eidem proculdubio tractu temporis, prorsus, ni aliter quovis impedimento intervenienti contingat, firmiter adhæsura. Est ubi dehiscenciam intra *valvulae* hujus extremitatem & *tuberculi* marginem prædictam superiorem conspexi, licet, uti ab auctoribus quibusdam vere observatum est, rarius contingentem; cum enim ad summittatem in *Figura* quarta notatam ascenderit *apertura* cum *Valvula* plane inversa, ad rivum sanguinis è pulmonibus transmissum magis exponitur (ut conspectis *figuris* constet) quo factum est ut exigua forsan sanguinis portio continuo illac irre-

O 4 pendo,

pendo, *valvula* eo loci ab omni cum marginē *tuberculi* cohæsione, vel per totam vitæ humanæ spatium impeditat.

Absoluto jam negotio quod suscepimus in *foraminis* hujus situ, structura, & mutatione demonstrandis, quoad fœtum humānum ante, & post ejus nativitatem, ultro se offert occasio, ut aliquid de ejus usu, utpote etiam de ratione integrorum cordis vasorum, structuræ, & fluidorum per id transcurrentium in fœtu, modo ab eorum qui in adultis conspicitur plane diverso, in medio prof. ram; Idque eo lubentius, cum ob hanc haētenus vix satis perspectam ansa data est, Monsieur *Merry*, Chirurgo Pariensi, eidem & anatomico peritissimo munus plane novum huic *foramini* assignandi, & istius suffulciendi ansa, magnopere circa cæterorum cordis vasorum structuram, & officia, hallucinandi.

Id autem vix auspicatus fieri posse judio, quam si Dom: *Merry* sententiam prius exposuerim, postea aliorum contra eam objectiones recensuerim, & tandem quid egomet circa hanc controversiam censem, breviter subjunixerim.

Afferit Cl: Vir quod juxta communem opinionem de sauguinis circulatione in fœtu per Cor, Arteria *Aorta* magnitudine

ne

M. *Merry*, *De la Circulation du Sang du Fœtus par le tronc Ovale. Extrait des Registres de l'Academie Royale des Sciences.*

ne excedere debet *Arteriam Pulmonalem.*

Posito enim secundam eorum sententi-  
am totam sanguinis molem è vena cava  
allatam ad Cor, mediantibus *foramine o-  
vali* cum auricula & ventriculo sinistris,  
per Arteriæ aortæ truncum illinc revehi,  
dempta exigua istius portione, tertia (*viz.*)  
totius (ut illi affirmant,) ventriculum dex-  
trum intrantis plus minus parte, & per  
*canalem communicationis* in truncum aor-  
tæ descendenter deflectentis, necesse est,  
ut *Aorta* longe amplior existat *Arteria pul-  
monali.*

Cum autem è contra ex autopsia, uti ait,  
sibi constaret, *arteriam pulmonalem aorta*  
bis esse ampliorem; statim contra hactenus  
receptam in corde foetus sanguinis circula-  
tionem insurgens, aliam plane novam, &  
à vero aberrantem è cerebro suo effinxit,  
quæ sic se habet.

Totius sanguinis in tres partes divisi in  
ventriculum dextrum è vena cava allati,  
& *foramen Ovale* omnino prætervecti,  
pars una eaque maxima per *canalem com-  
municationis* (quæ ad *aortæ* magnitudi-  
nem fere accedit, idque vere, uti in *Fig: 5.*  
explicatione patet secundum illum) in ejus  
truncum descendenter transit, partes re-  
liquæ duæ per arteriæ pulmonalis ramos  
binos per pulmones circumferuntur, quo-  
rum portio illa residua, quæ per *aortam*,  
(cujus

(cujus (uti ait ille) diameter duorum arteriæ pulmonalis ramorum diametris unitis, non prorsus respondet,) revehi non potest, è *vena pulmonali* per *foramen Ovale* omni valvula, juxta positionem suam destitutam, *Ventriculum dextrum* intrat, illinc in arteriam pulmonalem denuo, ut prius per pulmones, infalutatis prorsus vel *aorta* vel ventriculo sinistro, continuatò deinceps hoc privato, & ab altero reliquoque sanguini communi separato per totum gestationis tempus circuitu, redditurus.

Huic novæ hypothesi concinne fabricatae & priori dudum receptæ prorsus contrariae (& ut mihi sane probabile maxime videtur) nodo illo quem *arteriæ pulmonalis* præ *aorta* in *fætu* magnitudo nexerat solvendo apprime compositæ, utcunque majoribus difficultatibus implicatae, scriptis opposuere Cl: D: D: *Verheyn* & D: *Bussiere*.

Prior, missa omni quæ ex instituto durarum arteriarum tubulorum quoad eorum amplitudinem quovis modo (*viz.*) per insufflationem, seu alicujus liquoris injectionem examine desumatur, utpote admodum in se incerto, argumentatione, *valvulae* præcipue quæ *foramini ovali*, pro operculo inservit, existentiam à D: *Merry* negatam, & insuper ejus structuram communi opinioni maxime faventem; deinde *foraminis* ejusdem magnitudinem insignem, utpote

utpote tantillæ portionis sanguinis solum reductioni quam per id admitti statuisset D: *Merry*, minime respondentem, magno sane animi acumine, cum aliis quibusdam rationibus levioris momenti contra illum urget.

D: *Bussiere*, postquam valvulæ situm, ad sanguinem, uti contra D: *Merry* sententiam omnes haetenus statuerunt, è *vena cava* intrommittendū idoneum demonstraverit, & rationem qua *Aorta* eandem sanguinis quantitatem eodem temporis spatio, etiamsi angustioris sit capacitatis, modo nifus ejus ratio, seu vis pulsifica fortior sit, quo vas aliud minori nisu donatum eam transmittere valeat, et si ampliorem cavitatem sortiatur, optime explicuerit; tandem *arteriæ* utriusque peripheriam eandem, vel suffragante experientia attribuendo, se penitus D: *Merry* hypothesis *arteriarum* istarum inæqualitati præcipue innitentem unico isto argumento inexpugnabili sustulisse contendit.

Satis omnino ad omnes à M. *Merry*, hypothesis suæ suffulciendæ causa allatas rationes diluendas a præmemoratis Cl: *Authoribus* fuisse dictum, quam libenter fateor. Parùm autem, vel nihil, quantum mihi observasse contigit, ad eam, quæ maxime interea momentum habere videtur, difficultatem enodendam; unde scilicet eam *Arteriæ Pulmonalis* quam ei revera inesse in *Embrione*, cavitatis amplitudinem cernimus

mus si non duplicem ad *Aortam* secundum *Dom: Merry*, saltem *Dom: Bussiere* consentiente æqualem, imo aliquantulum, (omnimo-  
da experientia facta edocitus) asseverare au-  
deo, majorem (uti inspecta *Fig: 5.* constat)  
accedisse contigit, cum sanguinis longe mi-  
norem quantitatē per eam reduci, quam per  
*Aortam* juxta communem opinionē omnes  
haetenus strenuè constanterque statuerunt.

Verum omnino esse concedo quod eo-  
dem temporis momento possit eadem quan-  
titas liquoris per angustiorem canalem, ubi  
vis impellens per eum fortior extiterit, quo  
per alium ampliorem liquorem vi minori  
adactum transmittentem transfire, juxta ra-  
tiones à *D: Bussiere* in loco prædicto supra  
datas; Minoris autem hic longe momenti  
esse hoc argumentum mihi videtur, quoniam  
nullam omnino rationem video, quod post-  
quam tam copiosæ sanguinis portionis per  
*Arteriæ pulmonalis*, & canalis arteriosi am-  
plitudinē, uti ex supra allatis pateat, recepti-  
oni, præsertim cum etiā per particularē va-  
sorū conformatiōnem infra tradendam, par-  
ciori per Pulmones sanguinis circulationi  
(quo maxime videntur veteres collimasse)  
(fœtu adhuc in utero existente) natura pro-  
spexerit, adeo immensam istius quantitatēm  
per aliā semitā longe minus accommodatā,  
(viz.) cavitates Auriculæ & Ventriculi fini-  
stri angustiores transferri, vel veteres vel ulli  
eorum asseclæ contendant. Pauca

Pauca igitur ad istius difficultatis solutionem, seu dilucidationem, ab iis prætermis-  
sam, eorum qui veritatem solum colunt  
gratia hic subiecte visum est.

Eaque ex partium accurata inspectione exprompta, de quibus sermo jam est &  
controversia ; viz. in *fætubus* humanis aliquibus ante respirationem mortuis ; ali-  
is aliquot momenta solum temporis post  
nativitatem respirantibus ; aliis diem unum  
& alterum natis & denatis ; aliis tribus  
septimanis natis ; aliis adultis ; quorum  
omnium corda cum vasibus suis appensis  
aliquot inflata & siccata, alia humida in  
spiritu vini infusa, alia ex injectione ceræ  
præparata, alia corpore integro sanguine  
adhuc turgida, & in eo statu diutina spi-  
ritu Vini immersione indurata, apud me  
servantur.

Primò igitur advertendum est, *valvulam*  
supra dictam *foramini ovali*, seu potius  
*rotundo* appensam, ejusdem margini undi-  
quaque adnecti, servata solum quarta plus  
minus parte ad imum istius *foraminis* aperta  
sanguinis transcursui dicata ; ita ut haud  
adeo magnam sanguinis quantitatem, ac  
haec tenus suspectum est, juxta communem  
opinionem per eam trasmitti posse, &  
proinde majorem longe quam antea ad *ar-  
teriam pulmonalem* ascendere merito con-  
cludamus. Cui argumento stabiliendo max-  
ime

ime facit *Canalis arteriosi* constitutio, qui etsi naturali sua proportione cum vacua est, non prorsus juxta D: *Merry* ad *Aortæ* magnitudinem venit, uti cuiquam facile cui volupe fuerit eam, seperatis prius membranosis expansionibus eam cum *arteria pulmonali* & *aorta* connectentibus, caute denudatam, oculis contemplari apparebit; liquore tamen quovis repletam, eam quam proxime primo suo præcipue egressu ad arteriæ istius cavitatem accedere reperiet. Hoc cum primo animadvertissem, & curiositate excitatus eam cultro aperuissem, internam ejus tunicam laxam, & parum rugosam, & proinde cuivis liquori impetu quovis injecto facile cedentem reperi; adeo ut longe majori sanguinis oneri, quam olim veteri *hypothesi* innixi crediderunt, revehendo à natura comparatam esse jure autumemus.

Secundò attentionem nostram meretur, *Arteriæ pulmonalis* ramorum duorum strutura, ab aliis quod sciam nondum animadversa. Hi enim statim ab eorum ortu qui à parte hujus *Arteriæ* trunci interiori est, è regione canalis communicationis adversa, non solum admodum a se invicem utrinque, dextrorsum scilicet, & sinistrorsum, maxima fere distensione inter se facta recessunt, quin etiam admodum in suo transitu declives evadunt prius quā pulmones ingrediuntur. Ita ut ab aliquo tempore vix mihi per-

persuaderem, ullam omnino sanguinis portionem pulmones illac ingredi posse, præcipue, cum è directo vas ei adeo amplum adstare ad sanguinem illuc adductum excipiendo (viz.) *Canalem Arteriosum* adspexerim. Cum igitur viam illam adeo deviam & impeditam sanguis invenerit, & ob *Valvularum semilunarium* renitentiam facile regredi nequiverit, *Arteriam* hanc non potest, quam aliter accidisset, non reddere intumescentiorem. Imo, ut verum fateor, ex hac vasorum conformatione (quæ omnem scilicet per pulmones sanguinis circuitum præclusisse, mihi primum videbatur,) adæquatam satis difficultatis hujus enodationem, cur scilicet *Arteria* hæc cavitate tam ampla donaretur, præsertim, cum Cl: aliquot *Viros* in eadem fuisse sententia, jamdudum mihi innotuerat, me invenisse credideram, & vix alicujus momenti apud me fuit communis objectio, quod aliter (viz.) haud satis aperta per tam longam *fætus* in Utero moram sanguinea vasa mansissent; cui rejecisse satis esset, quod vesiculas aereas absque ullo aeris aditu satis apertas, per totum id spatium cernimus manere. Cum autem mihi non omnino consonum videbatur, vel aliorum, vel mei ipsius conjecturis in re nondum experientia probata fidere, statim ad istius trutinam me contuli modo sequenti.

Embri-

Embrionis vitulini *Arteriæ pulmonalis ramos* (qui secus quam in homine tres sunt, duo majores, unus longe illis minor) è primo eorum à truncō suo egressu filo ligavi, postea eos *pulmones* ingredientes a pulmonum substantia denudavi, tandem facta levi in uno eorum apertione, sanguinis, statim copiosam sponte subsequi vidi effusionem, eamque parcius vel liberius, prout postea *pulmonum* lobos digitis levius vel fortius digitis comprimerem, effluentem; & quod mirabar, admodum spumosum uti in *hepatis embrionum* sanguine olim observaveram. Utcunque autem de sanguinis circulatione per hoc viscus certior factus sum, nullus dubito quin admodum lento gradu fiat; cum ob conformatioinem vasorum supra narratam, tum ob *pulmonum* substantiam tunc temporis adeo densam & compactam, ut instar glandularum ad tactum dura & nodosa sentiantur; Nec sane quomodo per pulmones circulatio sanguinis apte fieri potuit, concipere valeam, nisi vasa sanguinem excipientia, durante tempore gestationis, coincidentibus tunc temporis *Pulmonibus*, longe ampliora & capaciora existerent, utire vera vel visui satis perspicuo apparent, nondum expansionem passis pulmonibus.

Concessa autem tardiori, hoc per pulmones sanguinis transitu, quo fit ut minor sangu-

sanguinis per eos quam si eorum substantia laxior rarerque fuisset singulis *Ventriculi dextri systolis* percurrat; propter eandem rationem, a confertiori ejus in hanc *Arteriam* influxu, necesse erit, ut *truuco* ejus amplitudo major accedat.

Aliam *phænomeni* hujus rationem a laxa & tensili arteriæ pulmonalis tunica mutuemur, & quæ unica Cl: illi Viro, egregie videtur imposuisse; hinc enim evenit, ut quovis modo *arteriam* hanc, (*viz.*) vel flatu, vel simplici quovis liquore vel cera repleveris, inde molem sibi naturali fere duplam adsciscat, uti in *arteria* hac cera præparata apud me videre est; quo autem certius de facto constaret, experimentum feci in *arteria pulmonali* adulti, ubi simili prorsus modo rem se habere inveni; bis enim saltem hinc vidi *aortæ* trunci diametrum illum arteriæ pulmonalis superasse.

Ultimam, eamque non levissimam mihi liceat adnectere, providum (*viz.*) naturæ scopum; hinc enim cautum est ne fœtu postea in lucem edito, a longe uberiori sanguinis quantitate huic arteriæ allata, ab utriusque scilicet, venæ cavæ truncis reflui, & celeri ejus appulsu, cessantibus jam *fornaminis rotundi*, & *Tubuli arteriosi* officiis, arteriæ hujus parietes subito disrumpantur.

*Dissectio Sexta, (viz.) Embryonis ordinario partus tempore nati, & post minuta septem denati.*

*Dec. 22. 1701.*

**I**ntestinum *Colon* tribus, plus minus unciis ultra *Cæcum* in totali sua circumvolutione, & tandem in ejus descensu tribus vel quatuor factis circumgyrationibus, prope *Cæcum* fæcibus subflavi coloris, & consistentiæ pultem referentibus replebat, quæ colorem intense viridem per integrum *Rectum* usque ad *Anum* exhibebant, unde *Meconii* nomen vulgo nactæ sunt.

*Mesenterium* intestinum *Jejunum*, & *Ileum* ubique colligans à sua terminatione ubi incipit *Ileum* sursum denuo ad originem suam ascendere videbatur, & ab eodem loco terminationis suæ (viz.) ubi *Ileum* in *Colon* ascendit, membrana quædam illi continua, longe autem gracilior, *Colo* adnasci, vulgo *Mesocolon* dicta, quæ quidem potius mihi videtur esse quædam *Membranæ Peritonei* produc<sup>t</sup>io, ubique *Colo*, imo Intestino etiam *recto* è vertebrali regione protensa, & *Mesenterio* propriè sic dicto videlicet *Intestina tenuia* invicem connectenti, loco supra indigitato connata.

*Vesica Biliaria* exterius coloris erat subrubri.

rubri. Leniter eam, & quam caute fieri potuit, ab hepate separavi, videre lubens, qualem mihi aspectum præberent radices ejus vulgo sic dictæ. Ne guttulam quidem sanguinis vel alicujus aliis liquoris ex iis stillare deprehendere potui. Fibrillarum seu surculorum instar mihi apparebant è granulata seu glandulosa *Fecoris* substantia erumpentes, & ad vesicam protensi. Intus in ea continebatur exigua solum humoris viscidi & gelatinosi portio ad gustum plane insipidi. Eundem in Embrionibus *vittulinis* pro ratione ætatis magis vel minus, insipidum sæpe expertus sum. In iis partitioni proximis flavioris coloris, & gustus amrioris.

Interna ejus membrana glandulis parvis confertim conferebatur.

Nullam prorsus *Bilis* ex hisce subministrari glandulis portionem (ut Cl: aliquot viri suspiciati sunt) prout supra adnotavi etiamnum me credere autumo, & exortam circa hanc rem inter quosdam peritissimos Anatomicos controversiam plane sustulisse (iis nempe animalibus ubi hepati *Vesica felis* adnascitur) mihi videtur Experimentum sequens, à Cl: Viro Jos: Zambuccario, factum, in Experimentis ejus circa diversorum viscerum constitutionem, è diversis animalibus exfectis, Cl: Viro D: Redi dicas Mis: Cur: Decur: 3. An. 4. in App:

p. 104. ubi foveam hepatis totam à *vesicæ bilariæ* leni divulsione reliqtam cuius extenis labiis postea adhærescebat *Intestinum*, bile extravasara refertam invenit, absque eo (ut istius verbis utar) quod eidem bili particula aliqua extravasati sanguinis immixta appareret.

Ductus ejus in duodeno intestino unciaæ unius cum dimidio latitudine infra *Pylorum* ubi transversim sub fundo ventriculi, ad latus sinistrum Intestinum jejunum introitum vergere cœpit, cum exigua protuberantia quam in adultis nunquam observavi, terminabatur.

*Pancreas* coloris albi erat, è plurimis glandulis minoribus, quoad superficiem ejus conflatum. Longitudo ejus quatuor uncias æquabat, latitudo unciam dimidiad. Ductus ejus seorsim à ductu bilario exiguo intervenienti spatio, & eodem intestini latere, cum protuberantia etiam exigua, uti ductus bilarius terminabatur.

*Mesenterium* quod à vertebris lumborum superioribus exortum eo loci ubi duodenum flexim sub ventriculi fundo serpens, cum *Jejuno* communicat, intestinorum gracilium circumvolutiones quasi in centro colligit, & suspendit, *glandulis* quamplurimis scatebat, quoad magnitudinem inter se discordantibus, maximis earum (quales sunt ex quæ in *Ilei* vicinia existunt) vix pisum superan-

superantibus, omnibus *Mesenterii* centro quam ejus limbo propioribus.

*Diaphragma* muscularis duobus utrinque è parte sua infima, & postica prodeuntibus, & in *Tendines* duos albos, teretes & validos desinentibus *Vertebrarum* decimæ tertiae firmiter alligabatur.

*Glandulæ renales* seu *Capsulæ atrobiliariae* vulgo dictæ in *Embrione*, & in adultis ad aliquot menses, *renibus* non solum in eorum superiori parte instar *Cotyledonum* arcte adhærent, verum etiam productione membranæ eos ex omni parte circumambiant. In parte superiori ubi instar cotylæ eos arcte tegunt longe crassiores sunt ; in suo descensu, eorum limbis exterioribus substantia sua glandulosa at eo loci aliquantulum superiori earum parte longe graciliori leviter adhærent ; postea foliacea & tenui expansione *renes* integros amplectuntur.

Diaphragmati parte sua inferiori arcte satis adhærent hæ *Glandulæ*, & eorum *dextra* etiam hepati.

*Sinistra*, parte sua superiori firmiter *spleni* adnectebatur, & etiam *Pancreati*, quod cultro separare necesse est, priusquam omnino in conspectum veniat.

Substantiam eorum glandularum instar conglomeratarum se habere plane deprehendi, ex qua cultro dissecta succum pro-

dire aquosum instar earum glandularum videbis.

Facile eas tota sua substantia à renibus separavi absque alterutriusq; læsione, cum quibus communicare vasorum tenuium interventu more eodem, ac *pia mater* subjacenti cerebro plane conspicies.

*Ramum* insignem ab arteria & vena emulgenti renibus his succenturiatis transmitti semper observavi.

*Glandulæ* duæ exiguæ congregatae immediate hepatici subjacebant, quarum una ei per productionem *Mesenterii* affigebatur, altera (*viz.*) superior alia pariter productione simili *ventriculo*, eo loci, ubi eum ingreditur *aesophagus*.

*Ventriculus* substantia quadam crassa gelatinosa palidi coloris replebatur, portione ejus quæ pylorum versus substitutebat reliquæ longe tenuiori expurgationi, & translucida existente, & eodem statu per intestina omnia gracilia persistenti.

*Ventriculi* interna membrana microscopio spectata visui *glandulas* pene innumeras albas fibimet prope adstantes, & per totam ejus superficiem quaquaversum disseminatas exhibebat.

*Pylorum* nil nisi ventriculi membranæ interioris portionem duplicatam, unde durior aliquantulum ad tactum sentitur, in Duodenii

deni principium dimissam & laxe propen-  
dentem, esse plane conspexi.

*Vena umbilicalis* hepatis sinum medio  
fere transitu intrans, magnam inde sanguinis  
partem per *Tubulum venosum* immedia-  
te in *venam cavam* prope diaphragma, par-  
tem aliam & proculdubio majorem in *Por-  
tæ* venæ ramulos per totum hepar disper-  
sos transmittit; cum enim *sinum* istum a-  
peruisssem, statim in eo insignia quædam  
foramina, quinque vel sex ex utroque ejus  
latere exsculpta, quæ specilli immissione pri-  
mum, postea ulteriori prosequutione fa-  
cta per totum hepar pluribus subdivisio-  
nibus distribui, plane detexi. Ultra hos in-  
signiores ramifications è *sinu* etiam pro-  
diere innumeræ fere aliæ parvulæ, vix se-  
tam porcinam admittentes.

*Tubuli venosi* diameter, cum eum dis-  
cuiussem, vix quartam *sinus* diametri par-  
tem æquare reperi.

*Sinus* ipsius longitudinem duarum fere  
unciarum habuit, & latitudinem semunci-  
alem.

*Venæ portæ* ingressum in hepar, cum a-  
libi in embrionibus *vitulinis* indagarem, a-  
lium prorsus ejusdem quam hactenus quod  
sciam ab aliis observatum est, conforma-  
tionem adnotasse contigit; Primo enim  
suo in hepar appulsi utriusque ibi truncis  
ejus unitis (qui longe minores sunt, in em-

brionibus quam adultis, proportione utriusque etiam quoad corporis molem habita,) immediate post ejus ingressum *sinum* quendam componit illi plane similem quem *Portæ* finum nominamus, solum aliquantulum minorem. Ex eo emittuntur ramus unus magnus deorsim, alias sursum, alias antrorsum prioribus minor, ex his procedunt plures aliæ ramifications undiquaque per jecur dispersæ. Hisce ita dimisis, anterius alveo majori, quod reliquum est sanguinis in *sinum* magnum supra descriptum deponit.

Constantem hujus hanc *Portæ* conformatiōnem in variis foetibus vitulinis observavi; fateor autem ejusdem existentiam in humanis embrionibus, haud pari fiducia me posse asserere, cum id in schedulis meis speciatim & expresse notatum non inveni; forsitan quod aliis majoris tunc temporis momenti inquirendis discribendisque, quoties iis tractandis versarer, penitus defigebar, si autem memoriæ ullatenus in hac re fidendum sit, de ejus existentia vix dubitare licet.

Substantia quædam rubra exigua *Portæ* utrinque inferius adhærescebat, num ejusdem cum hepate substantiæ, vel alterius particeps nescio, postea forsitan temporis progressu Jecoris πύλαι nominanda.

*Vesicularum seminalium ductus terminatio-*

nationibus ex utroque latere *rostri Gallinaginis protuberantia* quædam adstabat, uti ductibus *bilario & pancreatico* ut supra annotatum est; nullus autem extillabat liquor utcunque valida vel vesicularum vel prostatarum facta compressione.

*Vesica urinaria* parum urinæ in se continebat, & spiritu inflata paululum solum ultra eam quam possidebat amplitudinem distendebatur.

*Thymus* ter magnitudinem ejus quam in hominibus ordinario cernimus, superavit. Subrubri floridiq; erat coloris, originem suam à suprema sterni parte dicens, cui medio ejus descensu firmiter adhærebat; reliquo ejus descensu liber super cordis basin in cumbebat, ad mucronem ejus processibus suis lateralibus (nam protensior est partibus ejus lateralibus quam medio) fere portingens, qua ejus parte media scilicet eum connectit Ossi sterno *mediastinum*, per eum longitudinaliter transcurrentes.

Intestina 20 pedum longitudinem excequabant.

*Urachi è vesica* exitum per stylum & flatum (utcunque certo cum cuivis modo indaganti successum spondeat Cl: Needham, p. 94.) tamen incassum etiam si omni diligentia id fecerim inquisivi. Tandem eam *Aq: f. repletam* (cujus tria cochlearia integra capiebat) fundo deorsum filo suspen-  
di,

di, quam totam spatio tridui per urachum in vas suppositum lente & guttatum transiisse reperi. Hinc de perforatione *Urachi* factus certior eam setarum, & graciliorum specillorum immisione ulterius inquiringendo prosequabar. Cum autem nullo modo eum detegere valuissem, demum inversa prius vesica, & intruso subtus digito, in rugosa ejus membrana versus fundum eo loco ubi de ea procedit *Urachus*, papillam quandam oculis detexi, cuius apicem forcibus cum abscississem, statim oculis meis incurrit ejus perforatio.

Huic intrusum specillum facile in *Urachum* transivit, & postea adaptata fistula insufflatoria eum cavitate pennæ anserinæ & amplius donatam deprehendi; cuius in vesicæ urinaria apertione ob internæ ejus membranæ lubricitatem & laxitatem, vel saltem peculiarem quandam conformatiōnem nondum mihi notam vix oculis, digitis, vel stylo, statu suo naturali deprehendere unquam possumus.

*Pulmones* rubri & sanguinei coloris sunt in aqua (ut supra) subsidentes. Quo mihi certius constaret, num sanguis per eos circularetur ante respirationem (sunt enim qui negant) denuo hic in *fætu Humano* ut antea in *Vitulino*, arteriam pulmonalem filo ligavi prope cor, postea è foramine cuspidi scalpelli in uno ejus ramorum facto sponte

te sanguinem, & libere, & majori vel minori abundantia juxta quod vel leniter vel fortiter pulmones digitis comprimerem effluentem, ut olim confexi.

*Pulmonum substantia interna illam glandularum congregatarum quam proxime emulatur.*

Interstitia, quorum mentionem facit *Malpighius*, lobulos distinguitur, hic facile se praebent conspicienda per se, distinguuntur autem si pulmones juxta ejus monitum semiinflatos reddas.

Fortiter aerem per *Tracheam* in *pulmones* insufflando, saepe quibusdam in locis *membranam* externam à substantia *pulmonum* separatam, & quasi in vesiculos quasdem expansas & aere plenas observavi, eorum instar quas in *Dissect: 29.* infra exhibenda in pulmonibus viri de febre tertiana mortui difficulter aliquando inter dormendum ducentis spiritum, inveni, quem in retrocessionem difficulter admodum, vix omnino exterius cum digito facta expressione adigere valebam.

*Auricula* sinistra cordis vix quartam amplitudinis partem *dextræ* æquabat, de cuius conformatioonis ratione antea in alia Observatione aliquid notavi, plura impostorum data occasione additurus: Obiter hic notando quod in Vitulis (Ovibus etiam ut memini) *Vena azugos* (quæ in illis sinistrorum)

sum,

fum, immediate sub *Aorta* ad octavam *vertebram* deorsum descendit, aliter, & modo plane contrario quam in homine) postquam à loco isto sursum ad costam quintam in conspectu ascenderit, sensim deflētens, sanguinem suum vel in *auriculam* sinistram, vel in *venæ pulmonalis* finem fundere videtur, unde haud inani prorsus forsan conjectura innotescat nobis ratio, quod in illis animalibus *auricula* ista proxime ad magnitudinem *dextræ* accedat, licet quoad fibrarum carnearum ordinem, & cordi adhæsionem multum ab ea abludat.

Ultra *tunicam mucosam* palatum superiorius terminantem, ex cuius medio pendet *Uvula*, prope ad ductus duos in nares patentes utrinque conspicitur *foramen* satis amplum, *canaliculum* conficiens cartilaginosum semuncialis, & aliquid amplius longitudinis, per fissuram inter *ossis cuneiformis*, & *temporum* confinia paulo cis *foramen sextum* rotundum basi calvariæ, (per quod intrat arteria carotidis ramus utrinque per *duram matrem* insumptus,) excavatam, productum, & in *Tympano* terminantem. Margines hujus canaliculi membrana *Palati* laxa & fungosa undique obducuntur, ita tamen ut in eum facilis aeris ingressus concedatur. Hunc in dextro latere humoribus fariosis plenum reperi, qui cum inibi immississem stylum copiose exeso tympano

pano in parte ejus inferiori effluxit; aliquid hujus humoris etiam in sinistro ductu offendit, sed tympanum integrum erat.

In capite omnia naturaliter se habebant. Nulla omnino aqua in ventriculis, vel ulllicubi innatante.

---

O B S E R-

## OBSERVATIO XXXIII..

*De Testiculi sinistri Hydrope cum Dissectione.*

**A**Grotanti Fœminæ cuidam quadragenariæ vultus floridi, & aliter vegeti, immenso Abdominis tumore diu oppressæ, & jam vomitionibus profusissimis, cum ingenti spirituum languoribus laboranti advocatus, remedia quæ maxime ei prodesse sperabam, uti sunt cordalia cujuscunque generis, & opiate unde symptomatum aliqualem mitigationem ægra percepit, præscripsi; quibus tamen non obstantibus viribus fractis & sensim deficienibus post biduum amplius vivere desit.

*Dissectio Septima. Jun: 18. 1698.*

*Aperto Corpore* sequentia adnotavi.

*Omentum* in carnosam plane pro maxima parte degeneraverat substantiam, & in media sui parte portio ejus per rupturam *Peritonei*, eo loco ubi vasa umbilicalia ingredi solent, factam transiverat, & sacculum amplum externe formaverat, quam per incisionem examine facto, variis cavitatibus distinctis liquoribus diversis maximè

me inter se discrepantibus, aquosis (*viz.*) gelatinosis, pultaceis, & lacteis refertam reperi.

Ex hoc sacculo prominulo per sex circiter septimanas ante obitum exsudasset continuo per foramina quædam externe satis conspicua humor, nunc tenuis nunc crassior, unde quotidie facto dispendio, vires magnopere fuisse diminutas, cum illi tunc temporis medicinam facerem, animadvertissem.

*Ovarium sinistrum* in ingentem molem excreverat, ex variis liquoribus distinctis tot loculis contentis compositam. In aliquibus erat humor mere aqueus, in aliis gelatinosus, in his sebi instar, in illis cremoris instar lactis; In multis locis substantia glandulosa conspiciebatur, in aliis plane carnea; quod tandem maxime observatum dignum fuit, hi varii liquores & substantiae mire non solum inter se complicabantur, sed etiam in alterutrorum gremio inclusi quasi distinctis folliculis continebantur.

Vasa huic moli sanguinem aspectantia admodum ampla erant, exportantia admodum exigua modo gravidarum plane contrario. Hic enim maxima ex parte deficiebat humorum advectorum, retro circulatio.

Quod proxime in hoc corpore nostræ

se subjicit notitiæ fuit viscerum in co-  
status, qui sane primo adstantium intuitu  
ob situm eorum adeo à naturali deflecten-  
tem plane abfuisse videbantur.

Jecur enim cum intestinis sub Diaphrag-  
mate, in sinistro hypocondrio, tam alto  
ascendisset, ut illam thoracis partem sub  
mammilla sinistra jacentem iectu transfige-  
re infaucio Diaphragmate impossibile pla-  
ne credidisses.

Causa mortis tam subitaneæ spatio  
(viz.) bidui contingentis oculis statim se  
videndam obtulit. Eo enim in loco ubi in-  
testinum *Duodenum* sub *Colon ventriculum*  
prope, de recto suo itinere transcurrit,  
ob loci angustiam, & superincumbentis  
molis hujus pondus, penitus sphacelatum  
repertum est; unde vomitiones immanes  
cum extremis cruciatibus, & spirituum  
languoribus non nisi cum morte desinentes  
subortæ sunt.

Pendebat ovarium hoc cum integris hu-  
moribus, libras 37, cui æquale quoad  
pondus à nemine, quod sciam haetenus  
observatum est.

Alterum ovarium magnitudinem natu-  
ralem longe superabat, unica ei adhæren-  
te prominula lymphæ tenuis semilibram  
continente vesicula.

*Uterus* interea optime constitutus est.

*Tuba*

*Tuba* istius lateris cum testiculo crassitatem ordinariam subdupla ratione superavit.

Dum aliquot *Vesicularum* prædictarum manubus contrectarem, conspexi substanzias quasdam teretes, & albas, longitudinis disparis, quasdam unciam unam, alias duas, alias tres æquantes, at crassitie haud multum discrepantes ; quas si microscopio observaveram, vermes sui generis extitisse forte reperissem, non autem tunc temporis aliquæ in mentem meam de iis venerat suspicio.

**Q**      OBSER-

## O B S E R V A T I O    X X X I V .

*De Fœmina Lue Venerea ab Infante  
lactato infecta.*

**F**Oemina quædam ab infante quem lactasset, cuius matrem morbo venereo laborantem, haud ita pridem restitueram, & cuius historiam alibi tradere decrevi, eodem morbo afficiebatur.

Ulcus cariosum maxillæ sinistræ insidebat: mollities quædam lata & quasi inflata, in bregmate sinistro, osse proculdubio subtus carioso(ut postea constabat) conspiciebatur. Extremitatibus *Ossis humeri* & *Cubitus* ubi invicem articulantur adhærebant nodosæ quædam *protuberantiæ*. E *Tibia* dextra malleolum versus, magnæ circumferentiæ nodus se extrinsecus extrusserat, & omnes hæ partes hujusmodi male affectæ præcipuè internoctu, dum lecto incalcescebat, doloribus carnificinis excruciantur.

Spatio trium vel quatuor annorum salivationes varias per inunctiones, & fumigationes, sudationes etiam frequentes & profusissimas juxta cujusque genium quos super hoc affectu consulerat frustra subiisset. Tandem magnopere debilitata ad me venit. Ego illi virium suarum debitatem

litatem (& ita revera se res habebat) ob-  
jiciens, & modo eas lactea Dieta, vel cuiusvis  
alius methodi beneficio forte recollegisse  
rescirem, opem pollicitus blande illam remi-  
si. Postea ullius moræ pertæsa, se ad Chirur-  
gum contulit, & illum primo adventu mo-  
nuit, se denuo aliam salivationem subire  
sub ejus auspiciis, utcunque reluctante illo,  
paratam & determinatam venisse, utcun-  
que se haberet eventus. Precibus & pretio  
ille victus tandem auscultavit, & omnibus  
ut solent prævie dispositis, denuo inuncti-  
one mercuriali curatio incepta est.

Ptyalismus regulariter oriebatur, & per  
septimanas tres ita procedebat; post quod  
spatium Diarrhæa invadente ego accersitus,  
quovis modo illi succurrere conatus sum;  
& aliquoties morbum medicamentorum ope  
cohibebam; cum autem multoties recidivam  
pateretur, majori indies virium è morbi  
contumacia facto dispendio, supremum di-  
em obiit.

*Post mortem horarum paucarum spatio  
corporis partes ubi virus insederat inspexi-  
mus, & sequentia paucula observavimus.*

*Dissectio Octava. Jul: 3. 1701.*

Partes Ossis humeri nodosas licet inæ-  
quales, & asperitatibus notatas, ac antea  
cum caries eas infestaverat, nihilominus

sanas penitus & *periosteum* de novo involutas invenimus; unde plane constat ossa carie affecta insensibiliter sanari posse, nulla omnino interveniente partium ea immedieate involventium solutione. Dico posse fieri, non quod author alicui esset, ut semper hisce casibus id committeret simplici naturae molimini, cum longe citius tutiusque chirurgicis auxiliis id effectum vidimus.

Caries *ossis bregmatis* eadem facie, ac dum in vivis erat ægra, apparebat, aspera (*viz.*) & nigra, toto nempe illo spatio quo nudum aeri exponebatur cranium, aperito autem capite non solum ad trium digitorum transversorum latitudinem circum circa sub *pericranium*, licet absque ulla *ossis* istius coloris naturalis mutatione (ob denegatum proculdubio eo loci aeris ingressum) se diffudisse, quin etiam per singula integumenta, imo usque intra cerebrum ipsum penetrasse cernimus. *Dura Mater* nigra, & sanie ichorosa diffiduebat. *Pia Mater* etiam ita exesa conspiciebatur, ut per totam *corticis* subjacentis substantiam similiter exesam usque ad *medullam globosam*, quam etiam vitiouse coloratam reperimus, virus transiverat. Et quod vix conjiceret quisquam hisce non ostentibus ægra interea expers erat omnis doloris, & aliquarum animalium functionum læsionis, per totum morbi hujus decursum.

Sinus

Sinus frontales ampliores utrinque unus, quam unquam in corporibus humanis observavi, septo ostio interclusas, gelatina, seu humore mucoso istius instar qui è membrana narium pituitosa emungi ordinario vidimus repletas, & ductu satis ampio utrinque distincto in superiori nasi parte inter ossa ejus squammosa, (quæ dum probam argenteam per hos ductus demitterem, nuda, erosa membrana glandulosa seu pituitosa, quæ aliter ea integere solet offendit) terminantes. *Membrana* etiam quæ intus hos sinus oblinuit, vix oculis vel digito patebat, num ob naturalem ejus tenuitatem vel exesionem incertus sum, cum *cavitates* has non satis hactenus rimatus essem.

*Pia Mater*, usque in superficie Ventricorum interna firmam & tenacem digitis contrectandam se monstrabat, ultra quod unquam viderim, vel denuo accidere credam, nisi tam brevi spatio post mortem cadaveris inspiciendi concedatur copia.

Nullam omnino aquam in cerebri ventriculis, ne quidem in infundibulo, vel flatu detegendam invenimus, nec unquam in cerebro eorum, qui affectuum aquæ extravasationem non necessario parentium expertes moriuntur, uti olim innui, observaveram.

Hoc *cranium* licet fœminæ gracilis, ju-  
venis, & exiguae staturæ, crassitie omni-  
a quæ unquam, (& ea non pauca,) ha-  
stenus me secuisse licuit, magnitudine lon-  
ge superabat; omni etiam vel futuræ ve-  
stigii expers erat.

---

O B S E R .

---

## OBSERVATIO XXXV.

*De Febre quotidiana lethali.*

**A**Ccersebar ad Architectum quendam febre quotidiana per aliquot septimanas gravatum, & tantum non confectum. Vomitum statim lenem, cum nondum penitus deficerent vires, præscripsi, qui effectum satis benignum habuit; Postea cordiali in Ventriculi solatium præscripto usum *Cort: Peruv:* consului. Nulla de ejus integritate suborta mecum suspicione, cum de Pharmacopolæ cui è longo jam tempore adsueverant, probitate, & in arte sua peritia, satis sibi (ut mihi libere retulerunt) constaret. Post triduum me vocarunt denuo rebus ægroti peslum euntibus. Hominem moribundum reperi, non ita diu postea mortuum. Pulverem, cum ejus specimen in cortice integro exigerem, cariosum & nullius pretii inveni, ita ut nullam omnino efficaciam contra hunc morbum, (& proinde in ejus delectu maximopere cavyendum est) efficaciam obtinuisse experientia hac vice, ut sæpius ante ediscebam.

*Dissectio Nona. Nov: 13. 1701.*

**V**entriculus cujusvis liquidi vel solidi expers flatibus magnopere distendebatur. *Vasa* ejus quaquaversum admodum sanguine turgebant. *Hepar* coloris erat subviridis instar olivæ, admodum autem sanum.

*Vesica fellis* liquor coloris erat subviridis, ejusdem propemodum ac *Hepatis*. Consistentia ejus viscida erat, nihilominus per cervicem ejus levi facta compressione facile satis transiens.

Ductus ejus in *Intestinum* patebat quatuor digitorum latitudine infra *Pylorum*.

*Pancreas* subalbi erat coloris admodum sanum, versus illam ejus extremitatem qua ad splenem alligabatur maculis quibusdam albissimis notatum.

*Latus* ejus inferius undique pinguedine tegebatur.

*Altera sua* extremitate versus *Intestinum* gracilescebat, & postea incrassata mollior evasit ejus substantia.

Ductus ejus in *cholodocum* apertus erat, at succum pluries frustra id conatus nullum exprimere valebam.

*Renes* bene constitutierant.

*Testiculi* ne quartam ordinariæ suæ magnitudinis partem sortiebantut, sinistro vix ad

ad avellanæ communis magnitudinem attingente; uterque flaccidus ac si è pelliculis, quibusdam invicem convolutis solum compositus, cum tamen uxorem haud decimam à puerperio septimanam transiisset, & infantulo satis vegeto ubera sua admoventem confpexeram.

*Epididymi* cum vasibus *deferentibus* naturaliter, quoad magnitudinem & conformatiōnem se habebant.

### *In Thorace.*

*Thymus* major quam in aliquo istius ætatis antea unquam vidissim.

In *Pericardio* exigua aquæ portio.

*Pulmonum lobi* in sinistro latere duo & tres in dextro ut folet.

Lateri unus *lobus* tenaciter adhærebat.

*Loborum* extremitates cor contegentes utrinque versus mediastinum albæ, & penitus exangues flaccescebant; superius autem cor versus maculis formæ irregularis coloris albi & cerulei invicem instar marmoris commixtis splendescabant; *loborum* initia sanguine adeo constipabantur, ut ibi per aliquod spatum plane livebant.

Dissecta *Pulmonum* profundius substantia, confertim erumpebat ab ejus quaqua-versum *Vesiculis* liquor spumosus, coloris quibusdam

quibusdam in locis aliquantum flavescentis, aliis albescens, qui apertis bronchiis, ut supra in alia Observatione recensitum est, copiose in ea distillabat.

Plurimis in locis in principio *loborum*, in extima eorum membrana conspiciebantur elevationes quædam istarum vesicularum instar (quarum in *Dissect.* sexta mentionem feci,) semuncialis latitudinis, aere, (ut ex earum sectione constabat) solum plenæ.

*Aorta* omnis pene sanguinis erat expersa.

*Polypus* ex Auricula dextra in *ventriculum* dextrum, inde in *Arteriam pulmonalem* ad sextam unciarum longitudinem transcurrebat; unde proculdubio oriebatur magna illa qua frequenter premebatur inter dormiendum respirationis difficultas, è qua vix ante liber evaserat quam suspiria satis profunda multoties repetita duxisset.

*Foramen Ovale* superna ejus parte summitate erat apertum.

Protuberantia Cl: *Lowero* primo observata cultro divisa, post internam ejus membranam disiectam substantiam pinguedinosañ solito durioris substancial exhibebat, at nunquam deesse, variæ licet crassitiei (prout magis vel minus pinguedine abundant homines) uti jamdudum observavi.

Unicum hoc loco haud inutiliter omni-

no inferi mecum judicavi in *Dissertatione prægressa de circulatione sanguinis in Embrione prætermisso, Foraminis ovalis* (viz.) partem istam quæ *Tuberculum præfatum* postea constituit, mutationem toti isti Auricularum utrarumque interstitio seu parieti, ubi *foramen* se aperit, communem, tractu temporis post natum infantem subire, ita ut ab infima fere istius marginis parte paulatim tandem in ejus supremam ascendat.

---

### OBSER-

## O B S E R V A T I O    X X X V I .

*De Apostemate Ventriculi mortifero.*

**A**Ccersebar ad Puellam sex annos natam, quæ spatio semestri per vices stomacho ægrotaverat, & postquam tandem de variolarum spuriarum, vulgo *Swine Pox*, convaluerat, in vomitionem violentam incidit, quam per aliquot dies præcesserat immanis Cephalagia, & quam comitabantur febris, sitis continua, stomachi ægritudo, & vigiliæ pertinaces; missione sanguinis ad paucas uncias consului, & post clysteris injectionem (alvus enim erat sicca) haustum Paregoricum sequentem.

*& Aq: Lact: alex: ȝ i ȝ. Diacod: ȝ ȝ.*  
Ms. f. haustus. Parum vel nihil dormiebat, nocte igitur sequenti haustui adjeci *Laud: liq: gr. viii.* quem sequutus est somnus exiguus, insignis etiam doloris remissio, uti etiam vomituritionis.

Recrudescebant omnia symptomata post narcotici vim difflatam, & proinde ejusdem repetitionem, & dosin ejus aliquanto auctiorem, prout illis commodum videatur, suasi.

Hinc omnia pacata erant; cæterum indies debilior facta post quatriduum vitam cum morte commutavit. Urina

Urina quæ per totum morbi decursum parca, erat magnum deponebat sedimentum consistentiā puris referens, & subflavi coloris, at sub finem parcus adhuc reddebat.

*Die sequenti Cadaver aperui, quo sequentia occurrabant.*

*Dissectio Decima & Ultima Mart: 17,  
1700.*

Aperto *Abdomine* conspiciebatur *Ventriculi* fundus sinistrorum summopere inflammatus, & paulo ulterius ubi versus splenem vergens, mediante *Omento*, isti *pancreatis* fini, qui spleni alligatur quodammodo incubit, puris ingens quantitas per aperturam quandam ulcerofam duos digitos transversos longam, ibi loci ex Apostemate rupto factam, ingens effundebatur, quæ omentum interjacens adeo erosisset, & penitus consumpsisset, ut vasa à *Ventriculi* fundo, *omento*, & *pancreate* exorta *venam splenicam* ingressura nuda oculis subjiciebant.

*Pancreas* altera extremitate sua quæ latior est, *Duodeno* adhærebat, & hic loci portionem sui quandam à se distinguitam, (uti non semel antea observavi) ac si esset alia glandula substantiæ cum priori prorsus similis, versus *Pylorum* ascendentem dimittit.

*Hepar*

*Hepar sanum erat.*

*Vesicula fellea bile turgebat, & digitis compressa liquorem suum facilem in Duodenum transmisit.*

*Ductus Cholodocus* isto Intestino inser-  
tus vix unciam unam à pyloro distabat,  
quod antea mihi conspexisse haud con-  
tigit; nullum autem bilis in ventricu-  
lo reperire potui vestigium; aliter forsan  
non levi conjectura morbum ab istius acri-  
monia originem suum tulisse credidisse.

*Porus biliaris ductum communem introi-  
bat digiti unius latitudine ante ejus in In-  
testinum insertionem.*

*Ren* sinister spleni inflammato (cui sepe  
vidi annexum) vicinus admodum tumebat  
& inflammabatur. Inde paucitas urinæ per  
totum ægrotationis spatium, quæ etiam  
sedimentū ejusdem coloris & consistentiæ,  
cum pure ex apostemate effuso depositum.

Aperto *Duodeno*, quicquid bilis ibi repe-  
riebatur intensè flavescebat, etiamsi eodem  
tempore quicquid à *Vesicula fellea* per com-  
pressionem fundebatur viridis erat; adeo,  
ut credibile est, bilem istam vel ab admissi-  
one cum altera bile à *ductu hepatico* huc  
confluenti, vel cum *succo pancreatico*, vel  
cum utrisque colore fuisse mutatam.

*Ventriculus* nihil in sua cavitate habuit,  
nisi materiae purulentæ aliqualem portio-  
nem.

*Membrana*

*Membrana ejus interna humore mucilaginofo admodum scatebat.*

*Vena coronaria ventriculi* cum suis distributionibus deorsum tendentibus instar arborum ramificationum eleganter apparebat, stagnante in iis sanguine ob ventriculi parietum inflammationem, & figuram illam ab egregio *Vesalio* delineatam exactissime referebat. *Glandulæ Mesenterii* naturaliter se habebant; *cæcum* intestinum tres uncias longum erat.

P. 568.  
Fig. 14.

*Capsulæ atrobiliarie* tota sua substantia concava renum summitati adhærebant. *Sinistra* quæ istius lateris reni adnascebatur inflammata etiam erat, *dextra* à rene avulsa albida apparebat, & per medium dissecta pelvim quandam, in qua exigua sanguinis erat portio, exhibebat.

Inflammati erant *Pulmonum lobi* utrinque in suo exortu, ubi dissecti interne admodum sanguinolenti apparebant, itidem & flatulenti.

*Pericardium plurimum* in se aquæ continebat.

*Glandulæ æsophagei* numero erant quinque, quarum quatuor quæ minores erant, æsophago in suo descensu versus *pulmonum* initium adhærebant; altera quæ cæteris simul unitis major erat, castaneæ nucis majoris magnitudinem habuit, & phaseoli figuram, *pulmonum* substantiæ eo loci ubi asperæ

aspera arteria in bronchia bifurcatur, continuabatur, & forsitan cum in tumorem insignem excrescere à morbo aliquam causa contingat, anhelitus strictioris causa existat, uti accidisse videtur in casu in *Misc: C: Decur: 3. An: 3. Obs: 115.*

*Æsophagus* infra pulmones descendens *Aortæ* adhæret mediante *Pleura*, quam cum ab *Aorta* separaveram, eo ejus latere quo ei adhæsit, uti etiam in *Dissectione* prima cujusdam *Asthmatici* alia membranæ istius parte supra observavi, p. 171. *glandulis* quamplurimis toto suo ductu ubique consistam inveni, num lymphæ cujusdam reductioni solum, num per ductus in altera illius interna (*viz.*) superficie terminantes humectationi ejus juxta *Cl: Stenonis* sententiā, vel halituum aliquantulum condensatorum admissioni, uti recentioribus quibusdam pl-

*Responf: ad Epift: quin- tam D: Frentz.* cuit, inservientibus, quas & *Peri- tiss: Vir Fr: Ruysch,* se mentis solum acie hactenus vidisse ait, me nondum satis compertum habere fateor.

Externa corporis superficie variis in locis conspiciebantur foveæ à variolis supra notatis relictæ, longe ampliores & profundiores quam solent esse aliæ à variolis genuinis relictæ, & absque ulla rubidine etiam si recenter factæ.

Ligatis *Venæ Cavæ* trunco descendantī & *Arteria pulmonali* ultra *canalis* seu *Tubuli arteriosi* exitū, dum *cavæ* truncum ascendentem inflarem, flatum fortiter ex *Aorta* in carotides & cervicales *Arterias* erumpentem conspexi, & vice versa quoties *aortam* inflaverim, ligato etiam *Tubulo arterioso*, ventriculum dextrum, cum auricula ejus inflatum reperi; hinc *foramen Ovale* apertum aliqua ex parte certo novaram, & postea comprobatum habui.

Hoc etiam obiter observavi, nempe dum *Cor*, cum vasis suis inflarem, spiritum è *Vena cava* libere in ventriculum sinistrum, & *Aortam*, prætermissa *Auricula* sinistra transiisse.

Cum interea dum inflaverim *Venam pulmonalem*, flatum non solum pertransire in *Auriculam sinistram*, & *Ventriculam* etiam sinistram quod facile est, sed etiam mediante *foramine Ovali* fortiter in *Auriculam dextram* & *Ventriculum dextrum*.

Etiam à trunco *Aortæ* descendantis flatum in *Ventriculum* sinistrum & *venam* etiam *pulmonalem* non obstantibus utriusque earum *valvulis* permeasse observavi.

*Vasa* intra cerebrum sanguine plurimum turgebant; cum autem nullam prorsus functionum animalium per integrum morbi

bi stadium læsionem annotassem, quæ o-  
lim lingua vernacula circa Partis hujus  
structuram publici juris feci, si ab ullo hac  
vice ulteriori ejus scrutinio prosequendo  
desistam, mihi veniam, uti spero, possint  
impetrare.

## FINIS.



## ERRATA.

**P**Ag. 5. l. 12. *lege acescens*, p. 7. l. 24. *l. demum*, p. 9. l. 17. *l. infructuose*, p. 27.  
 l. 13. *l. nullam*, p. 49. l. 10. *l. profuso*, p. 52. l. 7. *l. rigiditate*, p. 53. l. 2. *l. co-*  
*nabar*, p. 53. l. 8. *l. putrilaginosus*, p. 56. l. 22. *l. lecto*, p. 58. l. 13. *dele &c*, p. 59.  
 l. 16. *l. lipothyinia*, p. 60. l. 15. *l. vomitiones*, p. 61. l. 9. *l. festinantiori*, p. 103. l. 4.  
*pro singat l. simulet*, p. 120. l. 22. *pro abhorrescentia l. averstatione*, p. 211. l. 8. *dele*  
*granulata seu, l. 30. pro exsectis l. exsectorum*, p. 213. l. 29. *l. earum*, p. 215. l. 15.  
*pro hostihas, l. 27. pro aliunt l. aliam*, p. 217. l. 18. *l. magis protensus*.

## INDEX.

# INDEX.

## A

- A** Rticulorum tumor in Rhumatismo. Pag. 24  
Acidum peccans in Ictero. 45  
Artuum impotentia post febrem. 81  
Aquarum chalybeat: usus intempestivus. ib.  
In eorum usu cautio. 82  
Apostema in latere post Pleuritidem 94  
Apostema Ventriculi ruptum aquæ pavorem non semper adesse ex morsu venenosò canis rabidi. 126  
Asthma Pulmonalis. 132  
Asthma convulsivum. 138  
Asthmatis omnis una causa. 145  
Acidorum usus in Asthmate. 159, 168  
Thermarum Bathon: usus in Asthmate 167  
Auricula dextra Cordis maxima distensio a sanguine. 177  
Auriculæ sinistræ proportio ad dextram, 178, 21  
Ardor febrilis internus a Convulsionibus. 182  
Acidorum usus in nausea Ventriculi. 182  
Conjectura circa rationem exudationis seri in Ascitide. 190  
Arterie pulmonalis magnitudo. 204  
Hypothesis cuiusdam circa circulationem sanguinis in Embrione 200  
Arterie pulmonalis ramorum structura in Embrio- ne. 206  
Arterie hujus constitutio in Embrione & adultis 209  
Providus naturæ scopus in fabrica hujus Art: ib:  
Aqua spumosa in pulmonum vesiculis exundans. 233  
Renis inflammatio per consensum. 237  
R 2 Bilis

# INDEX.

## B

<i>Bilis in cholera non semper in culpa.</i>	p. 8
<i>Bilis vesica non obstructa in Ictero.</i>	114
<i>Bilis status duplex</i>	115
<i>Ejus status in Embrione.</i>	
<i>Unde in vesicam adducitur.</i>	

## C

<i>Cholera.</i>	p. 1
<i>Inter colicam biliosam &amp; choleram differentia.</i>	2
<i>Inter Colicam hysterica &amp; choleram differentia.</i>	ib.
<i>Choleræ causa.</i>	4
<i>Convulsiones aliquanndo causa primaria choleræ.</i>	8
<i>Catamenia incerto ordine &amp; cum torminibus fluentia.</i>	9
<i>Chalybis usus in mensibus nimis &amp; inordinate fluentibus.</i>	ib.
<i>Causa Mensium inordinate fluentium</i>	10
<i>Cura istius morbi.</i>	11
<i>Convulsiones à Lue venerea produc&amp;tae.</i>	12
<i>Cephalalgia ab eadem causa.</i>	ib.
<i>Cephalica medicamenta quid prosint in isto morbo</i>	14
<i>Cura ejus.</i>	16
<i>Cutis dolor.</i>	21
<i>Calamel: usus in Rhumatismo.</i>	27
<i>Convulsiones flatulentæ in Diarrhæa.</i>	30
<i>Convulsiones ventriculi in Diarrhæa.</i>	31
<i>Catheteris immissio in Urethram febris superveniens.</i>	37
<i>Colica cum intestini tumore externo.</i>	46
<i>Ejus cura.</i>	47
<i>Colon flatu distentum Colice causa.</i>	48
<i>Cervisia tenuis &amp; aliorum liquorum refrigerantium usus in internis caloribus male prohibitus.</i>	82
<i>Convulsiones post febrem.</i>	81
<i>Corticis Peruvio usus in Asthmae</i>	141
<i>Costa-</i>	

# I N D E X.

<i>Costarum cartilaginiæ in substantiam ostearum conver-</i>	
<i>sæ.</i>	173
<i>Convulsiones violentæ causa mortis.</i>	174
<i>Conjectura circa Auricularum cordis magnitudinis</i>	
<i>discrimen.</i>	177
<i>Convulsiones causa mortis.</i>	180
<i>Convulsiones &amp; Tussis mutuo se invicem excipientia.</i>	183
<i>Sinus Capsulae Atrobiliariae.</i>	238
<i>Calculosi dissecti Historia.</i>	185
<i>Conjectura circa rationem seri transudantis in Ascitide.</i>	190
<i>Cordis &amp; ejus vasorum structura in Embrione.</i>	197
<i>Circulatio sanguinis in fœtu.</i>	200
<i>Canalis arteriosi conformatio in Embrionibus.</i>	206
<i>Ejus usus.</i>	ib.
<i>Canalis ex ore in Aurem transitus.</i>	220
<i>Cerebrum ulcerose affectum absq; sensuum læsione.</i>	228
<i>Cerebrum putredine affectum.</i>	ib.
<i>Cranii crassities.</i> 230	<i>absque suturis.</i> ib.

## D

<i>Differentia inter Choleram &amp; Colicam Bilioſam.</i> p. 2	
<i>Differentia operationis ejusdem Medicamenti</i>	9
<i>Diarrhoea.</i>	17, 66
<i>Dolor cutaneus.</i> 21	<i>Ejus ſubjectum.</i> ib.
<i>Ejus cauſa formalis.</i> 22	<i>Ejus cura.</i> ib.
<i>Distinctio inter Corpora Pyramidalia &amp; Glandulas</i>	
<i>ſudorificas.</i>	22
<i>Dolor in Rhumatismo absque ullo tumore in principio.</i>	24
<i>Diarrhoea torminosa albi coloris.</i>	30
<i>Diarrhoea in morbillis.</i>	48
<i>Dolor colicus post febrem.</i>	81
<i>Diglutionis difficultas in Hydrophobia unde.</i>	129
<i>Diabetica diſpositio in Asthmate.</i>	138
<i>Diarrhoea in Asthma mutata.</i>	157

# I N D E X.

<i>Dissectio Asthmatici.</i>	170
<i>Dissectio Puellæ convulsivæ.</i>	174
<i>Dissectio Pueri convulsivi.</i>	183
<i>Dissectio Hydropici.</i>	187
<i>Dissectio fœtus post pauca momenta suffocati.</i>	210
<i>Ductus cholodoci terminatio in Embrione.</i>	212
<i>Diaphragmatis situs in Embrione.</i>	213
<i>Dissectio Fœminæ Hydrope testiculi affectæ.</i>	222
<i>Duodenum sphacelatum causa mortis.</i>	224
<i>Dissectio hominis febre tertiana extincti.</i>	232
<i>Dissectio Fœminæ Lue venerea affectæ.</i>	227
<i>Dolores nocturnæ in Lue venerea.</i>	226
<i>Dissectio Puellæ ulcere ventriculi affectæ.</i>	236

## E

<i>Emeticorum usus in Tussi convulsiva Puerorum.</i> p. 92	
<i>Empyema.</i>	94
<i>Emetici usus in Ictero.</i>	
<i>Experimenta circa sanguinis per pulmones circulationem,</i>	153, 154
<i>Errhinorum usus in Asthmate.</i>	168
<i>Experimenta quædam circa Canalem arteriosum &amp; cæterorum Cordis vasorum magnitudinem.</i>	206
<i>Experimentum circa sanguinis transitum per pulmones in Embrionibus.</i>	208
<i>Embrionis Dissectio.</i>	210
<i>Experimentum circa bilis vesicæ exortum</i>	211
<i>Experimenta quædam in cordis vasibus Embrionis per flatum facta.</i>	239, 240

## F

<i>Febris in Rhumatismo non nisi post secundam V: S: notata.</i>	p. 24
<i>Febris</i>	

# I N D E X.

<i>Febris intermittens partium dolorificæ irritationi superveniens.</i>	37
<i>Fæces alvineæ albæ in Ictero hysterico.</i>	41
<i>Febris vaporosa.</i> 56 <i>Ejus cura.</i> ib.	
<i>Febris malignæ sanatio per submersionem.</i>	130
<i>Fœtus hærens in ejus transitu ex utero.</i>	193
<i>Fœtus situs in Utero.</i>	194
<i>Foraminis ovalis situs &amp; structura.</i>	195
<i>Ejus Valvula.</i>	196
<i>Ejus Valvulae usus &amp; structura.</i>	ib.
<i>Foraminis ovalis usus.</i>	197
<i>Apertum aliquando aliqua ex parte in adultis.</i> 200, 234	
<i>Ejus situs mutatio.</i>	235
<i>Fœcum intestinalium conditio in Embrione.</i>	210
<i>Foraminis ex ore in Aures transientis situs &amp; structura,</i>	220
<i>Fœminæ ab Infante Lue venerea affecto &amp; lactato infectæ historia.</i>	226

## G

<i>Glandularum intestinalium usus.</i>	P. 34
<i>Glandulæ mesenterii induratae.</i>	170
<i>Glandulæ Pleuræ.</i>	171, 240
<i>Glandula pinealis lapidibus referta.</i>	173
<i>Glandularum internæ Membranæ Vesicæ fellis liquor qualis.</i>	190
<i>Uſus ejus.</i>	ib.
<i>Glandulæ Mesenterii in Embrione.</i>	212
<i>Glandulæ Renalis structura &amp; situs in Embrione.</i>	213
<i>Earum succus.</i>	ib.
<i>Earum vasa sanguinea.</i>	214
<i>Glandulæ duæ exiguae hepati subjacentes.</i>	ib.
<i>Glandulæ Ventriculi Embrionis.</i>	ib.
<i>Glandulæ Æsophagi,</i>	238

## INDEX.

## H

<i>Hepatis Glandulae acinosæ admodum tumefactæ in Corpore Hydropico.</i>	p. 8
<i>Hæmorrhagia per Anum.</i>	69
<i>Hysterica affectio multiformis.</i>	72
<i>Hooping-Cough.</i>	90
<i>Hæmorrhoidum mortificatio.</i>	97
<i>Hydrophobia Historia.</i>	120
<i>Helmontius notatur.</i>	128
<i>Hydrops pectoris in Asthmate.</i>	150
<i>Hæmoptoe in Asthmate.</i>	163
<i>Hepar obstructum.</i>	170
<i>Herma ventosa in Embrione.</i>	194

## I

<i>Inanitio causa vomitionum in Rhumatismo.</i>	p. 27, 28
<i>Icterus Hystericus.</i>	39, 116
<i>Ejus causa formalis.</i>	43
<i>Icterus criticus.</i>	112
<i>Icterus essentialis.</i>	116
<i>Immersiones in Hydrophobia.</i>	127, 129
<i>Intestini Ilei protuberantiae ventosæ.</i>	184
<i>Intumescentia &amp; rugitus ventris Hystericorum causa.</i>	185
<i>Intestinorum contenta in Embrione.</i>	210
<i>Longitudo eorum.</i>	217
<i>Integumenta cerebri putredine affecta.</i>	228

## L

<i>Litus mercurialis usus.</i>	p. 16
<i>A Lue Venerea capitis dolor continuo curata.</i>	ib.
<i>Landani usus in vomitionibus.</i>	28
<i>Lymphœductus Plexus chorœidis.</i>	173

*Mixtura*

# I N D E X.

## M

<i>Mixturae Riverianæ usus in cholera.</i>	P. 3.
<i>Usus ejus in vomitione febribus malignis superveniente.</i>	ib.
<i>Mucus intestinorum.</i>	35
<i>Meatus urinarii pruritus.</i>	36
<i>Mensum eruptio post V: S:</i>	45
<i>Morbilli irregulares.</i>	48
<i>Morbus canis rabidi aliquando innoxius.</i>	124
<i>Meconium Embrionum.</i>	210
<i>Mesocolon quid.</i>	ib.
<i>Mesenterium quid proprie.</i>	ib.
<i>Mesenterii Glandulæ in Embrione.</i>	212
<i>Membrana tenuis cerebri in interna Ventriculorum ejus firma &amp; tenax.</i>	229
<i>Membranæ pulmones vesiculosæ constitutio.</i>	234

## N

<i>Nodorum Venereorum Sanatio.</i>	P. 226
<i>Nutrix infecta ab Infante.</i>	ib.

## O

<i>Opii usus in cholera.</i>	P. 7
<i>Ejus neglectus periculosus in illa.</i>	ib.
<i>Observationes de duobus colica extintis.</i>	8
<i>Opii usus frustraneus, unde.</i>	19
<i>Opii usus in flatulentis convulsionibus.</i>	32
<i>Odor graveolentium hystericis aliquando noxius</i> 43,	110
<i>Ophthalmia contumax.</i>	63
<i>Odorum effectus varius.</i>	79
<i>Opiatorum varius effectus.</i>	108
<i>Opiatorum usus in Asthmate.</i>	144
<i>Ovarii magnitudo in parvula.</i>	176
<i>Qmenti situs inversus.</i>	189
<i>Offis</i>	

# INDEX.

<i>Ossis Pubis arcta connexio in fœminis.</i>	193
<i>Omenti conditio in fœmina Hydrope Testiculi extinta.</i>	222
<i>Ovarii hydropici contenta.</i>	223
<i>Vasa ejus.</i>	ib.
<i>Pondus ejus.</i>	224
<i>Omentum exesum.</i>	236

P

<i>Purgatio in Diarrhæa.</i>	p. 19
<i>Corpora pyramidalia subjectum doloris in cute.</i>	21
<i>Purgatio in Rhumatismo.</i>	27
<i>Pruritus in meatu urinario.</i> 36	<i>Cura.</i> 38
<i>Prostatarum fœminarum succus vitiatus.</i>	36
<i>Pruritus in Ictero.</i>	43
<i>Pustulae acuminatae in Morbillis.</i>	49
<i>Ptyalismus hysterica.</i>	72
<i>Paralytica affectio post febrem.</i>	81
<i>Pustularum ulcerofarum in variolis sanatio.</i>	89
<i>Pleuritis male judicata.</i>	94
<i>Purgationis violentæ symptomata periculosa.</i>	106
<i>Pylorus schirrosus.</i>	170
<i>Pancreas schirrosum.</i>	ib.
<i>Pulmones Diaphragmati adhærentes.</i>	ib.
<i>Pulmonum status in Asthmatico dissecto.</i>	171
<i>Pleura Glandulae.</i> ib. & earum usus.	240
<i>Protuberantia annularis striae.</i>	173
<i>Pancreatis status in corpore convulsivi dissecti.</i>	176
<i>Plexus choroëidis glandulae sero refertæ.</i>	178
<i>Eorum Lymphæductus.</i>	173
<i>Pancreatis induratio in hydropico.</i>	189
<i>Hepar exangue.</i>	189
<i>Hepar maculosum.</i>	ib.
<i>Pulmonum Aqua spumosa subalba in Hydrope.</i> 191	
<i>Placenta Uterina separatio ab Utero exanguis.</i>	194
<i>Processus Peritonei structura.</i>	ib.
<i>Pulmonum substantia in Embrione.</i>	195, 218
	<i>Eorum</i>

# INDEX.

- Eorum gravitas.* ib.  
*Pancreatis ductus terminatio in Embrione.* 212  
*Pylorus quid.* 214  
*Venæ Portæ ingressus in hepar in fœtu vitulino, ejus conformatio.* ib.  
*Sinus ejus primus seu minor.* ib.  
*Ejus ramificatio.* ib.  
*Eadem ejus conformatio in fœtu humano.* ib.  
*Pulmonum interstitia.* 219  
*Pulmonum inflatio & exsiccatio.* 197  
*Pulmonum externæ membranæ vesiculosa expansio.* 219, 234  
*Protuberantie Loweri structura.* 234  
*Ejus Mutatio.* 2  
*Protuberantia ductus bilarii, Pancreatis & seminal vasorum.*  
*Pulmones Embrionis in Aqua subsident.* 195  
*Pia mater putredine affecta.* 228  
*Pia mater visibilis in ventriculis cerebri.* 229  
*Pancreas pinguedine tectum.* 232  
*Polypus in Auricula Cordis dextra.* 234

## R

- Rhumatismus.* p. 24  
*In Rhumatismo seri lactis usus.* 25  
*Symptoma insuetum in Rhumatismo.* 26  
*Renis sinistri tumor & inflammatio in corpore convulsivæ dissecto.* 176  
*Ren Urina distenta in convulsivo.* 185  
*Ruptura umbilicalis.* 222

## S

- Sanguinis missio in cholera.* p. 3  
*Spirituum animalium motus irregulares aliquando causa cholerae.* 8  
*Sanguinis fluxus ab irregularibus spirituum animalium motibus.* 11  
*Sanguinis*

# I N D E X.

<i>Sanguinis inflammationis signum in Rhumatismo non nisi post secundam V: S: in sanguine notatum.</i>	24
<i>Seri lactis usus in Rhumatismo.</i>	25
<i>Sedes alvinæ albi coloris. 31, 32, 33. Causa.</i>	34
<i>Sedes nigri coloris.</i>	33
<i>Sanguinis missio in Ictero Hysterico proficua.</i>	44
<i>Symptomata vaporum eorum in febre maligna emula.</i>	60
<i>Eorum explicatio,</i>	ib.
<i>Scorbutus.</i>	100
<i>Ejus Diagnosis.</i>	102
<i>Ejus cum aliis affectibus similitudo.</i>	103
<i>Specifica in hydrophobia.</i>	131
<i>Sanguinis circulationis per pulmones modus.</i> 153, 219	219
<i>Sanguinis sputum in Asthmate.</i>	163
<i>Sanguinis circulatio in Embrione.</i>	200
<i>Sinus portæ.</i>	215
<i>Ejus structura &amp; foramina.</i>	ib.
<i>Sinus duo in Osse frontis in nares patentes gelatina pleni.</i>	229

## T

<i>Tumor articulorum in Rhumatismo.</i>	p. 24
<i>Tumor faciei in morbillis insignis.</i>	50
<i>Tertiana critica.</i>	68
<i>Tormina ventris.</i>	69
<i>Tussis convulsiva.</i>	90
<i>Translatio humorum in morbis varia.</i>	96
<i>Instantiæ variae.</i>	98, 99
<i>Tarantula morsus veneni gradus diversi.</i>	125
<i>Tussis humida in Asthmate.</i>	148
<i>Tussis voluntaria in Asthmate.</i>	158
<i>Tuba uterinæ magnitudo in parvula.</i>	176
<i>Ejus ductus.</i>	177
<i>Tussis &amp; Convulsionis reciprocationes.</i>	183
<i>Torminum convulsivorum causa insucta.</i>	184
	<i>Tuberculi</i>

# INDEX.

<i>Tuberculi Loweri situs &amp; usus.</i>	197
<i>Tubulus venosus.</i>	215
<i>Ejus situs &amp; magnitudo.</i>	ib.
<i>Thymus magnitudo &amp; situs in Embrionibus.</i>	217
<i>Tympanum exesum.</i>	221
<i>Testiculus hydropicus in fœmina.</i>	222
<i>Testiculi admodum parvi &amp; flacci.</i>	233


## V


<i>Ventriculi sideratio in vomitione.</i>	p. 7
<i>Vomitiones in Rhumatismo instar cholerae.</i>	27
<i>Vini Gallici rubri usus in vomitionibus.</i>	28
<i>Ejus quantitatis egregia epota absque ulla, vel levissima ebrietatis nota in debili, vel istius per urinam redditione.</i>	28, 29
<i>Vomitiones inanæ in Diarrhaea.</i>	31
<i>Vasorum sanguin: distentio mensium obstructionis causa.</i>	45
<i>Vesicatorii Empl. effectus insolitus.</i>	74
<i>Vaporum ita dictorum causa.</i>	78
<i>Venæ sectionis effectus in hysteris.</i>	80
<i>Variolæ irregulares.</i>	86
<i>Veneni morsus canis rubidi gradus diversi.</i>	125
<i>Ustiones in Hydrophobia quid profint.</i>	127
<i>Vomitiones in Hydrophobia usus.</i>	130
<i>Venæ sectio in Asthmate.</i>	134
<i>Vomitus usus in Asthmate.</i>	158, 167
<i>Vesica fœtus admodum distenta.</i>	175
<i>Ventricularum cerebri unus aqua scatens alter vacuus.</i>	178
<i>Ureter urina admodum distentus in convulsivo.</i>	185
<i>Vesiculosæ textura membranarum.</i>	188
<i>Vesica biliaria vacua.</i>	p. 189
<i>Vesicæ bilariæ internæ membrana glandulæ tumefactæ.</i>	189
<i>Vters</i>	

# I N D E X.

<i>Uteri crassities in gravida.</i>	194
<i>Valvula foraminis ovalis situs &amp; ejus mutatio.</i>	198, 199
<i>Ejur structura.</i>	205
<i>Ventriculi Embrionis contenta.</i>	214
<i>Vesica bilaria in Embrione.</i>	211
<i>Radices ejus.</i>	ib.
<i>Ejus contentum.</i>	ib.
<i>Ejus Membranæ internæ Glandulæ.</i>	ib.
<i>Ventriculi Embrionis Glandulæ.</i>	214
<i>Vena umbilicalis in hepar introitus.</i>	215
<i>Vesicularum seminalium ductus in Embrione.</i>	217
<i>Vesica urinaria status in Embrione.</i>	ib.
<i>Urachi ductus seu perforatio detectus.</i>	
<i>Auricularum cordis disparitas.</i>	219, 178
<i>Venæ Azagos situs &amp; fructura in vitulino fætu.</i>	219
<i>Auricularum ejus magnitudo.</i>	220
<i>Viscerum situs in fœmina quadam.</i>	224
<i>Ulcus cerebri absque sensuum læsione.</i>	228
<i>Ulcus ventriculi lethale.</i>	236
<i>Ventriculi Ulcus.</i>	ib.
<i>Vesicula fellis ductus prope pylorum.</i>	238
<i>Vena coronaria ventriculi per accidens pulchre conspicua.</i>	238
<i>Variolarum spuriarum foveæ ab iis genuinarum discrimen.</i>	239

**F I N I S.**





General History of the English People

A 17

